

Icikakatikilo Ca Mutanda



Lekeni tukontamike imitwe yesu pakashita fye nomba.

² Shikulu, ifwe nakabili twaisa capamo mukulongana. Kabili tuletontokanya panshita, mu nshiku sha ntendekelo, ilyo bena bonse baile ku Shiloh ku mapalo yakwa Shikulu. Kabili nomba, muno bushiku, ifwe natulongana muno kukumfwa Icebo Cenu. Kabili nge fyo twaba mukusoma muli ici cimo iciputulwa ca Malembo, ukutula Umwana wa mpaanga ali fye Umo uyo wingesula Ifikakatikilo, atemwa ukukakulula Fyena. Kabili tulepepa ukutula muno bushiku, nge fyo ifwe tucoseleko amano kuli ici Cikakatikilo ica Mutanda icikalamba, tulepepa, Shifwe uwa mu Mulu, ukutula Umwana wa mpaanga alaisula Cena kuli ifwe muno bushiku. Ukutula, ifwe tuli pano ukwiluka Cena. Kabili ilyo takuli umuntu pe sonde, atemwa mu Mulu, uyo uwali uwalinga, kano fye Umwana wa mpaanga alisangilwe uwalinga. E ico lekeni Uyo uuli uwalinga ese no kwisula Icikakatikilo kuli ifwe muno bushiku, ukutula ifwe twingalolesha fye ukuciluka umupaka wa nshita. Cena kuti catwafwilisha, twacetekela, Tata; ubu bukalamba, ubwa mfifi, ubushiku bwa lubemba ubo tuleikalama; kuti catwafwilisha no kutupela ukushipa. Ifwe tulesubila nomba ukutula tulesanga inkumbu mu cinso Cenu. Twaipela fwebene, pamo ne Cebo, kuli Imwe, mwi Shina lyakwa Yesu Kristu. Amen.

Kuti mwaikala.

³ Icingulopo mukwai, mwe banandi. Lyena lishuko ukuba muno nakabili muno bushiku, ukuba mu mulimo wakwa Shikulu. Nacielwako fye panono. Naciya fye ku. . .Pali cimo ica mukampampa, ica muntu uuli mukufwa, membala uwa ulu lukuta; ba nyina bali, atemwa besa kuno. Kabili batile umulumendo alefwa ililine. E ico ine—naciya kulya ukumona fye i—icinsingwa ca mwaume nacilala pa busanshi, ukulafwa, umwaume nalimo iciimo candi. Kabili mukashita fye akanono, nacimona umwaume ukwima pa nkasa shakwe, ukupela amalumbo kuli Shikulu. Kabili e ico, Lesa, nga tulekabila ukuyebelela imembu shesu no kucita cilya icili icalungama, ukulomba uluse, ukwita pali Wene, Lesa ali uwafwaya no kulolela ukupela cena kuli ifwe.

⁴ Kabili, nomba, ninjishiba na mukaba muno muno bushiku. Kabili—kabili cena cili. . .Iyo, ndemona icakukafishako nacishimishiwa. Kabili—kabili ifwe tuli. . .

⁵ Nalimwene mailo ubushiku, atemwa ilelo, buno bushiku bwandi ubwalenga cinelubali mucipinda ukwabula uluubuto, kano fye inyali sha malaiti, mwamona; ukusoma, kabili ukupepa ukutula Lesa esule ifi Fikakatikilo.

⁶ Kabili kuliko ifingi ifyo filembelwe, muli lilye bumba lya baipwishe ya-...atemwa amepusho mailo ubushiku, yali, ayengi atemwa ayanono, te mepusho ayengi nganshi. Cali ukufwaya ukukwata ukulongana kwa kundapa, nangu cibe fyo; twalefwaya ukwikala ubushiku na bumbi, ukukwata i... ukukwata ukulongana kwa kundapa pali Cimo. E ico ine—ine—kuti nacita, kucita, ine mucine kuti nacita nga cilya cali u—ubufwayo bwa bantu ukutila bena kuti ba cita cilya. Imwe kuti mwatontonkanya pali cena no kuleka ine njishibe, lelo nga mulefwaya fye ukwikala no kupepela abalwele.

⁷ Pantu, ni mpela yonse iyi inshita, umupwilapo, kuli ifi Fikakatikilo, kabili no kuitalusha fye ne mwine pa mulandu wa Fikakatikilo.

⁸ E ico kuti mwatontonkanyapo nakabili, no kupepela pali cena, elyo kabili lekeni ine njishibe. Kabili ndi nokucita, nga Shikulu asuminisha, kuti na cita. Umulimo wandi ukakonkapo ukaba ku Albuquerque, New Mexico, kabili cilya cikaba i—inshiku ishinono nomba. Kabili ningile ukuya ku nga'nda ku milimo imo, ukuyateyanya umusonkano umbi ku Arizona. Kabili e ico, lyena, nga cili no kuba ubufwayo bwakwa Shikulu! Imwe mupepelepo pali cena, kabili ine ndi no kucita cimo cine, lyena tuli no kwishiba ifingi palwa cena pantanshiko panono.

⁹ Kabili naciishiba fye. Nomba ndemona...Imwe nga muleya mulelanda pa malwele, ayo yaisa, mwamona. Nimona yuyu umukashana uwikele apa pene. Nga icintu cimo tacilemwafwilisha, ena taikale pano kano fye akashita fye akanono. E ico, kanshi, mwamona, ifwe—ifwe tulepepa fye ukutila Lesa ali no kucita. Cilya eco mubelele muno, ukufuma ukutali nganshi. E ico, mwamona, u—Umupashi wa Mushilo walishiba fye ifintu fyonse, mulemona. E ico Ena...

¹⁰ Lelo, mwamona, nalyesha ukupela iyi nshita kuli ifi Fikakatikilo, pantu twalitantika yena kuli cilya, mulemona. Lelo nga kuliko i...

¹¹ Nibanga abalwele abali muno, nangu cibe fyo, abo abeshile mukupepelelwa? Lekeni tumone amaboko yenu, ukushinguluka fye, ukuli konse. Owe, mwe! Hum! Cisuma, ni banga abengatontokanya ukutila cilya kuti caba icawama, Shikulu ngasuminisha, ukwikala no kukwata ici, ukusenda pali Cimo ubushiku, ukupepela fye abalwele, ukukwata ukulongana kwa kundapa pali Cimo ubushiku? Bushe kuti mwatemwa ukucita cilya? Bushe kuti mwacita? Cisuma, Shikulu nga suminisha, twalacicita lyena. Mwamona? Ifwe tuli—ifwe tukakwata ukulongana kwa mapepo ya balwele, pali Citatu, atemwa pa Mulungu ubushiku, atemwa...pali Cimo ubushiku, no kupepela abalwele.

¹² Nomba, ndesubila cilya tacilecilinganya lilye bumba ilyo ndebwelelamo nalyo, ukuya ukubwelela ku Arizona. Munyina Norman, bushe ali muno pa cifulo cimo? Bushe cilya cile cilinganya ubutantiko bobbe, Munyina Norman, icili conse? [Munyina Gene Norman atila, “Iyo.”—Ka.] Munyina Fred kabili na imwe bonse mwe bashala, bushe cilya cili fye bwino? [Bambi batila, “Cisuma.”—Ka.] Mwamona? Cilya cili fye bwino. Cisuma.

¹³ Kanshi, Shikulu ngasuminisha, pali Cimo ubushiku tuli no kwisa pepela abalwele, inshita fye imo iya bushiku yabikwa kumbali pali cilya, fyonse pamo, ukupepela fye abalwele. Nomba, takwakabe nakabili palwa Fikakatikilo. Nga Shikulu ali no kwisula fye ifi ifi Fikakatikilo, lyena tuli no kupepela abalwele, pali Cimo ubushiku.

¹⁴ Nomba, owe, ine mucine cine nabo wa kuipakisha ici, ukucilishamo, ukubombela Shikulu pali Ifi! Bushe imwe na muiipakisha Ici, ukwisula kwa Fikakatikilo? [Ulukuta lwatla, “Ameni!”—Ka.]

¹⁵ Nomba, ifwe nomba tulelanda ukufuma mu Cikakatikilo ica Cisano, atemwa . . . Icikakatikilo ica Mutanda, ntile. Kabili cilya cilesenda nomba ukufuma mu—mu vesi ya 12 iya cipandwa ca 6, ukuyashinta pa ya 17. Ni cimo ica lepesha pa Fikakatikilo. Kuliko ifintu ifinono ifilecitika umu. Kabili nomba i . . .

¹⁶ Ukulanda ukubwekeshapo panono pa fya mailo ubushiku, ukucita nga pa kutampila kunuma panono, cila nshita.

¹⁷ Kabili, ukusosa, ine—ndefwaya ukusosa icintu cimo, nacimbi. Nasangile, muli cilye cibokoshi, fine atemwa fisano ifintu ifikankala nganshi kuli ine. Balinjeba cilya . . . Kabili ine mucine ndefwaya ukulomba ubwelelo. Bushe amatepu navesulwa? Tepu naisulwa? Ndefwaya ukulomba ubwelelo kuli bamunyanane bakapyunga kabili na kuli imwe mwe bantu muno. Batile, inshita imbi iya bushiku ilyo nalelanda palwa—palwa kwa Eliya, pali ilya ora ilyo bena bali . . . Ena atontonkenye ena ali fye umu uyo wali no kuba mu Kusendwa, atemwa ena fye eka ukwisa mukupusushiwa. Ine—natile imyanda cinelubali mucifulo ica makana cineluba. Bushe co cishinka? [Ulukuta, “Ee.”—Ka.] Cisuma, ine mucine munjeleleko pali cilya, mwe bantu. Ine—ine—nalishiba bwino ukucila cilya. Cena cali fye kubulubusa kwa milandile, pantu nalishibe cali amakana cinelubali. Nsha cisosele fye bwino. Ine . . . Kabili ine—namutotela. Kabili cilya cilepilibula ukuti . . . Ndi uwansansa ukutila imwe mulelolekesha ifyo ndesosa. Kabili mulemona, kanshi, cilya cili . . . Pantu, cena, cena caba—cena caba amakana cinelubali.

¹⁸ Ninkwata yabili atemwa amakalata yatatu pali cilya, ayo ayasosele, “Munyina Branham, ndecetekela iwe walilufyenye.” Natile, “Bushe tacali amakana cinelubali mu cifulo ca imyanda cinelubali?”

¹⁹ Natontonkenye, “Mucine ine nshasosele imyanda cinelubali.” Mwamona? Cilya, kabili lyena ine . . . Billy . . .

²⁰ Kabili lyena ine, cintu cakubalilapo namwishiba, nabulile kakalata kambi. Kalembelwe, “Munyina Branham, iwe wali . . . Ndecetekela iwe watile imyanda cinelubali.”

²¹ Kabili umo muntu atile, “Munyina Branham, bushe cilya cali i—icimonwa ca bumupashi ukutila—ukutila kuli no kuba fye icipasho, kabili iwe walepashanya cena na cinelubali . . .?” Cilalenga abantu ukukana umfwa bwino ilyo mwaya muletontokanya pali ifi fintu, mwamona. Kabili cena cili icalinga, ukutila, cila nenga ine ukukana umfwa bwino.

²² Icintu cimo nacitika ilelo ilyo ici Cikakatikilo cacilasokololwa, ukutila naciya mukwenda fye mu lubansa, ukulaenda fye, mulya mulubansa pa kashita. Cilya cishinka. Cena caciba fye ukufumya umupu muli ine lilya line. Mwamona? E ico mulelanda, ukutitikishiwa? Owe, mwe! Mwamona?

²³ Icintu cimbi, mwamona, imwe muleshintilila fye pa fyo ine ndesosa. Kabili Lesa akanenga ukwasukilapo pa fyo ndemweba. Mwamona? Kabili e ico ine—ine ningile mucine cine ukuba uwashininkisha ngefyo ukushininkisha kwingaba ukushininkisha, mwamona, pali ifi fintu, pantu ino ni i—inshita ya pulishamo iyo tuleikalamo. Ee.

²⁴ Nacilatontokanya palwa kulongana ukwa kundapa pali Cimo ubushiku. Cilya kuti cakupumfyanza iwe, Munyina Neville apaliponse? [Munyina Neville atila, “Nangu cimo. Nkaba kuno kwine.”—Ka] Cilya cisuma.

²⁵ Uwawamisha Munyina Neville! Ndemweba, ena fye—bena balipanga fye umo, ndetontokanya, elyo balufishe icakumwenako. Cena cili . . . Ena mucine aba u—cibusa umwine mwine kabili munandi kuli ine, nala mweba.

²⁶ Tabernacle yakulwa, kabili natukwata ifipinda ifya Sunday school kabili ifintu fyonse fili ifyateyanishiwa, mu butantiko muno. Kabili bamo imwe mwe bantu mwe baba muno, ukushinguluka Jeffersonville, abalefwaya ukwisa ku chalichi, na mukwata icifulo icisuma, kabili incende yakwisako, ifipinda fya Sunday school.

²⁷ Kasambilisha musuma, kabili Munyina Neville pano, kwibumba lya bakalamba, kabili kacema umwine mwine. Nshilesosa cilya ku kumutasha wene, lelo kuti natemwa ukumupela ka rose akanono nomba ukucila umwina onse wamaluba panuma ilyo ena aya. Kabili Munyina—Munyina Neville, nalimwishiba ukutula ilyo nali fye umulumendo. Nomba, ena tapilibuka nangu panono. Ena acili fye Orman Neville, nga filya fine fye ena ali.

28 Ndeibukisha ukutandalila. Nangula ena alikwete inkumbu ishalinga ukunjipusha ine ukuya ku cintamba cakwe ilyo ena ali ni kashimikila wa Methodist mukati umu musumba. Kabili twalikwete ulukuta lusuma kulya lubali mu Clarksville, i...Ndemona kulya kwitwa Howard Park, Harrison Avenue Methodist Church. Ndetontonkanya kulya eko ena asangile imwe, kulya lubali, Nkashi Neville. Kulya lubali, pantu ena ali ni mem- . . .

29 Ilyo nabwelele, kabili nalilandile ku lukuta kuno, natile, “Ulya ali . . . Ulya ali ni umo uwa bantu abawamisha! Kabili bumo muli ishi nshiku ndi no kumubatisha mwi Shina lyakwa Shikulu Yesu.” Cena calicitike.

30 Uyu ali pano. Kabili nomba ena ni cibusa wandi, kulubali fye lwandi. Kabili uwacindama nganshi, umuntu uwa mucinshi! Ena lyonse aliminina kulubali lwandi kwati fye . . . ukupalama nganshi nge fyo engeminina. Conse ico nsosa, ena ekala fye pamo na ine no kuba pamo. Nangula ilyo ena aishile muno, ena tailwike Imbila lilya, lelo alicetekele Yena no kwikala pamo na Yena. Cilya kucindikwa, cilya mu cinshi, kuli munyina nga ulya. Teti nsose ifingi pali wene. Kabili nomba Shikulu amupale. Cisuma.

31 Nomba ukulangisha panono ukwa cungulo bushiku mailo, mukakatula kwa Cikakatikilo ca Cisano. Tatwaye ukubwelela fye kunuma muno bushiku, ukubwelela fye kunuma apalinga ukubula i-Icikakatikilo ca Cisano.

32 Nomba, tulesanga ukutila munkanyakristu uwaninine ukulaya, no kuibika umwine, ukufuma ku maka ya tatu. Bonse baile mu maka yamo fye, kabili aninine kabalwe uwa butulukila, “Imfwa,” mucilindi ca kumbo, mubonaushi, uko cafumine. Kabili lyena tulesanga ukutila ilyo i . . .

33 Amalemo yatila, “Ilyo mulwani aisa nge lyeshi, Umupashi wa kwa Lesa ulemye lamfya ukukanya ena.” Kabili twalicimwene mukupwililika ukushininkishiwa mu Cebo mailo ubushiku, pantu kwaliko ifya Mweo fine ifyo—ifyo fyaaswike ku i—imiku ine iyo uyu uwaninine aendele.

34 Kabili aenseshe kabalwe uwa pusana cila nshita, kabalwe uwa buta, elyo kabili kabalwe uwakashika, kabili kabalwe uwa fita, elyo kabili kabalwe uwa butulukila. Kabili tulesanga ukuti, yalya amabala, kabili ifyo yena yali kabili ifyo yacitile. Elyo sendeni cena ukucibwekesha mu kati ka nshita sha nkuta, kabili filya fine ifyo cena cacitile, ukupwililika fye.

35 E ico kanshi, mulemona, ilyo Icebo cakwa Lesa caampana capamo, ico cilepilibula Cena cintu calungama, mulemona. Ee. Ndecetekela, icintu icili conse ico cikashiwa pamo ne Cebo cakwa Lesa cena lyonse ni “ameni.” Mwamona?

36 Nomba, kwati umuntu uyo wasosele ukutila alikwete icimonwa, kabili ena asosele ukutila cena efo cali. Owe,

baleshiba Shikulu alicipele, pantu cena caishile na maka ayakalamba. Cisuma, icimonwa limbi kuti cili fye bwino. Lelo nga tacili pamo ne Cebo, kabili ica pusana ne Cebo, cena tacili icalungama. Mwamona?

³⁷ Nomba, nomba kuti kwabako bamo, bamo ba munyina ba Mormon atemwa nkashi. Kabili kuti kwabako bamo abengasenda aya matepu, nomba. Kabili nshilefwaya ukusosa cilya...Bamo abantu abawamisha nga ine na imwe mwingafwaya ukukumanya, kuti baba—baba mu bantu ba Mormon; abantu abamibele iisuma nganshi. Elyo kabili uwabo—kasesema wabo, Joseph Smith, uo abantu ba Methodist baipeye umu mu Irinois, pa bulendo bwabo kulya. Kabili e ico kanshi ulya—ulya muntu umusuma, ne cimonwa, nshiletwishika nakalya lelo ico akwete icimonwa. Ndecetekela ena ali umuntu wabufuma cumi. Lelo icimonwa ico akwete cali icapusana ku Malembo. Mwamona? E ico kanshi, bena balingile ukukwata Baibele iya Mormon, uku—ukuti cicitwe. Mwamona?

³⁸ *Ici Eco* pano, kuli ine. Ici eco. Ulya e mulandu wine, Icebo fye. Cilya eco. Mwamona?

³⁹ Inshita imo, ka—ka—kapyunga aishile kuno ukufuma ku calo ica kutali, kabili ena...Kabili nali mumwene panse na i—i...ukwensha motoka, ico icishaba...bamo ne—na na mayo. Kabili baishile mukulongana. Kabili naishilesanga ukutila, bena balyenseshe shibili atemwa inshiku shitatu, ena fye no mwanakashi, mukulongana, ukwisa mukulongana, capamo. Kabili umwanakashi alyupilwepo, itatu atemwa imiku ine iyapusana.

⁴⁰ Kabili uyu kapyunga aishile mucipinda cakwikalamo ca mu hotela uko nali, kabili aishileisa no kumposha mu minwe. Kabili naliposeshe mukuboko kwakwe, no kwima kabili nalelanda kuli wene. Nalimwipwishe, natile, “Nga wakwata inshita, bushe kuti nalanda kuli iwe mucipinda candi pakashita fye?”

Atile, “Mucine, Munyina Branham.”

⁴¹ Nalimusendele mu cipinda. Kabili natile kuli kapyunga, natile, “Revereland, mukwai, iwe uli mweni muli ino mpanga.” Natile, “Lelo uyu na mayo aliba ne shina iline line.” Natile, “Bali...Kabili iwe nawisa ukufuma konse kulya kuncende iya *ifi-ne-fi*, ukwisa kuli iyi iya *ifi-ne-fi* incende?”

Atile, “Ee, mukwai.”

⁴² Kabili natile, “Bushe tauli no mwenso ukutila cilya cili icapala kwati... Nshilekutwishika, lelo bushe tauletontonkanya cilya cili no kulangisha pa mibele yobe nga kapyunga? Bushe tauletontonkanya tulingile ukuba icakumwenako ica wamisha panono ukucila cilya?”

Kabili atile, “Owe, uyu na mayo aba uwashila.”

43 Natile, “Ine—nshiletwishika cilya.” Lelo natile, “Lelo, munyina, icintu ca cena ni ci, umuntu onse uyo ulolekesha pali ena te washila, mwamona, uyo ulolekesha pafyo ulecita.” Kabili natile, “Ndecetekela ulingile ukuba uwacenjela. Cilya cali fye munyina umo kumubiye.” Kabili atile... Natile, “Namayo alyupwapo ine atemwa imiku isano nomba.”

Kabili atile, “Ee, nalishiba cilya.” Atile, “Namwishiba, ine—ine...”

44 Natile, “Iwe tausambilisha cilya mu lukuta lobe ku mwenu, ulacita, pali cilya?”

45 E ico atile, “Iyo. Lelo,” atile, “nawishiba, nalikwete icimonwa palwa cena, Munyina Branham.”

Natile, “Cisuma, cilya cili fye bwino.” Natile...

46 Atile, “Bushe nausakamana?” Atile, “Ndecetekela kuti na kulungamika panono pe sambilisho lyobe palwa cilya.”

47 Kabili natile, “Cisuma.” Kabili ena... Natile, “Ine—ine—kuti natemwa ukwishiba cena, mukwai.”

48 Kabili atile, “Cisuma,” atile, “nawishiba, muli ici cimonwa,” atile, “Nali mutulo.”

Kabili natile, “Ee.” Nalimwene, lilya, cali iciloto. Mwamona?

49 Kabili atile, “Uwandi—umukashi wandi,” atile, “ena aleikala no mwaume umbi,” kabili atile, “kabili ukulampita mumbali.” Kabili atile, “Elyo aishile kuli ine, kabili atile kuli ine, ‘Owe, mutemwikwa, njelelako, njelelako!’ Atile, ‘Ine—ine—ine—njeleleniko cena nali cicitile. Ndi no kuba uwa cishinka ukufuma nomba no kutwalilila.’” Atile, “Mucine, nali mutemenwe nganshi, nali mubelele fye uluse, atile, ‘Cisuma.’” Kabili atile, “Lyena...”

50 Kabili atile, “Nawishiba ici? Lyena naishile kwata ubwilulo ubwa ici cimonwa.” Atile, “Ulya ni ulya umwanakashi.” Atile, “Mucine, ena alyupilwepo, kabili—kabili na fimbipo, kabili shonse ishi nshita.” Kabili atile, ukuti, “Cena cili fye bwino kuli ena ku kupa, pantu Shikulu ali mutemenwe nganshi. Ena kuti aupa imiku ingi nge fyo alefwaya ukucita, ukulingana nge fyo...”

51 Natile, “Icimonwa cobe cali icisuma nganshi, lelo cali ukutali sana mu Nshila iya wamishiwa umu.” Natile, “Cilya—cilya cilubo, mwamona. Iwe taulingile ukucita cilya. E ico ukutula... Mwamona?”

52 Lelo ilyo mwamona Amalemba, ukulingana na Malemba, ukulenga yena lyonse mukutwalilila uko yena yesa capamo. Amalemba, uko Ili limo lifuma apa, Ili limbi uku lubali lilesa no kulingamo, no kulenga icikope icituntulu.

53 Kwati kubika ubwangalo bwa filembo capamo, icapala. Mulesanga akaputulwa ako akalelingamo. Takuli icintu cimbi co cingalinga muli cena. Lyena mwatendeka ukukwata icikope ukubikwa bwino.

54 Kabili kwaba fye Umo uwingacita cilya, ulya Mwana wa mpaanga, kabili e ico tulelolekesha kuli Wene.

55 Lelo tulesanga ukutila ilyo ifi, uyu uwaninine, ena ali uwaninine umo uyo waenseshe aba bakabalwe. Kabili elyo twali mukonkele mpaka pa mpela, ukumona ifyo acitile ne fintu fyonse, nokwisa sanga ukuti, ukubwekela mu nshita sha nkuta cilya ni filya fine acitile.

56 Elyo ilyo aile pa cinama cimo no kucita icintu cimo, tulesanga ukuti kulya kwaliko cimo icatuminwe ukulwisha ifyo ena acitile.

57 Kwaliko cimo icatuminwe ku nshita ya kubalilapo, ica mwana wa mpaanga...ica nkalamo. Cilya cali Cebo, icine, Kristu.

58 Icakonkelepo cali ingo'mbe ilume, mukati ka nshita ya mfifi, ilyo—ilyo i—ulukuta lwa bungenye no kusumina ifisumino mu cifulo ca Cebo.

59 Kabili ibukisheni, icintu conse cashintilila pa fintu fibili: cimo, munkanyakristu; icibiye, icakwa Kristu.

60 Cicili caba icintu cimo cine ilelo. Takwaba Umwinakristu uwa hafu. Takwaba umuntu ukolelwe kabili natekanya; takwaba ifyuni ifya fita kabili no kubuta; iyo, iyo; takwaba umubembu uwashila. Iyo. Iwe nalimo uli umubembu Atemwa uwashila. Mwamona? Takwaba ukubapo cimo pakati. Iwe nalimo walifyalwa cipya cipya Atemwa iwe tawafyalwa cipya cipya. Iwe nalimo walisushiwa na Mupashi wa Mushilo Atemwa iwe tawaisushiwa na Mupashi wa Mushilo. Te mulandu ubwingi bwafyakumfwa umfwa mwakwete, nga tawaisushiwa na Mupashi wa Mushilo, iwe tawaisushiwa kuli Wene. Mwamona? Kabili nga iwe walisushiwa na Wene, ubumi bobo bulalangisha cena, ukuya fye ukukonka kuli Cena. Mwamona? Tapali nangu umo ulingile ukweba umo palwa cena. Bena balamona cena, mwamona, pantu Cena Cikakatikilo.

61 Nomba, tulesanga filye finama, ifyo fyaendele cila nshita. Cimo catumine pali bukapyunga bwakwe, mu maka ya mapolitiki, ukwampanya amaka ya bukapepa na—na maka ya mapolitiki, capamo. Tulesanga ukuti, Lesa atumine amaka Yakwe ku kulwisha cena. Tulebwelelamo kunuma no kumona ifyo inshita ya lukuta yali, no kulolekesha kunuma; kabili cilya cali palya, cali filya fine muli ulyo musango.

62 Elyo tulesanga ukuti, inshita imbi yalishile, kabili umulwani atumine munkanyakristu ukupitila mwi shina lya

bukapepa, ukupitila mwi Shina lyakwa Kristu, ukupitila mwi shina lya Lukuta. Ee, mukwai. Alile ukupitila mwi shina lya Lukuta, nangula. “Cilya cali Ulukuta ulwine lwine,” eflyo asosele. Mwamona?

Munkanyakristu te Russia. Munkanyakristu taba cilya.

⁶³ Munkanyakristu aba uwapalama nganshi ngo Bwinakristu ubwa cine, mpaka, Baibele itila, “Cena kuti catumpika icintu conse ico cishalingilwe kabela.” Cilya cishinka. Baibele itila ukuti, “Munshiku shakulekelesha, icintu conse ico cishalingilwe kabela, Abasalwa.” Itila, “Abasalwa!” Nomba, uuli onse, ukusenda lilye shiwi no kuli bwekesha mu mushilwa wenu, mulemona ifyo cilepilibula. Itila, “Abasalwa, abalingilwa kabela.” Mwamona? “Wene akatumpika uuli onse muli balya abo amashina yabo tayalimo mwi Buku lya Mwana wa mpanga ilya Mweo ukutula ilyo mufula we nsonde taulalengwa.”

⁶⁴ Ilyo Mwana wa mpaanga aipaiwe, amashina yalibikilwe mwi Buku. Ena naiminina mu Ncende iya Mushilo muno bushiku, mu Bukata, nga Kapapatila, ukucita ukupapatila kuli yonse ilye myeo iyo amashina yaba muli lilye Buku. Kabili tapali nangu umo uwaishiba lilye shina kano Wene. Ena e Ulya uyo ukwete Ibuku mu minwe Yakwe, kabili Ena alishiba. Ilyo ulya uwa kulekelesha akesamo, lyena inshiku shakupapatila Shakwe shapwa. Ena akesa lyena ku kusenda ifyo Ena alepapatilako. Ena alebomba umulimo uwa bu Kalubula wa Lupwa nomba; kabili aleisa ukupokelela Abakwe Umwine. Owe, mwe!

⁶⁵ Cilya cilingile ukubika Umwinakristu onse uku—ukuicencenta umwine, no kwimya amaboko yakwe ku cinso cakwa Lesa, no kusosa, “Nsangululeni, Mwe Shikulu! Lolekesheni mu bumi bwandi, kabili—kabili lekeni ine—lekeni ine mone uko iciputulwa candi icabipa cili. Lekeni mfumyepo cena ukucitalusha, bwangu bwangu.” “Nga abalungami bakapusushiwa kwempe, ni kwisa uko umubembu na bashashila bakaba?” Yena ni nshita iya kucencenta.

⁶⁶ Kabili nga imwe kuti mwacibika mucifulo, kabili mulefwaya uku...kabili ukupela ici Cebo. (Nomba, nshilefwaya uku, ukunjipusha ilipusho pali ici, pantu calantwala kulya kuli cimbi; ndepilibula, mukulemba amepusho yenu. Ndetontonkanya amepusho emo yali, nangu cibe fyo.) Ino ni nshita iya kufwailisha kwa bupingushi. Cilya cishinka. Nomba, tuli no kusenda cilya pa—pa Mapenga ilyo twaisa kuli cilya, ilyo lyonse Shikulu apela, atemwa Inweno, kabili tuli no kusanga ukutila pali kulyo kufwailisha ukwa bupingushi, lintu fye ilyo Utulanda twabilishiwe. Kabili—kabili tulemona ukutila cilya Cishinka. Kabili ba Malaika batatu abo abapume sonde, ukubilikisha, namwishiba, “Akalanda! Akalanda! Akalanda ku baikala pe sonde!”

Kabili ifwe tuleikala mu nshita iya bipisha nganshi, inshita iya kutila . . .

⁶⁷ Mulemona, ifi fintu ifyo ifwe tulimo nomba, ifyo tulesoma ino ine inshita, fyaba panuma ilyo Lukuta lwaya, mwamona, ifi fintu mu nshita ya Bucushi. Kabili ndetontontokanya cena cilingile ukupwishiwa mucine mu mutima wabacetekela bonse, ukutula ulu Lukuta talwakatale ukuya mu nshita ya Bucushi. Imwe te kuti mubike, tapali nangu pamo, Ulukuta mu Bucushi. Ine . . . imwe mulabika ulukuta mulya, lelo te nabwinga. Mwamona, nabwinga ena naya.

⁶⁸ Pantu, mwamona, Wene, Wene takwete ulubembu nangu lumo, takuli nangu cimo ica kususha Wene. Inkumbu shakwa Lesa nashimufimba Wene. Kabili umuti wa bleach nausenda ulubembu lonse ukulutwala ukutali nganshi, takuli nangula ukutala ukwibukisha ukwa lwena; tapali akantu kano fye ukusanguluka, ukupwililika, mu Mulola wakwa Lesa. Owe, cilingile ukulenga Nabwinga ukwisa pa ma kufi Yakwe no kulilila kuli Lesa!

⁶⁹ Ndetontontokanya pe lyashi ilinono; nga nshilesenda inshita yenu ikalamba, muli ifi fya kubalilapo. Ndi . . . Ine—ndacita ici pa mulandu umo, ukumfwa, mpaka naumfwa Umupashi bwino bwino fye, ukutampa.

⁷⁰ Ici cili i—ici cintu ica bukata. Mwamona? Cena cili, mwamona, na ni uwaishiba ifi fintu kulya? Tapali nangu umo kano Lesa. Kabili fyena tafilingile ukusokololwa, no kushininkishiwa muli Baibele ukutula fyena tafyali no kusokololwa, mpaka buno bushiku. Cilya cishinka nganshi. Mwamona? Fyena fyali—fyena fya litunganishiwepo; lelo nomba ifwe tulingile ukufikwata filya fine, Icine, Icine icashininkishiwa. Mwamona? Moneni.

⁷¹ Nomba, kwaliko u—umukashana umunono ku masamba, ifyo kutila wene akwete—ena aishileba mucitemwiko no mwa . . . Umwaume aishileba mucitemwiko nankwe. Nga kashita wa ngo'mbe, aishile kulya ku Company iya Armour. Kabili—kabili bena balikwete i—ikalamba . . .

⁷² Umukalamba wa mulimo alishile ubushiku bumo, umwana mwaume wa mukalamba wa mulimo ukufuma ku Chicago, kabili, mucine, bena balababika ukwaseka, umupaka wa ku masamba. A—abakashana kulya, balifwele; cila umo ali no kusenda uyu mulumendo, mucine, namwishiba, pantu ulya ali umulumendo uwa ulyo mwaume umwine wa fyonse. E ico, balifwele mu mifwalile yabo iya ku mupaka wa ku masamba.

⁷³ Kabili—kabili balacita cilya ku masamba. Bena bapitilemo fye muli cimo ica filya ificitika. Kabili Munyina Maguire, ndetontontokanya ali muno nomba, bali mwikete mulya mu musumba ukwabula ifya kufwala fyakwe ifya ku masamba, kabili bali mubikile mu—mucifungo. No kumutwala mu cilye

ca kangaroo, no kumulenga ukulipila pali cena, elyo kabili ukumulenga ukuya mu kushita ifyakufwala fya ku masamba. Kabili nalimona abashala muli bena ukwenda enda ne mfuti isha lepa nge *fi*, ukulebela kuli bena. Bena baba fye abekala munshi kulya lubali. Bena baleesha ukwikala mu cintu cimo ica mu nshiku sha kunuma isha kale, ishaphita. Mwamona?

⁷⁴ Kabili elyo, mu Kentucky, imwe mulesha ukwikala mu nshiku isha pita isha ku kabanga kuno, mucili kunuma mu Nika ya Renfro ne fintu. Imwe mwalitemwa ukubwekela ku nshiku sha kale. Kwalibako icintu cimo icilelenga cilya.

⁷⁵ Lelo ilyo caisa kunuma, ukubwekela ku Mbila nsuma muntendekelo, imwe tamufwaya ukucita cilya. Imwe mulefwaya icintu cimo icipyua, mulemona. Cilelangisha ukutila, mwamona, imwe—imwe...kuliko i...

⁷⁶ Kabili cinshi icilenga u—umwaume ukucita icalubana? Cinshi icilenga wene ukunwa no kucita ifya kucita cita, atemwa umwanakashi ukucita icalubana? Ni pa mulandu wene aleesha uku...Kuliko icintu cimo muli wene, ica cilaka. Kuliko icintu cimo mu mwaume, ica cilaka. Kabili bena baleesha ukupwisha cilya icilaka ca mushilo ne fintu ifya mwisonde. Ilyo, Lesa alingile ukuba cilya icakwikusha. Ena alengele imwe muli ulya musango, ukukwata icilaka. Ulya e mulandu wine imwe mulakwatila icilaka pa cintu cimo. Lesa amulengele ulya musango, e ico imwe kuti mwatwala cilye cilaka ca mushilo kuli Wene. Mwamona? Lelo ilyo mwaesha ukupwisha cilye cilaka...Mulandunshi umuntu onse alecitra cilya! Imwe tamwakwata insambu ukucita cilya, ukwasha ukupwisha cilye cilaka ica mushilo ico mulakilapo icintu cimo, kabili, lyena, kabili imwe mulacitwala mwi sonde, ukwasha ukwikusha cena ne sonde. Imwe tekuti mucicite. Kwaba fye icintu cimo icikekusha cilya, kabili ulya ni Lesa. Kabili Ena amulengele imwe ulya musango.

⁷⁷ E ico, aba—aba bakashana abacaice bafwele i—imifwalile iyaseka iya ku masamba pali uyu mulumendo ilyo ena—ena aishile isa. Kabili cila umo uwa muli bena bali abashininkisha bali no kusenda uyu mulumendo.

⁷⁸ Kwaliko umufyala umunono kulya ku famu, kabili ena ali umwana wa nshiwa, kabili eico ena alebomba fye onse u—umulimo uwa bena. Pantu, bena balekwata ukuwamya amala yabo, namwishiba, kabili bena tekuti basuke imbale pa mulandu wa minwe ne fintu. Kabili ena alebomba onse umulimo utuntulu uwa kosa.

⁷⁹ Kabili lyena, mukulekelesha, ilyo mulumendo aishile, balile kulya no kumusenda mumusango uwa kale uwa ku masamba, kabili mwiceleta. Kabili balishilemo, ukulasa imfuti shabo ne fya kucita cita, namwishiba, kabili ukwangala. Kabili ilya nshita ya bushiku balikwete amasha ayakulu ayakalamba

kunse kulya, pa mi—pa masha aya nshita ya kale, kabili bonse abateke ngo'mbe kulya, nalimo, kabili ukwisa ne mishanine yabo, kabili na fimbipo. Kabili, icintu cakubalilapo namwishiba, cinshi, ici calitwalilile, cali ukusangalala pali shibili atemwa inshiku shitatu.

⁸⁰ Elyo, inshita imo iya bushiku, uyu mulumendo alifumine, mpaka... ukufuma mu cifulo, ukutushako fye pakashita ukufuma ku masha, kabili alitalwike ukufuma kuli aba bakashana. Kabili ena acitile ngo ulelelekesha, ukulaya ukulola kwi cinka. Kulya kwali umukashana umunono, uwa moneke ngo wasapula. Kabili ali ne cipe icaisulamo amenshi, ena alesamfya imbale. Kabili atontonkenye, “Nshatala mu monapo nakalya. Ndesunguka uko ena afumine?” E ico ena acibikile fye mu nshila fye yakwe ukuya ukushinguluka ku lubali lwa—lwanga'nda ya babomfi, kabili ukuya kulya lubali no kubwekela, ulubali lwe cinka, kabili ali mukumenye.

⁸¹ Wene takwete insapato. Aliminine. Wene alikontamike umutwe wakwe panshi. Ali mwene ifyo ena ali, kabili wene ali ne nsoni nganshi. Alimwishibe uyu muntu umukalamba. Kabili wene ali fye umufyala kuli aba bakashana bambi. Shibo ali ni kangalila pali iyi ikulu iyalinga iya Bulwi, e ico balisungile i... Wene atwalilile ukulolesha panshi. Wene ali ne nsoni pa kuba ukwabula insapato.

⁸² Atile, “Ishina lyobe niwe ani?” Wene ali mwebele. Atile, “Cinshi ico taubelele kulya ku i... uko abashala bali?” Kabili wene ali ngo waleleshalesha.

⁸³ Kabili e ico, inshita imbi iya bushiku iyakonkelepo ena alelelekesha wene nakabili. Mukulekelesha... Ena aile ikala kulya lubali. Kabili bena bonse balitwalilile ne fyakucita cita, ifintu fyonse. Ena—ena aikele palupango lwe cinka no kulolela wene ukwisa, ukuitila amenshi. Kabili ali mumwene. Kabili atile kuli wene, atile, “Nawishiba umulandu wandi uwine wine uo mbebele kuno?”

Umwanakashi atile, “Iyo, mukwai, nshishibe.”

⁸⁴ Atile, “Umulandu uo mbebele kuno kufwaya umukashi.” Atile, “Ninsanga imibele muli iwe iyo bena tabakwata.” Nacilatontokanya pa Lukuta, mulemona. Atile, “Bushe kuti twaupana naine?”

Atile, “Ine? Ine? Ine—teti ntontonkanye pa cintu ca musango ifyo, ine.”

⁸⁵ Mwamona, ulya ali umwana mwaume uwa mukalamba wa mulimo. Ena akwete utwa mpane tonse no mwakusungila ingo'mbe mu calo conse, ne fintu fyonse, mulemona. Atile, atile, “Ee.” Atile, “Ine—ine tekuti nsange umo mu Chicago. Ine—ndefwaya umukashi umwine mwine. Ndefwaya umukashi wa mibele. Kabili icintu ico ndefwaya, ndecimona muli iwe.” Atile, “Bushe walaupwa kuli ine?”

Umwanakashi atile, “Cisuma . . .” Cena cali mupapwishe. Kabili atile, “Ee.”

⁸⁶ Kabili umwaume atile, “Cisuma . . .” Alimwebele ena ukuti akabwela. Atile, “Nomba, iwe uiteyanye fye we mwine, kabili umwaka ukufuma nomba ndi no kubwela. Cisuma . . . Kabili nkesa kusenda, kabili nkesa kusenda ukukufumya kuno. Iwe tawakese mukubomba nge fi nakabili. Ndi nkesa kusenda. Kabili ndi no kuya ku Chicago, kabili nka kukulila inga’nda iyo tawatala aumonapo.”

⁸⁷ Umwanakashi atile, “Ine nshilati, ukutala—ukutala ukukwatapo inga’nda. Ine ndi mwana wa nshiwa,” eflyo asosele.

⁸⁸ Atile, “Nkakukulila inga’nda, imo ituntulu.” Atile, “Ndi no kubwela.”

⁸⁹ Ena alelembeshanya nankwe, mukati ka nshita, mu mwaka. Umukashana alibombele ifintu fyonse ifyo wene enga cita, ukusunga indalama ishalinga pali dollar yakwe yakasuba kamo, atemwa shonse isho alekwata na kabungwe kakwe, ku kushita ilaya lyakwe ilya bwinga. Icipasho icapwililika ica Lukuta! Mwamona? Mwamona? Ena ali pekenye amalaya yakwe.

⁹⁰ Kabili, namwishiba, ilyo alangishe ili laya ilya bwinga, abakwe—abafyala bakwe batile, “Cinshi, iwe we mubusu, umwana uwatumpa. Ulepilibula ukutontonkanya ukutula umwaume nga ulya kuti akwatapo icakucita na iwe?”

⁹¹ Umukashana atile, “Lelo ena alindaya.” Ameni. Atile, “Ena alindaya.” Atile, “Ndecetekela icebo cakwe.”

⁹² “Owe, ena alecita fye iciwelewele muli iwe.” Batile, “Nga ena alikwete umo muntu, ena kuti akwata umo muli bena.”

⁹³ “Ee,” atile, “lelo ena ali ndaya. Ndelolela cena.” Ameni. Na ine, wine.

⁹⁴ E ico, shalitwalilile ukuya pantanshi kabili pa ntanshi. Ubushiku bwalifikile mukulekelesha, ora imo ena alingile ukuba kulya, e ico alifwele ilaya lyakwe. Kabili wene tatalile ukumfwako ukufuma kuli ena. Lelo wene alishibe ena ali no kuba kulya, e ico ena alifwele mu fyakufwala fyakwe ifyabwinga, aliteyenye fintu.

⁹⁵ Cisuma, bena balisekele nganshi apa. Pantu, umwine wa nmulimo alitumine kuli ka—kangalila, atemwa—atemwa ku . . . Tapali nangu umo pa bakashana abo abaumfwilepo icintu cimo palwa cena, e ico cali fye conse icintu icakupapusha kuli bena. Cilya eflyo cili, na co. Cena mucine eflyo cili.

⁹⁶ Lelo uyu mukashana, mu cinso ca fyonse ifya fyena, pa mulingo uwe shiwi lyakwe ukutula ena akabwela kuli ena.

97 E ico, bena batendeke ukuseka. Kabili baliketene amaboko yabo, umo no mubiye no kulashana ukumushinguluka. Batile, “Iyee!” Ukulaseka, namwishiba, nga filya, namwishiba, atile, “Umubusu, umunono, umwana uwatumpa!”

98 Umukashana aiminine fye palya, ukwabula insoni nangu shinono muli wene. Ena aikatilile fye amaluba yakwe. Kabili ne laya lyakwe ilya bwinga lyonse ilya teyanishiwa; wene alilwishishe, namwishiba. “Nabwinga wakwe naiteyanya Umwine.” Mwamona? Wene atwalilile ukwikatilila amaluba yakwe, ukulalolela.

99 Batile, “Nomba, nacikweba ukutila cena cilubo. Mwamona, ena taleisa.”

Atile, “Ninkwata ba miniti basano na bambi.” Atile, “Ena ali no kuba pano.”

Owe, bena balisekele!

100 Kabili pali ilya ine nshita inkoloko iya kale yaishile fika pa ma miniti yasano, baumfwile bakabalwe balebutuka, imisensenga ukuululuka mwisamba lya mipeto. Iceleta ilya kale lyaliminine.

101 Umukashana alitolweke ukufuma mukati kabo, kabili ukufuma pa mwinshi. Kabili ena alitolweke ukufuma pe celeta, kabili awilile mu minwe yakwe. Atile, “Cena nacipwa conse nomba, mutemwikwa.” Ashile umufyala wakwe umukote umunono ifilonganino ukwikala palya, ukulolekesha. Wene—wene aile ku Chicago, ku nga’nda yakwe.

102 Nalishiba ubulayo na bumbi ubukalamba nga filya, nao, nomba. “Ndeya mukumupekanishisha apakwikala; nkabwela ukumupokelela.” Bena limbi kuti basosa kutila twalifulungana. Lelo, munyina, kuli ine, ino ine nshita, kabili ifi Fikakatikilo ukukakatulwa nge fi, ukupitila muli ici cintu ica kupapusha, kuti naumfwa fye iciunda, nge fyo ilye nkoloko iya nshita ileendela ukuya mu Muyayaya mulya. Kutu namona fye ulya Malaika ukwiminina kulya no kusosa, pa mpela ya Mbila yakwa ulya malaika uwalenga cinelubali, “Takwakabe ukukokola nakabili.” Ulyo munono, nabwinga uwacumfwila akesa pupuka ukuya mumaboko yakwa Yesu bumo muli ishi nshiku, ukusendwa ku Nga’nda yakwa Tata. Lekeni tutontonkanye pali ifi fintu ilyo tuleya pantanshi nomba.

103 Moneni bukapyunga bwa nkalamo, Icebo; ingo’mbe ilume, ukubomba kabili ilambo; ukucenjela, kwa bakalungamika; kabili i—inshita yakwa kapumpe, ukwisamo, iyo yali no kusokolola no kusenda ifi fintu no kufilangisha.

104 Nomba tulesanga ukuti, mu kulongana kwa mailo mu nshita ya bushiku, nako, inkama ikalamba yaliswike muli ici Cikakatikilo, ico cali mucine icapusana ku kwiluka kwandi ukwa kale. Ukwelenganya fye ukutila cena cali fye

icalungama, ine lyonse nalesuminisha ilye myeo pe samba lya cipailo ukuba Abenakristu abantendekelo abaipaiwe. Lelo twasangile ukuti, mailo ubushiku, ilyo Shikulu Lesa akakatwile filye Fikakatikilo kuli ifwe, cena mucine cali icishingacitwa. Cena tacali bena. Bena bali mu Bukata, kulya kulubali lumbi, kabili balya bali palya. Tulesanga ukutila bena bali baYuda abo bali no kwisa mukati ka nshita, uko, i. . .

¹⁰⁵ Ukufuma ku bwite nomba, uko aba makana umwanda umo na makana amakumi yane na makana yane, abo twalaisako mu bushiku na mailo. Kabili—kabili pakati ka ca Mutanda ne Cikakatikilo ica cinelubali, aba amakana umwanda umo na makana amakumi yane na makana yane baketwa.

¹⁰⁶ Kabili elyo tulesanga ukuti, ukutila bena bali abafwile abo abaipaiwe, kabili nomba bena tabali. . . Balifwele imingila iya buta, lelo amashina yabo yali mwi Buku ilya Mwana wa mpaanga ilya Mweo. Kabili bena balipelwe imingila iya buta, cila umo muli bena. Kabili twalisendele cilya. Kabili tacili nangu cimo mwi sonde, nshilecetekela, lelo lilye bumba ilya ba—ilya baYuda abo baile ukupita mu nshita ya bucushi. Ilyo, mukati ka nshita iya ishi nkondo sha kulekesha, bena bali. . . Bena balicita. . . Bena balingile ukubapata ku uuli onse. Kabili Eichmann aipeye ba million aba bena mu Germany. Mwalyumfwa fye umulandu. Million iya bantu abakaele ukwipaiwa, abaYuda, pa mulandu fye bena bali baYuda; takwali umulandu umbi.

¹⁰⁷ Baibele itila apa, ukuti, “Bena balipaiwe pa mulandu wa bunte bwabo kuli Lesa, pa mulandu wa—wa Cebo cakwa Lesa, no bunte ubo bakwete.” Nomba tulesanga ukutila Nabwinga ali Cebo cakwa Lesa kabili ubunte bwakwa Yesu Kristu. Aba tabakwete ubunte bwakwa Yesu Kristu.

¹⁰⁸ Kabili tulesanga ukutila Baibele itila, ukutila, “Israele onse, abalingilwa kabela bakwa Isreale, bakapusushiwa,” AbenaRoma 11. Nomba twalishiba cilya. Kabili kulya twalimwene ilye myeo.

¹⁰⁹ Nomba lolekesheni ifyo capalama. Cinshi ici tekuti cibeledo akale? Pantu cena tacatalile ukucitika nakale. Nomba imwe kuti mwamona cena, mulemona. Mwamona, Umupashi wa Mushilo ukalamba, ukumona filye fintu ukwisa ukupita mu—mu nshita na munshita. Kabili nomba cena cilesokololwa, kabili lyena imwe mulalolekesha kulya no kumona cilya cena cishinka. Palya epo cena cibebele.

¹¹⁰ Nomba, cena cali—cena cali abaipaiwe mubucushi, atemwa mu bucushi bwakubalilapo, bwakwa Eichmann. Nomba, bena balepashanya fye abaipaiwe aba ba makaumi umwanda na makana amakumi yane na amaka yane, ici ico tuleyamo, pakati ka ca Mutanda ne Cikakatikilo ica Cinelubali. Mwamona?

¹¹¹ Kabili Icikakatikilo ica Cinelubali caba fye icintu cimo, epela fye, kabili ici, “Kwali tondolo mu Mulu ukufika pakati ka hafu wa ora.” Kabili nomba Lesa fye eka kuti asokolola cilya. Cena tacaba neca kulangililako, nangu pamo. Cilya ni mailo ubushiku. Mpepeleniko. Mwamona?

¹¹² Nomba, tulemona nomba, ilyo tuleya mu Cikakatikilo ica Mutanda. Nomba lekeni Shifwe uwa mu Mulu atwafwilishe ilyo tulepwisha ici nomba kuli ici Cikakatikilo ica Mutanda. Nomba iyi vesi iya 12 iya cipandwa ca 6.

Kabili namwene ilyo ena . . . akakatwile icikakatikilo ica mutanda, ilyo, moneni, kwali icinkunkuma icikalamba; na kasuba kali fitile nge saka lya masako, no mweshi onse waishileba ngo mulopa;

Ne ntanda sha mu mulu shaponene pa . . . panshi, ifyo mukunyu uponya ifimpompo fya uko, pa kusunkaniwa ku mwela ukalamba.

No mulu wakunkulwike ngo mufungilo pa kufungwa; no lupili lonse ne cishi conse fyaseshiwe apo fyaikala.

Ne sha mfumu sha pe sonde, na bakalamba, na ba mushika, na ba fyuma, na bakosa, no musha onse . . . no muntungwa, bafiseme mu ninga namufimabwe ifya mu mpili;

¹¹³ Moneni palya? Lolekesheni kuli bena, “abaume abakalamba,” mwamona. Ni finshi ifyo bacitile? “Bena balipokelele umwangashi uwa cipyu ca bulalale wakwa cilende.” Mwamona? Nililya line ibumba limo line ilyo liyanwine umwangashi wakwe. Mwamona?

No kusosa ku mpili na kufi mabwe abati, Tuponeneni, no kutufisa ku cinso ca waikala pa cipuna ca bufumu, na kubukali bwa Mwana wa mpaanga:

Ico na bwisa ubushiku bukalamba bwa bukali bwakwe; kabili nani uwingeminako?

¹¹⁴ Ifyo kwaba ukwishibisha ku . . . Mwamona, uwaninine nomba, uwaninine ifinama, kabili ifya Mweo ifyaleasuka, na fipwa. Kanshi, twalisendele, twalimwene abaipaiwe pe samba lya Cipuna ca bufumu. Nomba ici, ukufuma ku nshita, aba baipaiwe bena ni ba Orthodox aba cine abaYuda abo abafwile mu citetekelo ica Bwinakristu . . . atemwa mu—mucitetekelo ica bukapapa, pantu bena tekuti babe Abenakristu.

¹¹⁵ Ibukisheni, Lesa apofwishe amenso yabo. Kabili bena bali no kupofula pa nshita itali, mpaka Ulukuta lwa Benafyalo lukasendwe ukufumishiwapo. Pantu, Lesa tabombele pamo na bantu babili pa nshita imo ine, pantu cena caba icapusana nganshi ku Cebo Cakwe.

116 Ibukisheni, Ena abombela pamo na Israele nge nko, lyonse. Cena ni nko ya Israele.

117 Abenafyalo, muntu umo umo, “abantu abasendwa ukufuma ku Benafyalo.” Kabili cena cali no kuba, Umwinafyalo, alingile ukupanga... abapangwa ukufuma ku bantu bonse aba mucalo, eico nomba na lyena kwalibako umuYuda uwisa muli cilya. Mwamona? Kwati fye—kwati Arabian, no mu Irishi, na Nsamya, kabili na bambipo, cena bantu bonse abamwisonde, bapanga uku kulongana kwa kwa Nabwinga. Mwamona?

118 Lelo, nomba, elyo caisa ku kubombela yena na Israele, muli ici ciputulwa ica kulekelesha ica mulungu uwalenga amakumi cinelubali, Ena alebombela kuli bena nge nko, Abenafyalo na cipwa. Ora ili mupepi no kufika, kabili nalimo nomba ino—ino ine nshita ya bushiku, ukutila Lesa ali umupwilapo ukupilibuka ukufuma ku Benafyalo, conse fye. Filya fine! Efyo asosele. “Bena bakanyantaula amalinga ya Yerusalemu mpaka ubupyungishi bwa Benafyalo bukapwishiwe, inshita sha pwa.” Ee, mukwai!

119 Kabili lyena, “Lekeni uyo uuli uwakowela atwalilile mukukowela; lekeni uyo uli umulungami atwalilile mu bulungami.” Mwamona?

120 Takuli nakabili Umulopa na umbi pa cipuna ica ci—ica ci—ica mwa shi—...umwashila, nakalya. Takuli nakabili Umulopa na umbi pa cipailo. Ilambo nalifumishiwapo, kabili takuli nangu cimo kano icushi no kubyasha no bupingushi mulya. Kabili filya ni filya fine fye ifilepongololwa umu muno bushiku. Mwamona, Umwana wa mpaanga na fuma mu...Umulimo Wakwe uwa kupapatila. Umulimo naupwishiwa, uwakupapaptila ukufuma palya pa Cipuna ca bufumu. Kabili Ilambo, nge fyo twapashenye Wene umupwilapo, Kalubula uwa Lupwa, Umwana wa mpaanga uwakantaikwa umulopa uyo waishile. Umwana wa mpaanga uyo waipaiwe, Uyo uwakantaikwa umulopa, alipaiwe, ukufwantwa, aishile no kubule Buku ukufuma mu minwe Yakwe. Cilya cili, inshiku nashipwishiwa. Nomba Ena aleisa kukupoka ifyo Ena alubwile. Amen! Cilya cileleta fye icintu cimo ukupita muli ine!

121 Tulesanga ukuti nomba, Yohane atile, “Nalimwene ilyo Ena aiswile Icikakatikilo ica Mutanda, kwali icinkunkuma icikalamba,” kansi icifyalilwa conse califulunganishiwe. Mwamona?

122 Lesa alecita ifintu ifikalamba, ngo kundapa abalwele, ukwisula amenso ya mpofu, no kubomba umulimo ukalamba.

123 Lelo tulesanga ukuti, pano, ukutila icifyalilwa caishile onaika, ee, fyonse ifya cifyalilwa. Lolekesheni ico cacitike, “I—icinkunkuma; akasuba kalifitile, kabili umweshi wafililwe

ukupela ulubuuto lwaluko; kabili intanda shalitenshiwe no kupona.” Kabili, cinshi, ifintu fyonse fyalicitike, mwamona, pa nshita fye ine iya kwisula kwa ici Icikakatikilo ca Mutanda. Lilya elyo cikacitika, lilya line fye panuma ya kubilisha kwa balya abaipaiwe, mwamona. Abaipaiwe balipwishiwe.

¹²⁴ Nomba mulemona tuli fye mupepi muli ilya ora nomba. Ifwe kuti twaba, pa nshita ili yonse, mwamona, pantu Ulukuta muli nalimo ulwaiteyanya lwena ukuya mu mulu. Lelo ibukisheni, ilyo ifi fintu filecitika, Nabwinga takabe pano. Ibukisheni fye, Nabwinga naya, Wene talingile ukupita muli conse ica cena. Iyi nshita ni nshita ya Bucushi, ukusangululwa kwa lu—kwa lukuta; kwena kwabikwa pali lwena, kuli lwena ukupita muli kwena, te Nabwinga. Ena alesenda umutemwikwa Wakwe ukumufumya mu nshila. Ee, mukwai! Ena, nalubula Wene. Mwamona, cili kwati nge i...Kulya kusala Kwakwe Umwine, ukuisalila Kwakwe Umwine, kwati umwaume kuli onse usenda nabwinga wakwe. Mwamona? Nomba, icinkunkuma... .

¹²⁵ Lekeni tupashanye Amalemo nomba. Ine ndefwaya... Bushe na mukwata ama pensulo na mapepala na imwe? Ndefwaya imwe ukuncitilako icintu cimo. Nge fyo mulefwaya ukulemba, lembeni ici, pantu, kano fye muli no kubula tepu. Nomba ifwe... Ndefwaya imwe mubelenge pamo na ine, nge fyo mulecita.

¹²⁶ Ukupashanya Amalemo aya ici cacitike icikalamba, ukutula tuli no kumona ukuti ici cafiswa icikalamba, atemwa inkama, ico cali mu Cikakatikilo ica Mutanda ice Buku lya Lukubula. Nomba ibukisheni, ishi ni nkama ishafiswa. Kabili Ifikakatikilo Mutanda, fyonse ca pamo, caba fye li Buku limo ilikalamba ili kulu, imifungilo fye mutanda ukupombwa capamo, kabili cilapanga Ibuku lyonse ilya Kulubula. Ulya e musango isonde lyonse lyalubwilemo.

¹²⁷ Ulya e mulandu wine Yohane alilile, pantu, nga takwali nangu umu uwinga bula lilye Buku, ifibumbwa fyonse, ifintu fyonse fyalile. Lyena kuti lyabwelela fye ku—ku—ku ma atoms na ma molecus, kabili na fimbipo, no lubuto lwa cosmic, kabili takuli nangu icibumbwa, umuntu, icintu icashala. Pantu, Adamu alufishe insambu sha lilye Buku. Ena alililufishe ilyo aumfwile ku mukashi wakwe, kabili wene aumfwile ku kwelenganya kwa kwa Satana, mu cifulo ica Cebo cakwa Lesa. Mwamona? Lyena lyali lufishiwe.

¹²⁸ Kanshi, lyena te kuti libwelelemo mu minwe iyafiko iyakwa Satana, uyo watunkile wene ukumufumya mu nshila, e ico kanshi lyena lyalibwelelemo ku mwine wantendekelo nge citupa ica bumwine icili conse cinga cita, mwamona. Ukubwelelamo fye kumwine wa ntendekelo, kabili ulya ali ni Lesa, Kalenga, Uyo uwailengele. Kabili Ena eulikwete.

129 Kabili kwaliba umutengo, kabili kulya kulubula. Kwalibako umutengo umo pa kulubula, kabili takwali nangu umo uwingacicita. E ico, Atile, apangile amafunde Yakwe, amafunde Yakwe Umwine aya Kalubula wa Lupwa. Kanshi, bena tekuti basange nangu umo. Umuntu onse afyelwe mukukumana, afyelwe mukukabila kwa kukumana; ena ali mulubembu lwa ntendekelo, Satana na Efa, e ico ena tekuti acicite. Twakwali nangu cimo muli wene. Takwali papa wa mushilo, shimapepo, Dr. wa fya Bulesa, fyonse ifyo Ena engaba, ena tekuti abe uwalinga. Kabili ena tekuti abe Malaika, pantu calingile ukuba uwalupwa. Ena alingile ukuba umuntu.

130 Kanshi Lesa Umwine aishileba uwa Lupwa, pa kusenda umubili wa buntu, ukupitila mukufyala kwa kwa na cisungu. Kabili ena asumishe Umulopa Wakwe. Ulya tawali umulopa wa ciYuda. Wene tawali umulopa uwa Mwinafyalo. Wene wali Umulopa wakwa Lesa. Mwamona? Baibele yatila, “Ifwe twalipusushiwa ukupitila mu Mulopa wakwa Lesa.”

131 Umwana asenda umulopa wakwa wishi. Ifwe twalishiba cena. Icintu icili conse mufya caume filafumya akabulungwa ka mulopa. E ico tulesanga ukuti, kwati ni nankoko ukubikila ilino; yena kuti yabikila ilini, lelo nga mukolwe, atemwa icinankwe, tacikumene na yena, yena tayakatote. Yena taili iya mufundo. Umwanakashi aba fye icipe ico icisenda ilini. Lelo ilini lifuma. . . Akabulungwa kafuma mu mwaume.

132 Kabili, muli uyu mulandu, umwaume ali Lesa Umwine. Ulya e musango nsoelamo, ifyo ku mulu ni panshi, kabili—kabili icikalamba e cinono. Lesa ali umukalamba nganshi mpaka Ena aishile, icakutila aliilengele Umwine mukantu akacepesha nganshi, ku kabulungwa akacepesha nganshi mwi fumo lyakwa nacisungu. Kabili ukushinguluka kulya Ena apangile utubulungwa kabili no Mulopa. Kabili alifyelwe, no ku kushiwa pe apabula. Kabili ukufuma mukutampa musango filya, apabula akalema, apabula ukukabila kwa kukumana kuli cena, nakalya.

133 Kabili elyo Ena apele ulyo Mulopa, pantu Ena aishileba uwa lupwa kuli ifwe. Kabili Ena ali Kalubula wa Lupwa. Kabili Ena asumishe ulyo Mulopa, ubupe fye. Ena talingile ukucicita. Ena apele Wene ubupe fye, ku kulubula.

134 Elyo Ena aile pa mulu wa cipailo cakwa Lesa, kabili alelelela kulya, ilyo Lesa aikatilila Ibuku lya Kulubula mu minwe Yakwe. Kabili Umwana wa mpaanga uwakantakwa umulopa naiminina pa cipailo ce lambo. Ulya palya Umwana wa mpaanga, ukulenga ukulubula, ukucita ukupapatila.

135 Kanshi, kuti caba shani umuntu umo ukusoso kutila Maria, atemwa Yosefe, atemwa umuntu onse umwinakufwa, engaba—engaba kapapatila! Imwe tekuti mupapatile kano fye

kuliko Umulopa kulya. Ee, mukwai. “Kwaba fye kapapatila Umo pakati ka kwa Lesa no muntu, kabili ulya ni Kristu Yesu.” Filya eflyo Amalemba yasosa. Ulya Naiminina, kabili mpaka umweo wakulekelesha walubulwa; elyo kabili Ena akesa mukusenda ifyo Ena alubwile. Owe, ifyo e—ifyo Ena aba Tata umukalamba!

¹³⁶ Nomba ibukisheni, nomba, ine lyonse nalisambilisha, ukuti, “mukanwa ka nte shibili atemwa shitatu, lekeni ishiwi lyonse lipampamikwe.” Kabili, Amalemba, kwati fye tekuti musende Ilembo limo no kukana shininkisha akantu kano fye kuliko icintu cimbi icileya pamo na cena. Mwamona?

¹³⁷ Mwamona, kuti na senda Ilembo no kusosa, “Yuda aile mukuitanika umwine,” ukusenda umbi no kusosa, “Iwe kabiye uye cita icintu cimo cine.” Mwamona? Lelo, mwamona, lyena talyasuntinkane na yambi ayashala aya Yena.

¹³⁸ Kabili natontonkenye, muli ici Cikakatikilo ica Mutanda, ilyo Mupashi wa Mushilo wakakatwile Cena kulya, kabili nalimwene ifyo cena cali, lyena nalitontonkenye cena kuti caba icintu icisuma ukupela ibumba icintu cimo icinono icapusanako muno bushiku. Mwamona? Pantu, cena kuti caba ica kunasha, mukumfwa fye kuli ine ukulanda inshita fye yonse, e ico natontonkenye ukutila ifwe twalacita icintu cimo icapusana.

¹³⁹ Nomba moneni. Ici cacitike icikalamba calikakatikwe mwi Buku ilya nkama, ilya kulubula. Nomba Umwana wa mpaanga nakwata Lyena mu minwe Yakwe, alalikakatula Lyena.

¹⁴⁰ Nomba lekeni tulolekeshe kuli Mateo icipandwa ca 24, Umwana wa mpaanga Umwine ukulanda. Nomba, uuli onse alishiba ukuti Kristu e mwine uwe Buku lyonse, ukulingana nge fyo cilya caba. Lelo iyi Yakwe—Yakwe imilandile apa, atemwa Kwakwe—ukubila Kwakwe, ku—pa bantu, cisuma, ku baYuda.

¹⁴¹ Nomba ndefwaya imwe ukwikatilila Ibuku lyenu nge *fi*, Mateo 24 no Kusokololola 6, nge *fi*. [Munyina Branham aikatilila Baibele yakwe iyaisuka pali ifi fipandwa fibili—Ka.] Kabili lekeni tupashanye icintu cimo pano panono fye.

¹⁴² Nomba, moneni ici nomba, kabili kuti mwasanga fye umusango—ifyo cena cili. Mwamona, ifyo Mwana wa mpaanga *apa* alelangisha, filya fine mu cilangililo, ifyo Ena asosele *apa* lubali mu Cebo. Ukucita filya fine fye, e ico cilya cilacilenga cena icalungama. Nomba, cilya fye—cilya fye ceka e ciliko kuli cena. Ici apa . . . *Ici* pano cimo, Ena alelanda palwa cena, kabili *apa* epo cena cacitike. Mwamona? Cena kushininkisha fye ukwapwililika.

¹⁴³ Nomba, nomba lekeni tulolekeshe pa cipandwa ca 24 ica Mateo Washila, no Kusokolola 6, no kupashanya icipandwa ca

24 icakwa Mateo. Ifwe bonse twalishiba ukutula cilya cali icipandwa ico kasambilila onse, umuntu onse ayako, uku—ukulanda pa nshita ya Bucushi. Ifumina ukufuma mu cipandwa ca 24 icakwa Mateo. Kabili nomba lekeni . . . Nga cilya ni filya fine, nomba ifwe . . . Pantu, ifwe twalishiba ukutula ici Cikakatikilo ca Mutanda cena Cikakatikilo ica bupingushi. Cena Cikakatikilo ica bupingushi, filya fine efyo Cena cili.

144 Nomba, mwamona, ifwe twalikhwete mu—munkanyakristu ukunina. Natumona Ulukuta ukuya; nomba Lwena lwapwishiwa, ukuya pa mulu. Elyo twalimona abaipaiwe, pali balya abaYuda kunuma kulya, pesamba lya cipailo. Nomba uku ukuletwa kwa bupingushi, pa bantu aba bali . . .

145 Ukufuma muli ubu Bucushi bwa bupingushi mukesaisa abamyanda amakana umwanda umo na amakana amakumi yane na amakana yane abaYuda abalubulwa. Nalashininkisha kuli imwe bena baYuda, kabili te Mwinafyalo. Bena tabakwetepo nangu cimo ica kucita na Nabwina, tapali nangu cimo. Nabwina, ifwe natumona Nabwina ena naya. Imwe tekuti mubike cilya apali ponse; talebwela nakabili mpaka icipandwa ca 19 ice Buku ilya milimo.

146 Nomba moneni, pantu, Icikakatikilo ica Mutanda cena Cikakatikilo ca bupingushi bwa Cebo.

147 Nomba, pano, lekeni tutampe nomba lekeni tubelenge Mateo Washila, icipandwa ca 24. Nomba ndefwaya fye ukumipela icintu cimo pano ningile ukucilolekesha, ukucisanga. Nomba, Mateo Washila, ukufuma 1 ukushinta 3, cisuma, epo twalabelenga intanshi.

Kabili Yesu afumine, kwi tempele alaya: na basambi bakwe baishileko ku kumulanga amakule ye tempele.

Lelo alibaswike ati, Bushe mwamona ifi fyonse? Ndemweba icine cine nati, Pano tapakashalepo limo . . . shalepo ilibwe pa mulu wa libiye, ilishakaposwe pa nshi.

Nomba, awe (vesi ya 3) ilyo aikele . . . pa lupili . . . lwa Miolife, abasambi bakwe baishile kuli wene kumbali, abati, Twebeni, ni lilali ifi fintu fikabako? . . . Cinshi icishibilo ca kwisa kwenu, ne cakupwa kwa pano isonde?

148 Nomba lekeni twiminine palya. Aya ma vesi yatatu, cacitike, mucine, pali Cibili mucungulo, April uwalenga cine. A.D. 30. Kabili ama vesi yabili aya kubalilapo yacitike mu cungulo pa i . . . iya April ubwalenga cine, mu A.D. 30. Kabili vesi ya 3 yacitike pali Cibili mu cungulo bushiku akasuba kamo kene. Mwamona?

149 Baishile kwi tempele, kabili bali Mwipwishe ifi fintu. “Nga palwa *ici*? Kabili inga palwa *ici*? Lolekesheni pali ili tempile ilikalamba! Bushe lyena talya wama?”

Atile, “Takwakabe ilibwe ilikashala pa libiye.”

¹⁵⁰ Elyo Ena aile pa mulu walupili no kwikala panshi, mwamona. Ukutila kulya, kulya Ena alitendeke; cena cali mu cungulo. Kabili elyo ilyo bacitile, baliipwishe Wene pa mulu palya, batile, “Ifwe tulefwaya ukwishiba palwa ifi fintu.”

¹⁵¹ Nomba moneni, pano pali—pano pali amepusho yatatu ayaipushiwe ku baYuda, abasambi Bakwe. Amepusho yatatu yaliipushiwe. Nomba moneni. “Cinshi,” intanshi, intanshi, “cinshi. . . Ilyo ifi fintu fikaba, ilyo, “Tapakabe ilibwe pa mulu walibiye?” “Ni cinshi icikaba icishibilo ca Kwisa Kwenu?” ilipusho lya cibili. “Kabili ukupwa kwa calo?” Mulecimona? Pali amepusho yatatu?

¹⁵² Nomba, kulya eko abantu abengi bapangile icilubo cabo. Balabika ifi fintu apa ku nshita imo lyena, ilyo, mulemona, Ena aleasuka amepusho yatatu. Bena. . .

¹⁵³ Moneni nomba ifyo—ifyo cawama ici, vesi ya 3, mwamona, ukulanda kwa kulekelesha mulya mu vesi ya 3. “Kabili ni cinshi icikaba. . .” Intanshi, bena bali Mwitile pa lupili lwa Miolife apa, ku mbali. “Twebeni, ilyo ifi fintu fikaba?” ilipusho lya kubalilapo. “Ni cinshii icikaba icishibilo ca Kwisa Kwenu?” ilipusho lya cibili. “Kabili impela ya calo?” ilipusho lya citatu. Mwamona? Kuliko amepusho ayapusana yatatu ayaipushiwe. Nomba, nomba ndefwaya imwe ukupilibula no kumona ifyo Yesu alebeba palwa ifi fintu.

¹⁵⁴ Owe, cena cintu cawama nganshi! Ine. . . Cilenenga fye Ine. . . Ine—ine ninkwata i. . . Lyali lishiwi nshi twabomfyeshe inshita iya bushiku bumbi? [Ulukuta, “Ukusansamushiwa.”—Ka.] Ukusansamushiwa ukufuma ku busokololo! Moneni.

¹⁵⁵ Nomba lekeni tupilibule nomba ku Cikakatikilo ica Kubalilapo ica fi—Fikakatikilo ifya ili Buku, no kupashanya ici Cikakatikilo ica Ntanshi ne li lipusho ilyakubalilapo.

¹⁵⁶ Kabili cila ilipusho, lipashanyeni ukukonka, kabili moneni nga talileendela pamo limo ne libiye, nge fyo twacita muli ifi fyonse fimbi ukwisula kwa ku nshita sha nkuta ne fintu fyonse, cimo cine filya fine. Cilya palya Cikakatikilo, ukwisulwa mu kupwililika, lyena. Moneni, nomba. Nomba ifwe twalabelenga, intanshi, pali i. . . “Elyo Alibaswike. . .” Kabili—kabili elyo Wena—Ena ali no kutendeka ukwasuka nomba, kabili tulefwaya ukupashanya cena ne Fikakatikilo.

¹⁵⁷ Nomba moneni. Icikakatikilo ica Ntanshi caba Kusokolola 6:1 na 2. Nomba tulebelenga 6 :1 na 2.

Kabili—kabili namwene. . . ilyo Umwana wa mpaanga akakatwile cimo ica mu fikakatikilo, naumfwile cimo, ica mu fya mweo fine cilesosa ishiwi nge lyakubulukuta nge mfula, aciti, Isa umone.

Awe naliloleshe, kabili moneni ekwali kabalwe uwa buta: no waikelepo ali no buta; apelwe ne cilongwe: elyo afumine alecimfya, kabili ku kuya cimfya.

158 Ninani uo twasangile uyu muntu ali? [Ulukuta lwatila, “Munkanyakristu.”—Ka.] Munkanyakristu. Mateo 24, nomba, 4 na 5.

Na Yesu alibaswike ati kuli bena—kuli bena, Cenjeleni ukuti nangu umo e mulufya.

Pantu abengi bakeshila mwi Shina lyandi, abati, nine Kristu; no kulufya abengi.

159 Mwacimona? Munkanyakristu. Cilya palya Icikakatikilo cenu. Mwamona? Mwamona? Ena alandile cena *apa*; kabili *apa* baleisula Icikakatikilo, kabili uyu ali *apa*, ukupwililika fye.

160 Nomba Icikakatikilo ica Cibili, Mateo 24:6, Ukusokolola 6:3 na 4. Nomba moneni, Mateo 24:6. Nomba lekeni mone ifyo ilesosa.

Ilyo mukomfwa ubulwi ne mpupilisho sha bulwi: cenjeleni ukuti mwikatentuka: pantu ifi fintu fili no kwisa, lelo impela icili tailaisa.

161 Cisuma, lekeni tusende Icikakatikilo ica Cibili, Ukusokolola 6:3. . . Fibili. Moneni ifyo Ena alesosa nomba.

Kabili ilyo akakatwile icikakatikilo ica cibili, naumfwile ica mweo ica cibili ciletila, Isa . . . mona.

Elyo kwafumine kabalwe umbi uwakashika: na kuwaikelepo kwapelwe amaka ukusenda umutende pe sonde, no kuleka abantu bepayane: wene apelwe ulupanga lukalamba.

162 Ukupwililika, filya fine fye! Owe, nalitemwa ukulenga Ilembo ukuyasuka Iline. Bushe imwe tamucita? [Ulukuta lwatila, “Ameni.”—Ka.] Umupashi wa Mushilo walembele Yena yonse, lelo Ena ali uwalinga ukusokolola Yena.

163 Nomba lekeni tumone Icikakatikilo ica Citatu. Nomba, ici cipowe. Nomba, Mateo 24:7 na 8. Lekeni tubule 7 na 8, muli Mateo.

Pantu uluko lukemina uluko, no bufumu bukemina ubufumu: kukaba ne fipowe, . . . amalwele, . . . ifinkunkuma, mu ncende isha pusana pusana.

Lelo ifi fyonse e citendekelo ca kushikitika.

164 Mwamona, imwe muleisa fye pa mulu fye nomba. Nomba, Ukusokolola, muya 6, nomba twalaisula Icikakatikilo ica Citatu. Cena cilesangwa mu Kusokolola 6:5 na 6.

Kabili ilyo akakatwile icikakatikilo ica citatu, na—naumfwile ica mweo ica citatu ciletila, Isa umone.

Awe naliloleshe, kabili moneni ekwali kabalwe uwa fita; no waikelepo ali ne cakulingo kufina mu minwe yakwe.

Elyo naumfwile kwati li shiwi mukati ka fya mweo fine liletila, Umulingo . . . mundalama . . . Umulingo wa ngano mu ndalama imo, ne milingo itatu iya barley mu ndalama imo; lelo wionaulapo amafuta no . . . no mwangashi . . .

165 Icipowe! Mwamona, filya fine Icikakatikilo cimo cine, icintu cimo ico Yesu asoselepo. Cisuma.

166 Icikakatikilo ica Cine, “amalwele” kabili “imfwa.” Moneni, Mateo 24. Twalabelenga iya—vesi ya 8, 7 na 8, ndecetekela efyo ili, pali ici Cikakatikilo ica Cine, ninkwata pano. Cisuma.

167 Nomba, ni cinshi ico nacibelenga kunuma uku? Bushe nacibelenga icintu cimo icilubene? Ee, nacishilapo pali cilya. Ee, ifwe tuli apa. Nomba twalaya. Nomba natuleya. Cisuma, mukwai.

168 Nomba lekeni tutampe pano pa ya 7, pali ici, Icikakatikilo ica Cine; kabili paya 6:7 na 8, pali ili limbi, mu Kusokolola.

169 Nomba lekeni tumone iya 7 na 8 iya kwa Mateo 24. Cisuma, nomba.

Pantu uluko lukemina uluko, no bufumu bukemina ubufumu: kukaba ne fipowe, . . . amalwele, . . . ifinkunkuma, mu ncende ishampusana pusana.

Lelo ifi fyonse e citendekelo ca kushikitika.

170 Nomba Icikakatikilo ca Cine, ilyo tulebelenga cena ukupitulukamo apa, cali i . . . Icikakatikilo ica Cine, catendeke 7 na 8, pali ici cimbi.

Kabili ilyo akakatwile icikakatikilo ica icine, kabili moneni . . . ca mweo ica cine ciletila, Isa kabili umone.

Awe naliloleshe, kabili moneni kabalwe uwabutuluka: . . .

171 Nomba loleleni. Ninkwata ici ukulembwa mukuluba. Ee. Ee. Nomba pali miniti fye, nomba, 7 na 8.

172 Nomba lekeni tumone, Mateo 24:7 na 8. Nomba lekeni tumone. Twalaisa kuli cilya. Cilya ica citatu, ukwisula, bushe tacili? [Ulukuta lwatila, “Ameni.”—Ka.] Mateo 24:7 na 8. Njeleleniko. Nomba, cilya cileisula imfula . . . atemwa icipowe, ukwisula icipowe. Cisuma.

173 Nomba, a “malwele” kabili “imfwa.” Ee, mukwai. Nomba twalaya kuli cena, 7 na 8. Nomba, cilya kuti caba Icikakatikilo ica Cine. Lekeni tumone uko tulefumya Icikakatikilo ica Cine. “Kabili ilyo aiswile ica Cine—Icikakatikilo ica Cine. . .” Ee, ena ni ulya uwaninine pali kabalwe uwa butulukila, “Imfwa,” mwamona.

Awe—awe naliloleshe, kabili moneni kabalwe uwa butulukwa: kabili ena...kabalwe uwabutulukwa: no waikolepo ishina lyakwe ni Mfwa, na ku Mbo kwalemukonka...wene. Kabili kuli fyene kwapelwe amaka aya pa cakaniko ica pali fine...ica pe sonde, ukwipaya ku lupanga, na ku cipowe, na ku mfwa, na kufiswango fya mu mpanga.

174 Nomba, mwamona, cilya cali “Imfwa.”

175 Nomba, Icikakatikilo ica Cisano, Mateo 24:9-13. Lekeni tumone nga ninkwata ici mukulungama, nomba, nakabili. Mwamona?

Elyo baka mupela ku bucushi, no kumwipaya (mwacimone co): kabili mukaba abapatwa ku nko shonse pa mulandu we shina lyandi. Kabili ilyo...

Elyo abengi bakalengwo...abengi bakalengwo kuipununa, no kufutukana, no kupatana.

Na bakasesema ba bufi abengi bakema, no...no kulufya abengi.

Kabili ukutemwa kwa bengi ku kashibantukila, pa mulandu wakufulisha kwa bupulumushi.

Lelo uwa...shipikisha ukufika ku mpela, wene akapusuka.

176 Nomba, ifwe tuli pa Cikakatikilo ica Cisano nomba. Kabili cilya cali mailo ubushiku, mwamona. “Baka mupela, no kufutukana,” kabili na fimbipo.

177 Nomba moneni pano pa ca 6, Icikakatikilo, 6:9 ukushinta 11. Nomba lekeni tusende cilya cimo, Ukusokolola 6:9 ukushinta 11.

Kabili ilyo akakatwile icikakatikilo ica cisano, namwene mwisamba lya cipailo imitima ya baipaiwe pa mulandu wa Cebo cakwa Lesa, na pa mulandu wa bunte ubo bakwete:

Kabili balibilikishe ishiwi likalamba, abati, Ukufika lilali... Shikulu, uwa mushilo... uwa cine, ukukana...pingula no kulandula umulopa wesu ku baikala pe sonde?

Nomba, lelo bapelwe umo umo ilaya lya buta; no kwebwa ukuti, batauluke na nomba inshita inono, isuke ifishiwepo impendwa ya basha ba nabo na ba munyinabo, ... abalawa bepaiwe, nga ba bene.

178 Nomba, mulemona, mu Cikakatikilo ica Cisano, tulesanga—tulesanga pano ukwipaiwa.

179 Kabili mulya mu 24:9 uku lubali, ifwe...ukushinta 13, tulesanga nakabili ukutila cali ukwipaiwa. “Baka mupela, no kumwipaya,” kabili na fimbipo. Mwamona, Icikakatikilo cimo cine ukwisulwa.

180 Nomba, mu Cikakatikilo ica Mutanda, ni cimo ico tuleisako nomba, Mateo 24:29 na 30. 24, kabili lekeni tubule 29 na—na 30. Ifwe tuli apa.

Nomba, nomba twalaisa tubule, nakabili, Ukusokolola 6:12 ukushinta 17.

181 Cilya ni filya fine ico twacilabelenga fye. Nomba umfweni kuli ici, nomba, ifyo Yesu asosele muli Mateo . . .29, 24:29 na 30.

Ilyo line panuma ya bucushi bwa nshiku shilya . . .

182 Cinshi? Ilyo u . . .ubu bucushi, ubu bucushi ubunono ubo bapitilemo uku, mwamona.

. . .akasuba kakafishiwa, nomweshi tawakabalike, intanda shikapona mu mulu, ne fya maka fya . . .mu mulu fikatenkaniwa:

Elyo kukamoneka ne cishibilo ca Mwana wa muntu mu mulu: elyo ne nko shonse isha pe sonde shikapumapo imisowa, no kumona Umwana wa muntu aleisa pa ma kumbi ya mu mulu na maka ayakalamba no bukata.

183 Nomba, ukubelenga muno mu Kusokolola nomba, i—Icikakatikilo ica Mutanda, ici cine ico tulipo ino ine nshita.

Kabili . . .namwene ilyo akakatwile icikakatikilo ica mutanda, kabili, moneni, elyo kwali icinkunkuma icikalamba; na kasuba kalifitile nge saka (mwamona?) lya masako, no mweshi onse waishileba ngo mulopa;

Ne ntanda sha mu mulu shaponene pa nshi, ifyo umukunyu uponya ifipompo fya uko, pa ku . . .sunkaniwa ku mwela.

No mulu wakunkulwike ngo mufungilo pa kufungwa; no lupili lonse ne cishi conse . . .fyaseshiwe apo fyaikala.

Ne sha mfumu sha pe sonde, na bakalamba, na ba mushika, na ba fyuma, na bakosa, no musha onse, . . .no muntungwa, bafiseme mu ninga . . .na mufimabwe ifya mu mpili;

No kusosa ku mpili na ku fimabwe, abati Tuponeni, no kutufisa ku cinso ca waikala pa cipuna ca bufumu, na ku bukali—ubukali bwa Mwana wa mpaanga:

Ico na bwisa ubushiku bukalamba bwa bukali bwakwe; . . .kabili nani uwinga imininako?

184 Ukupwililika fye, pilibuleni ukubwelela kunuma, moneni ifyo Yesu asosele apa nomba muli Mateo 24:29. Umfweni. “Panuma,” Uyu mulandu wakwa Eichmann, kabili na fimbipo.

Ilyo line panuma ya bucushi bwa nshiku shilya akasuba kakafishiwa, . . . no mweshi tawaka—tawakabalike, . . . intanda shikapona mu mulu, . . . ne fya maka fya . . . mu mulu fikatenkaniwa:

Nomba moneni.

Elyo kukamoneka ne cishibilo ca Mwana wa muntu mu mulu: kabili bakamona, kabili bena . . . ne nko shonse isha pe sonde shikapumapo imisowa, no kumona Umwana wa muntu aleisa pa makumbi ya mu mulu na maka yakalamba no bukata.

Kabili . . . akatuma na ba malaika bakwe, kabili na fimbipo, ne . . . ciunda cikalamba ca ntandala, na . . . bo bakabalonganya bena capamo . . . kumyela ine, . . . ukulonganya capamo.

¹⁸⁵ Mwamona, filya fine fye, ukupashanya ifyo Yesu asosele muli Mateo 24, kabili ifyo kasokolola muno aiswile mu Cikakatikilo ica Mutanda, cili fye filya fine fye. Kabili Yesu alelanda panshita ya bucushi. [Munyina Branham akonkonsha pa cintamba imiku itatu—Ka.] Mwamona?

¹⁸⁶ Intanishi, alipwishe ilyo ifi fintu fikaba, ilyo itempele likafumishiwapo. Alyaswike cilya. Icintu cakonkelepo alipwishe, ilyo kukesaba inshita . . . Kulya kwalishile inshita yabaipaiwe. Kabili ilyo *ici* cikesa cita, ilyo munkanyakristu akesaima; kabili ilyo munkanyakristu akesafumyapo itempele.

¹⁸⁷ Daniele, ifyo twingabwekela no kubula Daniele kulya, ilyo asosele ukuti, uyu cilongoshi uwali no kwisa. Imwe bakabelenga mwalishiba cilya. Kabili ni cinshi ico ali no kucita? Ena ali nokufumyapo ilambo ilya cila bushiku, kabili ifyo fyonse ifyali no kucitika mukati ka ilya nshita. Atile . . .

¹⁸⁸ Yesu, nangula, ukulanda pali cena apa, alishililepo. Atile, “Ilyo mukamona ica muselu icipanga ukupomona, icalandilwe kuli kasesema Daniele, ukwiminina mu ncende ya mushilo.” [Munyina Branham akonkonsha pa cintamba imiku itatu—Ka.] Cena ni cinshi? Ci mosque icakwa Orma, ukwiminina mu ncende iye tempile ilyo balyocele. Atile, “Lekeni abo abali mu mpili . . . Lekeni abo abali pa mulu wa nga’nda, beika ku kusenda ifintu mu nga’nda, atemwa uyo uuli mwibala ukubwelelamo. Pantu kukaba inshita ya bucushi!” Mulemona? Kabili fyonse ifi fintu fyali no kucitika, afiseseshe kuntanishi nomba no kushininkisha cena, ukubwekela kuli uku ukwisula kwa Cikakatikilo ica Mutanda.

¹⁸⁹ Nomba ndefwaya imwe ukumona. Yesu . . . Nomba, nalimo mailo ubushiku, pali ici, Yesu afumishepo ukusambilisha kwa Cikakatikilo ica Cinelubali. Cena tacilipo apa. Moneni, Ena aleya fye ukutwalilila ne milumbe nomba, panuma aya cilya. Kabili Yohane alifumishepo Icikakatikilo ica Cinelubali. Ica

Cinelubali, icakulekelesha, Icikakatikilo ica Cinelubali, cilya cili no kuba icintu icikalamba. Cena tacalembwa nangu panono, mwamona. Ali fumishepo Icikakatikilo ica Cinelubali; bonse babili balicitile. Kabili kasokolola, ilyo Lesa asosele fye kulya kwali. . . Yohane atile, “Kwali tondolo mu Mulu.” Yesu tatalile ukusosa ishiwi palwa Cena.

¹⁹⁰ Moneni nomba, ukubwekela ku vesi ya 12, moneni, takuli ica Mweo. Cilya ni vesi ya 12, ukutendekela pa Cikakatikilo cesu, ukumona cena ukwisulwa. Takuli ica Mweo, icapala, Ifibumbwa ifya mweo, ifileimininako apa, na fyo, nga filya cali mu Cikakatikilo ica Cisano. Cinshi? Ici calicitike, ulubali lumbi ulwa nshita ya Mbila nsuma, mu nshita ya Bucushi. Ici Cikakatikilo ica Mutanda ni mu nshita ya Bucushi. Cilya e cilecitika. Nabwinga naya. Mwamona? Takuli Icibumbwa ica mweo atemwa icili conse kulya ukusosa cena. Cena cili fye. . . Nomba, Lesa talebombela no Lukuta nakabili; Lwena na luya.

¹⁹¹ Ena alebombela na Israele, mwamona. Mwamona, ulu lubali lumbi, ili ni lilya ilyo Israele apokelele Imbila ya bufumu, kuli bakasesema babili aba Kusokolola 11. Ibukisheni, Israele ni nko, umubomfi wakwa Lesa, inko. Kabili ilyo—ilyo—ilyo Israele akaletwamo, cikaba i—ilyashi lya nko.

¹⁹² Israele, inshita ya bufumu, ni kulya eko Dabidi. . . Umwana wakwa Dabidi, akekala pa cipuna ca bufumu. Ulya e mulandu wine ulyo mwanakashi abilikishe, “We Mwana Dabidi!” Kabili Dabidi ali no ku. . . Umwana wakwa Dabidi! Lesa alapile kuli Wene, kuli Dabidi, ukutila Ena akemya Umwana Wakwe uyo ukesa senda icipuna cakwe ica bufumu. Cena cikaba icipuna ica bufumu ica muyayaya. Mwamona? Cena tacakakwate impela. Solomon alicipele, mucipasho, mwi tempile. Kabili Yesu abebele fye kuno, cilya ni ci, “Takwakabe ilibwe ilikashala pali limo ilya lyena.” Lelo Ena aleesha ukubeba apa, ico cili. . . Ena alebwela.

“Nililali ilyo imwe mukesa?”

¹⁹³ “Ifi fintu fikacitika ilyo nshilabwela.” Kabili ifi fili apa!

Nomba ifwe tuli pa nshita ya Bucushi.

Ibukisheni, ilyo bufumu bwa bikwa, pe sonde. . .

¹⁹⁴ Nomba, ici kuti caba icakutenshako panono. Kabili nga kuliko ilipusho, kabili imwe—imwe—imwe kuti nalyo line mwanjipusha ine; nga mulefwaya ukulemba ilipusho, panuma ilyo calandilwe, no kucikomailapo fye; nga ta mwacitile, imwe ni nshi ta mucishibe kale.

¹⁹⁵ Munshita ya Millenniuum, ni Israele iyo yaba inko, imikowa ama kumi yabili na ibili nge nko.

¹⁹⁶ Lelo Nabwinga ali mwisano. Ena ni na Mfumu nomba. Ena naupwa. Kabili isonde lyonse likesa muli uyu musumba,

Yerusalemu, kabili bakaleta ubukata ubwa wene mulya. “Kabili impongolo tashakesalwe, u—u—ubushiku, pantu takwakabe inshita ya bushiku ili yonse kulya.” Mwamona? Impongolo shikaba ishaisuka. “Kabili isha mfumu sha pano nse,” Ukusokolola...:22, “bakaleta ifya bucindami fyabo no bukata muli uyu musumba.” Lelo Nabwinga akaba mulya pamo no Mwana wa mpaanga. Owe, mwe! Imwe kuti mwamona cilya, mulya! Tacili... Nabwinga takabe kunse uku ukulabomba mu mabala ya myangashi. Iyo, mukwai. Ena ni Nabwinga. Ena ni na Mfumu ku Mfumu. Ni balya bambi abalebomba kunse kulya, inko, te Nabwinga. Ameni. Cisuma.

¹⁹⁷ Moneni ishi nkombe nomba, ishi nkombe isha Kusokolola...:12, aba bakasesema babili, bena bali no kushimikila, “Ubufumu na bupalama!” Mwamona? Ubufumu bwa mu Mulu buli no kubikwa inshita ya kulekelesha itatu na hafu wa myaka no mulungu uwalenga amakumi cinelubali wakwa Daniele, uwalaiwe ku baYuda, abantu Bakwe. Ibukisheni nomba, ukutila, ukushininkisha cilya, ukutila ici ciputulwa ca kulekelesha cakwa Daniele ica mulungu uwalenga amakumi cinelubali. Ninkwata ilipusho pali cilya mailo. Mwamona?

¹⁹⁸ Nomba, imilungu amakumi cinelubali yalilaiwe, ico cali imyaka cinelubali. Kabili mukati ka milungu cinelubali, Mesaya ali no kuputulwako, ukucitwa ilambo. Ena ali no kusesema imyaka itatu na hafu, kabili elyo ena ali no kuputulwako, kwi lambo lya bantu. Kabili ku cili kwalilingilwa, ukutila imyaka itatu na hafu icili yalilingilwa kuli Israele. Elyo, ilyo Mesaya aishile putulwako, umuYuda alipofushiwe e ico ena te kuti amone ulya ali ni Mesaya.

¹⁹⁹ Kabili, elyo, elyo Mesaya aputwilweko, yena Imbila nsuma ne nshita ya nkumbu fyaishile ku Mwinafyalo. Kabili balishile kulya, kabili Lesa atintile umu ukufuma *uku* na *kulya*, kabili *kuno* na *kulya*, no kuba bika kulya ku nkombe; kabili *uku* na *kulya*, kabili *kuno* na *kulya*, no kubabika ku nkombe.

²⁰⁰ Kabili Ena atumine inkombe yakubalilapo, kabili ena alishimikile, kabili intandala yalilile; nge fyo tulebula ici, panuma yakashita. Kabili, lyena, intandala yalebilisha ubulwi. Intandala lyonse ilangisha ubulwi. Inkombe, malaika aishile pe sonde, inkombe ya ora, nga Luther, nga inkombe shonse isho twalandapo. Ni cinshi ico ena acita? Ena afika; kabili Icikakatikilo caliswilwe, ukusokololwa; intandala yalila, ubulwi bwaisa, kabili balya baya. Kabili lyena inkombe yafwa. Ena alakakatika ili bumba; bena balabikwa mukati. Kabili icinkuka cilawila pali balya abakene Yena. Mwamona?

²⁰¹ Elyo iletwalilila, elyo balabunganya, balabula kabungwe kambi. Ifwe twalipita fye muli cena. Elyo, apa baleisa na maka yambi, mwamona, amaka yambi, inshita imbi iya lukuta,

bukapyunga bumbi. Elyo, ilyo ena acita cilya, kulya kulesa Lesa na bukapyunga Bwakwe, ilyo mukanyakristu aisa no bwakwe. Mwamona, *munka caba* “ukukanya.” Fileendelana ulubali no lubali.

²⁰² Ndefwaya imwe ukumona icintu cimo icinono. Panshita fye ilya ine ilyo—ilyo Kaini aishile pe sonde, Abele aishile pe sonde. Ndefwaya imwe mumone, panshita fye ilya ine ilyo—ilyo Kristu aishile pe sonde, Yuda aishile pe sonde. Panshita ilyo Kristu afumine pe sonde, Yuda alifuminepo pe sonde. Panshita fye ilya ine ilyo u—Umupashi wa Mushilo wawile, umupashi wa munkanyakristu waliwile. Panshita fye ilya ine ilyo Umupashi wa Mushilo uleisokolola uwine muno mu nshiku sha kulekelesha, munkanyakristu alelangisha amabala yakwe, ukwisa ukupita mu mapolitiki yakwe ne fintu. Panshita fye ilya ine munkanyakristu aendele umwine umupwilapo pama ci-. . .pa filecitika; Lesa alesela Umwine umupwilapo, ukucilubula conse. Mwamona, ukwendela fye, capamo fye. Kabili bena bali, bonse babili, ulubali no lubali. Kaini na Abele! [Munyina Branham atota indupi shakwe capamo umuku umo—Ka.] Mwankole ne nkuda, mu cibwato! Yuda na Yesu! Kabili ukutwalilila fye, imwe kuti mwacibula. Ukuba fye. . .

²⁰³ Uyu apa Moab na Israele; bonse babili. Moab tali ni nko ya busenshi. Iyo, mukwai. Bena bapele ilambo limo line ilyo Israele alepela. Bena bapepele kuli Lesa umo wine. Filya fine. Moab ali uwa i-. . .Cali ni umo pa bana banakashi bakwa Loti abasendeme na shibo, kabili balikwete umwana. Kabili ulyo umwana aleitwa Moab. Kabili ukufuma kuli wene kwaishile umutundu wa Moab, icalo ca Moab.

Kabili ilyo bamwene Israele, munyinabo uwalubulwa, ukwisa.

²⁰⁴ Bena balii abaishiba fyonse. Bena bali icilonganino icikalamba. Israele takwete icilonganino; ena aikele fye mu ma hema kabili na konse fye uko mwaya. Lelo Moab akwete ba shimucindikwa, ishambumu, kabili na fimbipo. Kabili balikwete Balaamu kulya lubali, ka—kasesema uwa bufi. Kabili bena balikwete fyonse ifi. Elyo balishile kulya kukutipa munyinabo umunono uyo wali mu nshila yakwe ku mpanga ya bulayo, ukuya ku bulayo bwakwe.

²⁰⁵ Kabili alile no kubepusha, “Bushe kuti napita mu mpanga yenu? Nge ngo’mbe shandi shanwa amenshi, ndi no kushilipilila. Nga shalya icani, tuli no kulipila pali cena.”

²⁰⁶ Atile, “Iyo. Iwe taulekwata ukupuptulwa nga filya kuno lubali. Cilya cishinka. Iwe taulekwata icintu ica musango filya kuno lubali.”

²⁰⁷ Kabili elyo moneni ifyo acitile. Alishile ukubwelelamo fye umusango wakwa Yesabele, no kwisa ukupita muli ulya

kasesema uwa bufi, no kulenga abana bakwa Lesa ukuluba. No kuupa abanakashi ba Moab muli—muli Israele, no kulengo bucende.

208 Kabili alicitile icintu cimo cine, muli ilya ine nshita, pa bulendo, mu nshila ukuya ku Mpanga ya bulayo, ifwe tuleya. Ni cinshi ico acitile? Kasesema uwa bufi aishile kulya kwine no kuupa, kabili aitle ulukuta lwa Protestanti, no kulenga ifilonganino, filya fine ifyo bacitile kunuma kulya. [Munyina Branham akonkonsha pa cintamba imiku ine—Ka.]

209 Lelo Israele umunono uwa kale alyendele ukuya pa ntanshi, cimo cine. Kabili Ena alikele mu matololo pa nshita itali, kabili bonse balya ba bulwi aba kale balifwile, lelo wene alile mukati ka mpanga ya bulayo. Ee. Ee. Bamoneni bonse ne fyanso, lintu fye tabala abuka Yordan. Iyee-iyee! Nalitemwa cilya. Nomba tuleya fye kuli ilya nshita ili line, pano nomba. Moneni.

210 Nomba tulesanga ukuti, ukutila, inshita, iya kulekelesha (natile) imyaka itatu na hafu iya milungu amakumi cinelubali yakwa Daniele.

211 Lekeni nondolole cilya ukupalamako panono, pantu ni mona umuntu umo pano uyo ulolekesha lyonse cilya, kabili ine—ndefwaya ukweshwa ukuilenga ne mwine ukumfwika palwalala; kasambilisha.

212 Moneni ilyo imilungu amakumi cinelubali yaishilemo. Ilyo Daniele amwene icimonwa ica nshita ukwisa, kabili ukupwa kwa baYuda, lelo atile kwalilingilwe imilungu amakumi cinelubali. Cilya myaka cinelubali; mukati ka ena, cinshi, Mesaya akaba pano, atemwa, kabili akaputulwako, kwi lambo. Nomba, cilya ni filya fine fye ico ica citike.

213 Elyo, Lesa abombele na Benafyalo mpaka balibulile umuntu kwi Shina Lyakwe. Lilya line ilyo Ulukuta lwa Benafyalo lwfumishiwepo, Ena asendele Ulukuta mu mulu.

214 Kabili ilyo Acitile, Nacisungu uwalala, ulukuta ulwine... Nabwanga aile pa mulu. Kabili ulukuta ulwine lwalibikilwe “mulya mu mfifi, uko balelila, no kuwelesha, no kusumanya ameno.” Mu nshita imo ine, Ubucushi bukaponena pali balya bantu.

215 Kabili ilyo Bucushi bulepona, mulya mukesa aba bakasesema babili aba Kusokolola 11, ukushimikila Imbila nsuma kuli bena. Kabili balishimikile ikana limo, umwanda umo... kabili inshiku amakumi mutanda. Mwamona? Cisuma, cilya ni filya fine, ne nshiku amakumi yatatu mu mweshi nga calenda ine ine yakwata, cili filya fine imyaka itatu na hafu. Cilya ciputulwa icalenga amakumi cinelubali icakwa Daniele, iciputulwa cakulekelesha ica mulungu uwalenga amakumi cinelubali. Mwamona?

Lesá talabombela na Israele umu. Iyo, mukwai.

216 Munyina alinjipwishe, te kale sana, atile, “bushe ningile ukuya ku...” mu—munyina muno mu lukuta, umusuma, munyina umutemwikwa, atile, “Ine—ndefwaya ukuya ku Israele. Ndecetekela kuli ukushibushiwa.”

217 Umo muntu atile kuli ine, “Munyina Branham, iwe ulingile ukuya ku Israele ino ine nshita. Bena kuti bacimona.” Mwamona, imwe tekuti mucicite.

Ine naliminine palya pene, kabili natontonkenye. . .

218 Balya baYuda batile, “Nga ine. . . Cisuma, nga ici kuti caba, Yesu ukuba i—ukuba Mesaya,” atile, “lekeni ine mone Wene ukucita icishibilo cakwa kasesema. Ifwe twalicetekela bakasesema besu, pantu filya eflyo bena bali—bena balingile ukuba.”

219 “Ifyo cali iciteyo,” natontonkenye. “Kuno ndeya!” Ilyo naile ukufika kulya kwine, mupepi kuli yena, cisuma. . . Nali, cisuma, nali pa Cairo. Kabili nalikwete itiketi lyandi mu minwe yandi, iya ku Israele. Kabili natile, “Ine, nalaya, ukumona nga bali no kwipusha cilya, nga bena kuti bamona icishibilo cakwa kasesema. Tuli no kumona nga bali no kusumina Kristu.”

220 Lewi Pethrus, uwa lukuta lwa Stockholm, atumine ama Baibele million.

221 Kabili balya baYuda ukwisa mulya! Mwalimona icikope. Nalicikwata pali filimu, ukubwela fye kuno nombá, *Ama Miniti Yatatu Ukuti Cibe Pakati Ka Bushiku*. Kabili balya ba Yuda ukwisamo, ukufuma mwi sonde lyonse, ukuli konse, batendeka ukulongana mulya kulya.

222 Panuma England yaile mulya, mu nshita yakwa General Allenby. *Mu Kupwa Kwa Nkondo Ya Calo Conse*, mu citabo ica cibili, ndetontontokanya eco. Kabili bena balicimbile, ama Turks balicimbile. Elyo ali cibwekeshe kuli Israele. Kabili ena aba alekula nge nko, kabili nombá ena aba ukupwililika inko: indalama ishakwe umwine, umusango wa ndalama, inembela, abashilika, ne fintu fyonse ifyashala. Mwamona?

223 Kabili aba abaYuda, ukubwelela ku mpanga yaku mwabo, bena bali. . . Icintu cakubalilapo, ilyo baile kulya mu Iran, kabili mukati mulya, ukubasenda, balipwishe. . . Bena batile ena. . . Bena balebafwaya ukubasenda ukubabweseshá ku Israele, ukubapela icifulo cabo; ukubasenda ukubabweseshá mu mpanga yabo, Palestine, uko bena balingile ukuba.

224 Kabili, ibukisheni, ilyo lyonse Israele ali kunse ka ilye mpanga, ena ali kunse ka bufwayo bwakwa Lesá; nga Abraham, uo yapelweko. Kabili ilyo. . .

225 Bena tekuti banine ilya ndeke. Bena tabatalile ukumonapo icintu icapala icaba nga filya. Kwaliko umu mukote rabbi uwa

ninine palya, atile, “Kasesema wesu alitwebele, ukuti, ilyo Israele aile ku mushi, cikaba ‘pa mapindo yakwa kapumpe,’” mu ndeke, ukuya ku mushi.

²²⁶ Ulya ali kulya nomba, aleekula. Umuti wa mukunyu ulebwekeshapo! Ameni! Ulutanda ulwa kale ulwa tusonshi mutanda ulwa kwa Dabidi lulepupuka!

²²⁷ “Inshiku sha Benafyalo shalipendwa, ne fya kutinya ifingi!” Inshita ya Bucushi naipalama!

²²⁸ Kabili ukwiminina pano pene, kabili ne Fikakatikilo ukwisulwa, Ulukuta luli ulwaitanyanya ukukwata ukupupuka kwa Luko mulwelele!

²²⁹ Kabili Ubucushi ukwisamo, lyena Lesa akeka no kutinta aba makana umwanda umo na makana amakumi yane na makana yane kunge kulya. Ameni! Kulya, owe, cena cintu capwililika! Mulemona uko Ifikakatikilo filecileta nomba, mwamona, ukucisula? Nomba, iyi ni mpela ya myaka itatu na hafu ku bantu. Nacimbi, nga mwamona, yena ni nshita iyo Lesa ali no kwita balya aba makana umwanda umo na makana amakumi yane na makana yane ayaba Yuda, muli iyi myaka ya kulekelesha itatu na hafu.

²³⁰ Mwamona, Ena talabombele nabena, nakalya. Bena tabatalile ukukwata kasesema. Bena tabacetetekele icintu cimbi kano kasesema. Imwe tekuti mubatumpike. E ico, bena bali no kumfwa kasesema, ee, mukwai, kabili cilya epela fye. Kutila, Lesa ali beba cilya mu kutendeka, kabili balekala na cilya cine.

²³¹ Atile, “Shikulu Lesa wenu akemya kasesema mukati kenu, uwapala ine.” Mose ewasosele cilya. Kabili atile, “Wene muka mumfwe. Kabili uyo onse ushakomfwe ulya Kasesema, akaputulwako ku bantu.” Cilya cishinka.

²³² Kabili, mulemona, amenso yabo yalipofushiwe, atemwa bena nga balimwishibe Wene. Mucifulo ca cilya, ukuba abapofushiwa, bena bali. . . Cilya calengele Satana ukuba pali bena, kabili batile, “Ena ni kabuka, Belesebuli. Lekeni Umulopa Wakwe ube pali ifwe. Twalishiba takwaba nangu cimo kuli Wene.” Mwamona?

²³³ Kabili abantu aba busu balipofushiwe. Ulya e mulandu wine ibumba lyakwa Eichmann na lyonse lilye bumba lyalipaiwe kunuma kulya. Balikwete insambu ukwisamo; Shibo wine apofwishe amenso yabo pa kutila Engatusenda.

²³⁴ Cilya e cintu ica bipisha nganshi mu Malembo, mupepi. Tontonkanyeni fye kulya, abaYuda, ukwita Umulopa uwa kwa Shibo wine, Lesa wabo wine ukulebela palya, alesumo mulopa. Lolekesheni, “Kulya bali mutanike Wene,” Baibele efyo yasosa. Yalya e mashiwi yane ayakalamba nganshi. Lolekesheni. “Kulya,” Yerusalemu, umusumba uwa mushilo

nganshi mwi sonde. “Bena,” abantu aba mushilo nganshi mwi sonde. “Batanike,” imfwa iyabipisha nganshi mwi sonde. “Wene,” Umuntu umukankala nganshi mwi sonde. Mwamona? Cinshi? Abantu bakapepa, bukapepa ubwapulishamo mwi sonde, bukapepa fye uwa cine mwi sonde, baliminine kulya, ukutanika Lesa wine uo Baibele yabo yasosele ukutila akesa.

²³⁵ Mulandunshi bena tabacimwene? Baibele ilatweba ukuti Lesa ali bapofwishe e ico bena te kuti bacimone. Bena. . . Atile, “Nani uwa muli imwe uwinga Njebaula pa lubembu?” Mu mashiwi yambi, “Nga ine nshicitile filya fine ifyo fyalandilwe kabela kuli Ine ukucicita, lyena mu njebe Ine.” *Ulubembu* lwaba “ukukana cetekela.” Ena acitile fye filya fine ifyo Lesa amwebele Wene, lelo bena tekuti bacimone.

²³⁶ Nomba ilyo mwalanda ku bantu, caba fye kwati ukwila amenshi panuma ya cibata. Mulemona ifyo ndepilibula? Cena cintu icabipisha, ilyo mulemona ishi nko na bantu, musango balecitolamo, abaumalala nganshi na bukapepa! Lelo bushe Umupashi wa Mushilo tautweba cilya? “Bakaba ba shikamfutu, bacintalika, abatumikwa, abatemwa ukwangala ukucisha ukutemwa Lesa, abatalama, abalwambo, bakaba abashatemwa busuma. Bena bakakwata imimonekele ya bukapepa, lelo ukukana Amaka ya Mbila nsuma.” Atile, “Kubamusango ifi, talukako kuli bena.”

²³⁷ Ifwe tuli pano, ifi filonganino filacifulunganya Cena. Balafumyako ubukata bonse na Maka, balabika Cena kulya kunuma na batumwa, kabili icashala ica Cena kulya mu Millennuim. Caba fye kwati umuntu, nge fyo nalandapo kale; umuntu lyonse alapela Lesa amalumbo pafyo Ena acitile, ukulolekesha kuntanshi ku fyo Ena akesa cita, no kusula ifyo Ena alecita ino ine nshita. Filya ni filya fine. Umuntu acili icintu cimo cine.

²³⁸ Kulya kwali balya abaYuda abaiminine kulya, no kusosa, “Ubukata kuli Lesa! Cinshi,” pa cipandwa ca 6 icakwa Yohane Washila, atile, “bashifwe balile mana mu matololo!”

Kabili Yesu atile, “Bena bonse, cila umo, balifwa.”

²³⁹ “Balinwine amenshi ukufuma ku Cilibwe mu matololo, ne fintu fyonse.”

²⁴⁰ Atile, “Ndi cilye cilibwe.” Cilya cishinka. Ameni. Atile, “Lelo Ndi Mukate wa Mweo uyo wa fuma kuli Lesa ukufuma mu Mulu, cilye Cimuti ica Mweo ukufuma mu Edeni kulya kunuma. Ngo muntu alya uyu Mukate, ena takafwe; nkamubusha nakabili mu nshiku sha kulekelesha.” Kabili nalyo line bena balifililwe ukumona cilya! Cilya cishinka.

²⁴¹ Mesaya wine ukwiminina kulya, ukulanda ifyebo fimo fine ifya mu mutima wakwe, kabili ifintu nga filya, ukulangisha ukutila Ena ali ni Mesaya, filya fine fye ifyo Mesaya alingile ukucita!

242 Kabili bena ukwiminina kulya na maboko yabo kunuma yabo, kabili, “Huh! Cena tekuti cibe. Iyo, iyo. Ena—Ena—Ena taishile mu nshila iyalungama. Mwamona, Ena aishile ukufuma ku Bethlehem. Ena tali nangu cimo kano umwana wa mucani. Kabili ulya ni Kasebanya ukubomba muli Wene. Ifwe—ifwe twalishiba Ena alipena. Ena alifulungana. Ena alikwata iciwa.” Mwamona? Amenso yabo yali mucine ayapofushiwa kuli cilya, nomba.

243 Lelo bena balelolela kasesema wabo. Kabili bena bali no kupokelela cena, bali no kwisapokelela babili aba bena. Cilya cishinka.

244 Nomba moneni, nakabili, nomba, nacimbi, ilyo aba baYuda. . . Nalamupela icakulangililako na cimbi icinono, pa kutila imwe mwingeshiba ukutula bena baYuda kuno lubali nomba, ulu lubali ulwa Kusendwa. Moneni ico cilecitika. Cena na co cilelangishiwa. . . Ifwe tatwakwate nshita ukucicita, pantu ifwe twala—twalafuma muno. Na cena ukulangishiwa mu i. . . mucitwa “Inshita ya Bucushi yakwa Yakobo.” Nomba lolekesheni. Aba baYuda pano nabakwata. . . Moneni. Owe, cena cili. . .

245 Ine—ine—nalasenda fye inshita inono, mwamona. Cilanenga ukumfwa ububi ilyo natendeka ukutolokela nga filya. Kabili. . . Mwamona? Moneni. Ndefwaya imwe mucimone. Kabili ine—ine—naciba fye. . . Cisuma, Lesa ali no kucilangisha kuli imwe, ndi uwashininkisha. Lolekesheni.

246 Yakobo alikwete ububeli. Bushe co cishinka. [Ulukuta lwatila, “Ameni.”—Ka.] Lelo ena mucine ali uwa nsoni panono na cena. Mwamona? Ena aile no kubepa bawishi. Ena abepele munyina. Ena alicitile icintu icili conse. Lelo, nomba, mukusuminishiwa, ukuya fye pantanshi, alicikwete, pantu Esau alishitishwe. Lelo lyena ilyo aile kulya kukubombela bashifyala, abikile yalya amembya aya mulibeni mu menshi, ukulenga shilye ngo’mba isha imite ne fintu ku kufyala utwana utwa mindoloshi. Kabili, owe, namwishiba ifintu fyonse ifyo acitile nga filya, ukucita fye—ukunonke ndalama. Nomba moneni, nomba. Ena alitamfiwe ukufuma ku bantu bakwe.

247 Nomba, cena cipasho ca muYuda nomba. Ena alapokolola indalama. Nshilesakamana ifyo enga shibula, ali no kushibula. Ali no kukwipayaya, ukushibula. Nomba, namwishiba cilya. Ena wansonu panono, epala fye. Mune, wikabomba pamo nankwe; ena—ena akakwikata, mune. Ee, mukwai. Cinshi? Ena alingile ukuba cilya. Ulya e musango wa mupashi uleteka.

248 Filya fine fye nga balya bakalungamika, balifililwe ukwiluka ici Cebo, pantu ulya wali umupashi wa muntu uwa tuminwe kuli bena.

249 Yena ni nshita yakwa kapumpe iyo ilesenda Cebo no kusokolola. Bonse abaleiluka cilya, imyeni amaboko yenu, e

ico ine...Cilya cisuma. Cilya cisuma. Mwamona? Cilya cisuma. Nomba, mwamona, nga imwe kuti mwaisa bwelela uku kuli ifi Fikakatikilo, nga Bena batalile ukufika...Ilyo Bena baiswile, imwe kuti mwamona filya fine ifyo Lesa alecita, ifyo Ena acita, ifyo Ena akesa cita. Ici cili apa, filya fine.

²⁵⁰ Kabili ulya e mulandu wine abantu babombele muli ulya musango, pantu ulya e mupashi uyo walandilwe kabelu kuli ilya nshita, ukuba pali bena. Bena tapali nangu cimbi ico benga cita.

²⁵¹ Ndetontokanya pali Yohane, Paulo, na balya, ulyo Umupashi wa nkalamo kulya, i-n-k-a-l-a-m-o ukwiminina kulya, Icebo Icebo.

²⁵² Paulo aiminine na cilya cine fye Icebo, kabili atile, “Ninjishiba ici, ukutula kukaba ba munyina aba bufi abakema mukati kenu, ukulaenda enda. Kabili ni finshi ifyo bakapanga, ifilonganino ne fintu ifyashala, mukati kenu, kabili ifyo bena bakacita. Kabili cikesatwalilila ukufika ku nshiku sha kulekelesha, ne nshita iya kutinya.” Cinshi? Ena ali ni kasesema. Kulya kwaliminine cilya Cebo muli wene. Ifyo cena cikesapwa, kulya lubali; atile, “Abaume aba bufi mukati kenu bakema, no kulanda ifintu, no kubula ba munyina abo abali abasambi.” Cilya ni filya fine munkanyakristu. Cena cacitile filya fine fye.

²⁵³ Moneni panuma ilyo baile mu nshita ya mfifi iya bucushi. Cena cali ni cinshi? Takwali nangu cimo ico benga cita. Rome akwete i...Ena alikwete amaka ya bukapepa, kabili ena alikwete amaka ya mapolitiki. Tapali nangu cimo ico benga cita, kano fye ukubomba ukuba no mweo, no kuipela abene nge lambo. Cali ni ngo'mbe ilume. Epela fye efyo benga cita. Ulya e musango wa Mupashi bakwete, Umupashi wa kwa Lesa, ingo'mbe ilume.

²⁵⁴ Kanshi, apa palishile bakalungamika, umutwe wa muntu, uwa cenjela, amano; Martin Luther, John Wesley, kabili na bambipo, Calvin, Finney, Knox, na bonse abashala. Apa balishile, kabili, ilyo bacitile, bena bali ni bakalungamika. Balishile, ukulungamika, ukufumya abantu.

²⁵⁵ Kabili baishilebwelelamo fye, filya fine nge fyo bacitile kunuma kulya, no kupwa ukubwelela fye muli wene nakabili, mu mibombele yabo iya filonganino, filya fine fye. Baibele efyo yasosa. Ena ali “cilende,” elyo kabili ena akwete “bacilalelele,” abana banakashi, filya fine fye.

²⁵⁶ Kabili Lesa atile, “Ine—Nalimupele inshita ya kulapila, kabili ena tacitile. E ico ndi no kumusenda ena na bana bakwe, ukubaposela palya apo babelu.” Filya ni filya fine. Nomba, ukuti, Lesa alisosele ukutula, muli ici, mwamona, mu Cikakatikilo. Nomba, kulya e kwali. Tulesanga ukutula Ena alecita cilya, kabili Ena akacacita. Kabili bena bali, cila umo, ukulola ilya nshila.

257 Lelo, kuli bonse abo abakwata amashina yabo mwi Buku lya Mweo, Lesa aketa. Bena bakomfwa Lyena. “Impanga shandi shilomfwa Ishiwi Lyandi,” Yesu eflyo asosele. Icintu fye ico tulingile ukucita ubwite bwa mpanga. Imbushi tashalishiba Lyena. Moneni. Lelo, mulemona, ubwite bwa mpanga, “Impanga Shandi shilomfwa Ishiwi Lyandi.” Cinshi? Ishiwi ni cinshi? Ndefwaya imwe ukunjeba imwe ifyo Ishiwi lyaba. Ishiwi lyaba i—lyaba icishibilo ca bumupashi.

258 Atile kuli Mose, “Nga tabakomfwe Ishiwi lya cishibilo ca ntanshi, bena bali no kumfwa Ishiwi lya cishibilo ca cibili.”

259 “Impanga shandi shilomfwa Ishiwi Lyandi.” Ilyo ifi fintu filingile ukulacitika mu nshiku sha kulekelesha, impanga shakwa Lesa shileshiba Cilya. Ee, mukwai. Mwamona? Shena—shena shileshiba Cena. “Impanga shandi shali Njishiba.” Mwamona? “Umbi umbi tashakakonke.” Tashikonka balya bambi bambi. Cena cilingile ukuba icishibilo ica shininkishiwa ica bushiku, kabili bena balacimona Cena. Nomba, nomba moneni.

260 Nomba, Yakobo, ilyo aishile nomba, icintu ca ntanshi namwishiba, ena alikwete ukukabila ukuya (kwisa?) ukubwekela ku mpanga ya kumwabo.

261 Owe, cilya ni filya fine fye Israele acitile! Ulya ni—Ulya ni. . . Ulya ni Israele. Yakobo ni Israele. Ena akwete fye ishina lyakwe ukupilibulwa, namwishiba. Mwamona? Kabili ena ali. . .

262 Ena aile kulya, kabili ashilebula indalama shonse isho akwete, kabili ena kuti abula, no kushisenda umusango onse enga cita, ukufuma ku balupwa lwakwe atemwa umuntu uuli onse. E ico, ukubepa, ukwiba, ukubepa ubufi, umusango onse enga cita ukushisenda, alishisendele. Mwamona? Alicicitile.

263 Kabili elyo ilyo atendeke ukubwelelamo ku mushi, aishile tendeka ukufulukuka ku mushi mu mutima wakwe. Lelo ilyo atendeke ukubwelelamo, mu nshila yakwe ukulaya ukulabwela, alikumenye Lesa, elyo ishina lyakwe lyalipilibwilwe. Mwamona? Lelo, muli iyi nshita, ena ali uwafunshika nganshi, pantu ali no mwenso Esau alemukonka. Mwamona?

264 Kabili—kabili, moneni indalama, ukumfwana pa ndalama. Kwati fye umuYuda ali no kwesha ukucita ici cipingo na—na Rome, mwamona, mukumfwana kwabo pandalama. Moneni cena. Ulya Esau talekabila indalama shakwe; nangula ni Rome. Ena alikwata icuma ce sonde mu minwe yakwe. Mwamona? Lelo cena tacabombele.

265 Lelo tulesanga ukuti nomba, ukutila Israele, muli ilya nshita yabwafya, ilyo ena ali Yakobo, alilwishenye na i. . . aishileikatilila icintu Cimo ico cali icituntulu. Kwaliko

Umwaume uyo waikile. Yakobo ali mukumbete Wene, kabili alikele palya. Kabili u—kabili u—Umuntu atile, “Ningile ukuya nomba. Bwena bwalaca.” Owe, kulyo kuca kwa kasuba! Mwamona? Cena cali mupepi ukuti buce.

²⁶⁶ Lelo Yakobo atile, “Ine—nshakulekeko Iwe. Iwe, Iwe tekuti uye. Nalaikala fye pamo na Iwe.” Mwamona? “Ndefwaya ifintu fipilibulwe pano.”

²⁶⁷ Balya ni balya aba makana umwanda umo na makana amakumi yane na makana yane, lilye bumba ilibombela pa ndalama, ne fintu nga filya, ilyo bamwene icine, icintu icintuntulu icakwikatihilako. Palya paliminine Mose, kabili palya paiminine Eliya. Ameni! Bena bakalwishanya na Lesa mpaka ba makana umwanda umo na makana amakumi yane na makana yane ba mikowa ya Israele baketwe kulya kwine.

²⁶⁸ Cilya cikaba fye ilyo inshita ya Bucushi tailafika, mwamona, (owe ifyo cawama) na cimbi, “Ubwafya bwakwa Yakobo.”

²⁶⁹ Apa epo aba makana umwanda umo na makana amakumi yane na makana yane baketwa. Bena, ba—bakashimikila, balya bakasesema babili, bena bakashimikila kwati ni Yohane Kabatisha. “Ubufumu bwa mu Mulu na bupalama. Lapileni, Israele!” Lapileni pa cinshi? “Lapileni ku membu shenu, uku kanacetekela kwenu, no kubwelela kuli Lesa!”

²⁷⁰ Nomba lekeni twibukishe icintu cimo pano. Ifi fintu ifikalamba ifilecitika, kufya cifyalilwa, fyalicitikapo kale. Mu vesi ya 12 pano, moneni, “Akasuba kaishile fita nge saka lya masako.” Nomba pashanyeni ici.

²⁷¹ Nomba, ibukisheni, cilya tacilecitika mu Benafyalo. Cena ni Israele. Lekeni milangishe. Nomba, ibukisheni, nasosele ukutila bwite ubwa aba makana umwanda umo na makana amakumi yane na makana yane. Mwamona? Iyi nshita nomba, ni lilya Ubucushi, e buli no kucicita. Kabili ici cilelanda pali fyo fikacitika muli ubu Bucushi.

²⁷² Nomba lekeni tupilibwile mu Kufuma 10:21-23. Kabili moneni pano ilyo... Ukufuma ni lilya, mucine, Israele alefuma, ukufumishiwa. Ukufuma, icipandwa ca 10, kabili 21, vesi ya 23. Ndasansamuka nganshi no kupunda, ilyo ndelemba ifi fintu, icakutila inshita shimo kuti nafisankanya. Cisuma, Ukufuma 10:21-23. Cisuma, apa tuleya, 21 na 23.

Elyo Yehoba atile kuli Mose, Tambiko kuboko kobe uloshe mu mulu, no kuleka pa be imfifi pa calo ca Egupti, imfifi iya kuti umuntu enga itonya.

Nao Mose atambike ukuboko kwakwe aloseshe mu mulu; ne mfifi iya tola, yabele mu calo conse ica Egupti inshiku shitatu: (Mwamona?)

Nomba, abantu tabamwene abanabo, kabili tapaiminine muntu pa bwikalo bwakwe inshiku shitatu: lelo...ku bana bakwa Israele bonse kwali uluubuto mu bwikalo bwabo.

²⁷³ Moneni, filya fine fye, nomba iseni kuno lubali, “Kabili akasuba kaishileba akafita nge saka.” Mwamona, icintu cimo cine! Ifi filecitika ku cifyalilwa, cali ni cinshi? Cinshi? Ilyo icifyalilwa cilecitika nge fi, cali ni Lesa ukwita Israele. Mwamona? Lesa aleita Israele. Nomba, “Akasuba ukufita nge...masako.” Nomba, Lesa ali mupepi no kupokolola Israele kulya, cisuma, ukuba fumya mu minwe ya balwani babo, ico cali Egupti, pali ilya nshita. Nomba, pano, Ena alebaleta ukubafumya muminwe ya Roma, uko bapangile icipingo cabo. Icintu cimo cine cilecitika. Filya e Finkunka fimo fine, i—inshita ilyo ifi finkunka fiketwa.

²⁷⁴ Fikesa puma ili bumba lya Benafyalo. Nga twalikwete nshita, kuti na mulangisha ico cikacitika kuli lulya lukuta lwa Benafyalo.

²⁷⁵ Baibele itila, ukuti, “I—icingwe’na, Satana, cali ne cipyu (cilya cili, ukukalipa) no mwanakashi (umuYuda, Israele), kabili cafwishile amenshi ukufuma mu kanwa kaciko, ubwingi ne bumba lya bantu, abo abaile mukucita ubulwi na bashaleko aba bufyashi ba mwanakashi.” Ukusokolola 13. Nomba, moneni kulya, twalikwata cilya. Kabili lilya elyo Israele akatuma Bakwe...Ndepilibula, Rome akatuma impuka yakwe ukukonka abashalako, abashalako aba bufyashi bwa mwanakashi.

²⁷⁶ Nomba lolekesheni. Inshita ya kubalilapo, mu minwe ya mulwani wabo, ilyo Ena alebapokolola, akasuba kapilibwilwe mwi saka...ukufita nge saka. Nomba, iyi ni nshita ya cibili, ukupwa kwa nshita ya Bucushi.

²⁷⁷ Nomba, muli Daniele 12. Nga twalikwete nshita, ifwe kuti twalibelenga. Muli Daniele, iya 12—vesi ya 12...icipandwa ca 12, ntile. Daniele atile, “Uyo onse uwasangilwe ishina ukulembwa mwi Buku akapokololwa.” Nomba, ibukisheni, Daniele nomba alelanda pali iyi nshita ilyo ifi...ici cintu cilingile ukucitika, ilyo Israele ali no kupokololwa, ilyo i—impela ya mulungu uwabo uwalenga amakumi cinelubali. Kabili lilya elyo bena balingile ukupokololwa. Nomba lolekesheni. Lekeni tuye kuli Daniele 12 umu, pali miniti fye.

Kabili mu nshita ilyo akema Mikaele mboswa mukulu uwaiminine abantu...pa—pa bantu bobo (mwamona, balya baYuda): kukaba ne...kumanama, ukwa kuti...takwatala akuba ukutula pa kubako uluko ukufika ku nshita ilya:...

²⁷⁸ Nomba pashanyeni cilya, filya fine ifyo Yesu asosele, Mateo 24, “Kukaba inshita ya bwafya iyo ishatala ukuba

ukutula pa kubako uluko.” Lolekesheni pa Cikakatikilo ica Mutanda, mwamona, icintu cimo cine, inshita ya bwafya. Moneni.

Ukutula pa kubapo uluko ukufika ku nshita ilya: na munshita ilya abantu bobo... (Nomba, muli ubu ubwalenga amakumi cinelublali, iciputulwa ica kulekelesha ica mwaka uwa cinelubali)... abantu bobo bakapokololwa, onse uwasangwa na lembwa mwi buku.

279 Abalingilwa kabala, mulemona, abo abalembwa mwi Buku ilya Mwana wa mpanga ilya Mweo, bakapokololwa pali ilya nshita.

Kabili abengi ba mubalala utulo mu mushili wa lukungu bakashibuka, kabili aba balola ku mweo wa muyayaya, na ba balola ku kusebana kabili ukusulwa ukwa muyayaya.

Lelo, elyo kabili abashilimuka bakabalika ngo kubalika kwe ulu; na—na balenga abengi ukulungama bakabalika nge ntanda umuyayaya umuyayaya.

280 Cilya, lyena calitwalilile, ukweba Daniele ukwi “sale Buku,” pantu ena akalatusha muciputulwa cakwe mpaka ilya nshita.

281 Nomba, mwamona, cena tacilepanga ubupusano ubuli bonse nga cakutila muli no kuba aba mweo atemwa ukufwa. Imwe mukesa, ifyo fine. Mwamona? Mwiesha... Ukutila, ukufwa, tacili nangu cimo ku Mwinakristu. Ena tafwa, nangu cibe fyo. Mwamona?

282 Nomba, Daniele 12, atile ukuti cila umo uyo wasangilwe na lembwa mwi Buku akapokololwa.

283 Pano, Lesa ali mupepi no kupokolola umwana Wakwe uwa cibili, Israele, panuma ya Bucushi. Mwamona, inshita ya cibili, Israele, Uwakwe... Israele mwana Wakwe. Namwishiba cilya. Israele mwana wakwa Lesa, e ico Ena ali no kupokolola wene muno mu nshita ya Bucushi, filya fine fye umusango Ena acitile mulya mu Egupt.

284 Nomba lekeni twiminine pano, nakabili, kabili—kabili tusende icintu cimbi, e ico, ilyo tatula cileta mu mushi. Nomba moneni pano. Aba bakasesema babili, lolekesheni ifyo bali no kucita nomba, nga filya fine Mose na balya bacitile kulya lubali. “Kabili kulya kwalipelwe kuli ine itete...” Kabili vesi ya 3 iya cipandwa ca 11.

Kabili nkapela inte shandi shibili, ukusesema inshiku ikana limo ne myanda ibili na makumi mutanda, na bafwale nsamu.

E Miolife ibili,...

285 Muleibukisha cilya, kabili Selubabele, kabili na fimbipo, ali no kukulula itempile.

. . . ne fya kutekapo inyali fibili ifya iminina ku menso ya kwa Lesa wa pe sonde.

. . . ngo muntu . . . afwayo kubacena, umulilo ulefuma mutunwa twabo, . . .

286 Ibukisheni, ukufuma mukanwa ka kwa Kristu mwafumine ulupanga, Icebo.

. . . no kacema fibambe fyabo: no yo uwinga fwayo ukubacena, efyo ali no kwipaiwa.

287 Nomba, twalishiba, u “mulilo.” Mu cipandwa ca 19, ica Kwisa kwa kwa Kristu, “mulefuma ulupanga Lwakwe ukufuma mukanwa Kakwe,” ico cali Icebo. Bushe co cishinka? Icebo! Owe, nga muli no kusenda ici cintu nomba, kuli cilya Cikakatikilo mailo ubushiku! Mwamona, Icebo e cintu ico Lesa aleipailako umulwani Wakwe. Mwamona?

288 Nomba lolekesheni kuno. Ilyo aba bakasesema balesesema kulya, bena. . . Ngo muntu uuli onse alebacusha, ukubacena: “umulilo ulefuma mutunwa twabo,” Umulilo wa Mupashi wa Mushilo, Icebo. Icebo cakwa Lesa. Icebo Mulilo. Icebo caba Mupashi. Mwamona? “Cilefuma mutunwa twabo.”

289 Lolekesheni kuli Mose. Lekeni tumone ico cilefuma mukanwa kakwe. Bena, Israele, alingile uku, umusango balecitilamo kulya, i—i. . . Ndepilibula, Egupti, bena balecusha aba baYuda. Mose. . . Cisuma, bena tekuti babalekeleko filya fine. Farao tekuti acicite. Lesa abikile fyebo mukanwa ka kwa Mose. Mwamona, fyena matontonkanyo yakwa Lesa ukuya mu mutima wakwa Mose; ena aleya kulya nomba ukulangisha yena, elyo yaisa mukuba Icebo. Tambalika ukuboko kobe, atile, “Nakube balunshi,” kabili aba balunshi balishile. Lolekesheni kuno.

Kabili ngo muntu afwaya ukubacena, umulilo ulefuma mutunwa twabo, no koce fibambe fyabo: . . .

290 Mwamona? Cilya cili palya. Bena kuti balanda ifyobalefwaya ukulanda, kabili kulya cilecitika. Ameni!

. . . kabili ngo muntu . . . alefwaya ukubacena, efyo ali no kwipaiwa.

291 Munyina, Lesa aleisa fye pa cikope apa!

Bene bakwata amaka ya—amaka ya kwisalako ku mulu, kulenge mfula iloka mu nshiku sha kusesema kwabo: . . .

292 Eliya, alishiba ifya kucicita; ena alicitapo kale. Ameni! Mose alishiba ifya kucicita; alicitapo kale. Ulya e mulandu wine bena balisungilwe. Nomba. . . Ameni!

293 Kuti nasose cintu cimo icisuma nganshi pano pene, lelo ningile—ningile ukucisunga mpaka mailo ubushiku. Mwamona? Cisuma.

...kabili bakakwata amaka pa menshi ku kuya sangulo mulopa, no kupume calo ku...fikunka, ilyo lyonse balefwaya.

294 Cena ni cinshi? Ni cinshi icingaleta ifi fintu kano Icebo? Bena kuti bacita ku cifyalilwa umusango uli onse balefwaila. Ici cili apa. Bena ebaleleta ici Cikakatikilo ica Mutanda. Bena balefimbula no kwisula Cena. Cena Maka yakwa Lesa, ku kufulunganya icifyalilwa. Mwamona, Icikakatikilo ica Mutanda caba umupwilapo ukufulunganya ifya cifyalilwa. Bushe mulecumfwa nomba? [Ulukuta lwatila, “Ameni.”—Ka.] Ico apo Icikakatikilo cenu. Nani ulecicita? Bena ni bakasesema, ulubali lumbi ulwa Kusendwa. Na Maka yakwa Lesa, Icebo cakwa Lesa, bena balingile ukwebaula icifyalilwa. Bena kuti batuma ifinkunkuma, ukupilibwila umweshi mumulopa, akasuba kuti kashima, atemwa icintu icili conse, ku cebo cabo. Ameni!

295 Mwacimone co. Mwacimone co. Mwamona? Mwamona ifyo Ifikakaikilo fyaiswile ukuya kulya mu nshita ya lukuta, ifyo calangishe abaipaiwe?

296 Kabili nomba aba apa bakasesema babili ukwiminina apa ne Cebo cakwa Lesa, ukucita icintu icili conse ku cifyalilwa balefwaya ukucita. Kabili bakatensha isonde. Kabili cilelangisha filya fine uyo ulecita. Cena ni Mose na Eliya, pantu bulya palya bukapyunga bwabo ukupashaniwa nakabili, cena ni bonse abaume babili. Owe, mwe! Bushe mulecimona nomba? [Ulukuta lwatila, “Ameni.”—Ka.] Mwamona ifyo Icikakatikilo ica Mutanda cili? Cena ni balya bakasesema. Nomba moneni. Nomba mwileka ici cimulenge ukumfwa ububi. Lelo, moneni ico cileisula cilya Cikakatikilo, bakasesema! Mwamona? Whew! Ameni! Mwacimone co.

297 Owe, ifwe tuleikala mu bushiku bwakwa kapumpe, munyina, ukuya pa mulu ya makumbi!

298 Bena baliswile cilye Cikakatikilo ca Mutanda. Bena balikwata amaka ukucita. Ameni! Cilya palya Icikakatikilo cenu ica Mutanda ukwisulwa. Mwamona?

299 Nomba ifwe tuleisa kunuma apa pene, kabili Yesu alandile cena cikacitika. Kulya kunuma mu Cipingo ca Kale, kunuma muli Esekiele, kunuma muli bakasesema aba kale, balilandile cena cali no kucitika.

300 Kabili pano Icikakatikilo ica Mutanda caliswilwe, kabili bena batile, “Cisuma, cilya cintu ca kupapusha. Ni cinshi ica cicitile?”

301 Iyi pano inkama iya cena, bakasesema, pantu Baibele eflyo yasosa apa. Bena kuti baisula cena, inshita ili yonse bena. . . Bena kuti bacita icintu icili conse ku cifyalilwa balefwaya ukucita. Kabili balecita icintu cimo cine ico bacitilepo, ameni, pantu balishiba ifya kucicita. Ameni! Ubukata!

302 Ilyo namwene cilya, nafumine fye mucipuna candi no kutendeka ukwenda uku no ku pa mushili. Natontonkenye, “Shikulu, ifyo nde Mutotela, Tata uwa mu Mulu!”

303 Cilya cili apa. Cilya eco. Bena baliswile cilya Icikakatikilo ica Mutanda. Ameni! Bamoneni bena, “Ngo muntu abacena, umulilo ulefuma mutunwa twabo,” Icebo. Mupashi wa Mushilo waishile pa batumwa, mulemona. “Umulilo ulefuma mutunwa twabo.”

304 Nomba moneni mulya mu Kusokolola 19, tulemona icintu cimo cine, “Kabili ulupanga ulukalamba lwafumine mukanwa Kakwe,” Icebo. Mwamona? Ukwisa kwa kwa Kristu. “Kabili Ena aipeye abalwani Bakwe kuli Lwena.” Bushe co cishinka? [Ulukuta, “Ameni.”—Ka.] Nomba Ena ali mubulendo Bwakwe. Lolekesheni Wene nomba. Cisuma.

Bene bakwata amaka yakwisalako ku mulu, ku kulenge imfula iloka mu nshiku sha kusesema kwabo: . . .

305 Mune, kulya kucilinganya icifyalilwa! Nomba, ukufika lilali ilyo—ilyo uyu muntu, Eliya, aisele imyulu? [Ulukuta lwatila, “Imyaka itatu na hafu.”—Ka.] Mwacimone co, filya fine. Ukufika lilali iya makumi cinelubalii yakwa Daniele, iciputulwa ca kulekelesha ica milungu amakumi cinelubali? [“Imyaka itatu.”] Mwacimone co, filya fine.

306 Cinshi ico Mose acitile? Ena—ena—ena apilibwile a—amenshi mumulopa. Ena acitile ifisungusho ifya misango yonse, filya fine fye ifyo ifyalandilwe kabela umu muli ici Cikakatikilo ica Mutanda. Kabili aba bali apa, mu Kusokolola 11, ukucita icintu cimo cine. Ameni!

307 Kuliko ififulo fitatu ifya pusana mu Malembo, mulya mwine, ukwampanya icintu capamo fye. Cilya kwisula ukwa Cikakatikilo ica Mutanda. Mulya mwine emo cili. Ameni! Ubukata! Nomba moneni.

Bena bakwata amaka yakwisalako ku mulu, mu nshiku sha kusesema kwabo, ukutila iloka: kabili. . . amaka pa menshi ukuyasangulo mulopa, . . . no kupume calo ne. . . cinkunka, ilyo lyonse balefwaya.

308 Owe, mwe! Mwacimone co. Nomba pilibwileni fye uku lubali ku finkunka, mwamona. Ifya cifyalilwa fyonse na ficilinganishiwa, muli ici Cinkunka ica Mutanda. . . atemwa Icikakatikilo ica mutanda, ukwisulwa. Filya ni filya fine fye ifilecitika. Nomba lolekesheni. I. . .

309 Pano, Lesa ali mupepi mukupokolola Umwana wakwe, Israele, ukukonkelesha umusango umo wine uwa bucushi ubo Ena acitile kulya lubali. Ena atumine Mose kulya lubali no kupokolola Israele. Bushe te cishinka? [Ulukuta, “Ameni.”—Ka.] Kabili ena acitile ifintu fimo fine. Ena atumine Eliya kuli Ahab, kabili amakana cinelubali baishile fuma. Bushe co cishinka? [“Ameni.”] Ena alebatuma ukubabwesha uku lubali nakabili, mu nshita ya Bucushi, no kwita abamakana umwanda umo na makana amakumi yane na makana yane.

310 Nomba, mwamona, mulemona, pakati ka kusokol...atemwa pakati ka cipandwa ca 6, atemwa Icinkunka ica Mutanda...Icikakatikilo, njeleleniko, Icikakatikilo ica Mutanda kabili ne Cikakatikilo ica Cinelubali. Icipandwa ca 7 ica Kusokolola, mu nsamushi, ukutantikwa capamo bwino.

311 Kwati fye ni America ni mpendwa ye kumi limo na fitatu: yatendeke na mabuteko ikumi limo na fitatu, intanda ku nembela ikumi limo na fitatu, inko shakuteka ikumi limo na fitatu, imindoloshi ikumi limo na fitatu. Ifintu fyonse li kumi limo na fitatu, ikumi limo na fitatu. Kabili amonekela umu mwine mu cipandwa ca 13 ica Kusokolola 13. Cilya cishinka ena ni mpendwa ikumi limo na fitatu, kabili mwanakashi.

312 Nomba, ilyo Ena ali no kupokolola Umwana uwa fyalwa Wakwe eka, uyo uwali uwafyalwa wakwe eka. Yakobo e mwana Wakwe; lelo uyu e Mwana uwafyalwa Wakwe eka. Mateo 27, lekeni tumone ifyo Ena acitile kulya. Mateo, icipandwa ca 27. Nomba, ibukisheni, umwana Wakwe alyuminwe, kabili ali mubwafya, kabili bali musenteke Wene. Kabili ali no kutanikwa pa lupanda, pa fili koloko, pali Cisano Musuma icungulo. Cali fye mupepi ukucitika! Mateo, icipandwa ca 27 cakwa Mateo, kabili i—versi ya 45, ndecetekela efyo cili.

*Awe ukufuma pa nshita ya kasuba pakati kwali mfifi
pa calo conse ukufika ilyo akasuba kasendama*

313 Nomba moneni filya fine fye ifyo Ena acitile kunuma uku nomba, muli ici. Mwamona?

*Kabili namwene ilyo akakatwile icikakatikilo ca
mutanda...moneni, elyo kwali icinkunkuma
cikalamba; na kasuba kalifitile nge saka lya masako,
no mweshi—no mweshi onse waishileba ngo mulopa;*

314 Ukufita, imfimfi! Egupti; ukufita; imfimfi!

315 Lesa, ukupokolola Yesu pa lupanda, lintu fye Ena aletele Wene ukumufumya mukubuka. Intanshi, imfifi; akasuba kalishimine pakati ka kasuba, kabili intanda tashabalike. Inshiku shibili ukufuma lilya, Ena ali no kubusha wene no kucimfya ukwapulamo.

316 Panuma ya kasuba, no mweshi, ne ntanda, ne fintu fyonse, mu Egyupti, fyonse fi fyalicitike, Ena apokolwele Israele ku mpanga ya bulayo.

317 Icii cili apa, mu nshita ya Bucushi, kabili pano naiminina pakati ka bakasesema babili kuli abo abakwata ubutungulushi bwa Cebo ico Lesa abapele. Bena kuti balanda fye nge fyo Lesa alebapela Icebo.

318 Nomba, bena te milungu. Bena pakashita fye . . . Ukukana ishishisha, bena bali, pantu Yesu asosele ukuti eflyo bali. Atile, “Mulabeta imilungu, abo Icebo cakwa Lesa caishileko.” Lelo, lolekesheni, balya ebo Lesa aletako Icebo. Kabili ilyo ena alanda Cena, cilecitika. Epela fye.

319 Kabili pano ena ali no mulimo ukufuma kuli Lesa, ku kupuma isonde, conse ico alefwaya ukucita “owe, mwe,” ukwiminika imyulu. Kabili ena alecita. Bwafyanshi? Ena aleteyanya ukusenda abamakana umwanda umo na makana amakumi yane na makana yane, ukubafumya, kukulubulwa, ukufuma mwi Buku lya Kulubula. Kabili cilya cili pesamba lya Cikakatikilo ica Kulubula, mu Cikakatikilo ica Mutanda. Cilya cili, we munandi mutemwikwa. Cilya ni cilya Icikakatikilo ica Mutanda; ico cali icakupapusha nganshi.

320 Leken i fye nsende . . . Natukwata ama miniti ikumi na yambi. Leken i fye tusende panono fye, mwamona. Ninkwata nalimo amabula yabili atemwa yatatu. Cisuma, ninkwata . . . Imwe kuti mwamona fye *apa*. Ndetontonkanya kuliko nalimo . . . Pali cilya cimo, ndetontonkanya ninkwata amabula nalimo ikumi limo na fisano nomba ayasheleko, ayo ningile ukubula. Owe, kuliko ifingi nganshi pali cilya! Mwe, imwe kuti mwatwalilila fye ukufuma pa cifulo ukuya ku cifulo! Lelo ndi no mwenso ndi no kumufulunganya ilyo nasalanganya ifingi nganshi. Kabili ine nshili . . . Te kuti njikatilile capamo nge fyo ningile ukucita.

321 Muli Esaya, lekeni tubule ici. Esaya, kasesema, alimwene ici Cikakatikilo ica Mutanda ukwisulwa, kabili alandile palwa Cena; nga cakutula Cena cikankala, atemwa iyo. Mwamona?

322 Cisuma, icintu conse, ipange lyonse ilya kulubula, lyaba muli ifi Fikakatikilo; Ibuku lyonse.

323 Nomba ibukisheni, twalimwene Yesu amwene Cena. Bushe co cishinka? Mwamona? Yesu amwene Cena. Kabili nomba tulesanga bambi bamwene Cena. Tulesanga Cena ukupashaniwa muli—mulii Yakobo. Tulesanga Cena ukupashaniwa mu Egupti. Mulemona Cena ukupashaniwa pa lupanda?

324 Nomba lekeni tubwekele kuli Esaya. Ninkwata bakasesema na bambi abengi abalembelwe pano, nabo. Leken i fye . . . Nalitemwa ici, ici cakwa Esaya. Leken i tubwekele umu muli Esaya, icipandwa ca 13 cakwa Esaya. Nalitemwa . . .

325 Esaya yaba ni—ni Baibele ituntulu, mu Iine, namwishiba. Bushe mwalishiba cilya? Mwamona, Esaya, atendekela no kulenga; mukati ke Buku aleleta Yohane; kabili kumpela aleleta Millenuim. Kabili kwaba ama Buku muli Baibele amakumi mutanda na mutanda, kabili ifipandwa amakumi mutanda na mutanda muli Esaya. Lyena li Buku ilikalamba ilituntulu, Iline.

326 Moneni, icipandwa ca 13 nomba, Ica—icakwa Esaya. Lekeni tutendeke pano pa vesi ya 6.

Welesheni imisowa, na bupalama ubushiku bwa kwa YEHOBA; nga pumpunta uwafuma uwa maka yonse.

327 Moneni ici Cikakatikilo ica Mutanda ukwisulwa apa pene nomba. Kunuma fye kuno, ili apa imyanda cinelubali ne kumi limo na fitatu ilyo Kristu talaisa, kabili Ena aba imyaka amakana yabili, cilya kuti caba nalimo cinelubali. . .nalimo imyaka yapitapo amakana yabili ne myanda cinelubali. Esaya alimwene ici Cikakatikilo ukuba palya. Cisuma.

Ni pali ici amaboko yonse ya katompokela, umutima wa muntu onse ukasungulukila:

328 Cinshi ico Yesu asosele? “Kabili pa mulandu wa mampulu yakafula, u—ukutemwa kwa bengi kushibantulukila lilya.” “Kabili imitima ya bantu ikafilwa, ku mwenso; kuli bamba ulebuluma.” Mwamona, imitima ya bantu ikafilwa.

Na bantu bakasakamikilwa: ukunyongotoka no butanshi fya bekata; bashikitka ngo mwanakashi ulepapa: baleloleshanya umuntu no mu nankwe balesunguka; ifinso fyabo finso fyamingu.

329 Moneni pali cena apa, owe, “ifinso fyabo ni nsoni.” Ifwe tulingile ukuya kuli cilya, pali miniti fye. Nalaikatikilila fye cilya, mwamona.

Moneni, ubushiku bwakwa Yehoba bwaisa, ubunkalwe no kububuka ne cifukushi ca bukali, ku kucite calo cibe capomonwa: no kufita ababembu ba ciko ukubafumyamo.

330 “Impanga,” epela fye pali cena, pali cena mulemona. Moneni.

Pantu intanda sha mu mulu na ba orione bashiko tafyakalenge ulubuuto lwa fiko ukubalika: akasuma ka kafita pa kutula kwa kako, no mweshi tawakabutushe ulubuto lwa luko.

Nkakanda aba pano nse pa bubu bwabo kabili amampulu, kabili na babifi pa mampulu yabo; nkalengo kututu- . . .

331 Ine—nshaishiba ifya kucilumbula, kututu- . . . [Ulukuta lwatila, “Ukututumuka.”—Ka.] Ine teti ncisose. Mwamona?

*...ukututumuka kwa batusaika ukupwa, no
kucenda ukupulama kwa ba—kwaba kututumya—
kututumya.*

³³² Mwamona, kulya, filya fine fye, Esaya alimwene icintu cimo cine ico Yesu alandilepo. Cilya Icikakatikilo ica Cinelubali cilesokolola. Ilyo Ena alesangulula impanga no bucushi, cilya ni nshita ya Bucushi, ici Cikakatikilo ica Mutanda. Ee, ena ali ni kasesema, kabili Icebo cakwa Lesa calengelwe ukwishibwa kuli wene. Cilya cali imyaka iyapitapo amakana yabili ne myanda cinelubali.

³³³ Mucine! Ndefwaya fye ukusose ci. Isonde lyonse, nge fyo Esaya apa, “ngo mwanakashi uli mukucululuka,” ifibumbwa fyonse fili mukucululuka. Ni finshi fyonse ifi ukucululuka no kuteta cili? Kwati u—u—umwanakashi uli no kuba na cifyashi; isonde line, ifya cifyalilwa.

³³⁴ Cinshi, uyu musumba muno, lekeni tusende umusumba wesu wine; ilyo, ifikulwa fya malwa, no bulalalale, no kukowela, ne fiko, ngo musumba onse uwashala!

³³⁵ Cinshi, ndecetekela Lesa kuti atemwa ukuti cibe, ukulolekesha pali wene nge fyo Ena akwete, imyaka amakana iya pitapo. Ilyo Ohio alekunkuluka, tabakwete amenshi ayalamba na malyeshi. Tabakwete ulubembu mu nika. Imboo shaendele mukati umu, kabili—kabili umukote Cherokee alungile yena no kupango bwikalo ubusuma. Takwali ubwafya, nakalya.

³³⁶ Lelo, umuntu alishilemo, kulya eko lubembu lwisamo. Ilyo abantu batendeke ukufula pe sonde, lyena ulubembu no lufyengo fyalishilemo. Cilya cishinka, lyonse fye umuntu. Cinshi, ndetontonkanya cena camusebanya!

³³⁷ Naliminine, ubushiku bumbi, mu calo ca kumwesu kulya, nombamba mu Arizona. Kabili ine-nalebelenga, ilyo nali umwaice, palwa kwa Geronima, kabili—kabili Cochise, kabili balya abakote ama Apaches. Pantu, nalishimikile kuli bena kulya abantu abasuma! Kabili bamo aba abantu abasuma mulefwaya ukukumanya, ni balya ba Nsamya ba Apache.

³³⁸ Kabili lyena nalile kulya lubali ku—shinshi iya Kulililwa, uko bena bonse bakwata ifya kusefya ifya kale ne fintu ukufuma mu nkondo. Kabili nalilolekeshe pa... Bena lyonse, namwishiba, bena lyonse balibikile Geronima nge—nge ciwelewele. Kuli ine, ena ali umwina America umwine mwine. Mucine! Ena alelwisha fye pa nsambu shakwe, nge fyo muntu uli onse enga cita. Ena talefwaya kulyo kukowesha mu mpanga yakwe. Kabili lolekesheni ifyo kwena kuli nombamba; ukupilibula abana Bakwe, abana bakwe abanakashi, muli ba cilende, ne fintu fyashala; kabili abantu ababuta ukwisa mulya. Umuntu uwa buta abe cipumbu.

339 Nsamyā ali uwakusunge fintu. Ena ali i—ena ali u—uwakusunge fintu. Ena kuti aya kunse no kwipayā imboo, umukowa onse kuti walya ifintu fyonse ifya sheleko kuli ena. Bena balebomfya umukupō ku fyakufwala nama hema, ne fintu ifya shala. Kabili umuntu uwa buta alishile ukuilasa, ku cakwangasha; cinshi, cena ca musebanya!

340 Nalibelengele ilyashi mwi pepala, uko, mu Africa, ilye ncede ikalamba iyaisulamo inama sha mpanga! Balikwata aba balumendo, Arthur Godfrey na bena, ukuya kulya lubali, ukulasa ishi nsofu ne fintu, ukufuma mu ndeke isha fikapakapa ne fintu nga filya. Icikope ica nsofu ikote ikota ukweshā ukufwa, kabili ifilamba, kwati, ukukonkolola pa cinso caiko. Kabili ishaume shibili ishikulu ukweshā ukuimya, ukusunga. . . Cinshi, cena lubembu. Cilya te bwangalo.

341 Ilyo naiminine kulya mu mabala kulya lubali, kabili uko nalelunga ne fintu nga filya, nalimwene uko balya abalunshi aba buta baishile kulya no kulasa shilye nsebula, no kuputula icakunuma ukufuma kuli yena. Kabili inshita shimo ukwipayā cinekonse konse atemwa ikumi yatwana twa nsebula, nokushileka ukulala palya. Kabili utwana ukulabutuka butuka, ukweshā ukusanga nyinabo. Kabili mulepilibula cilya ngo bwangalo? Cilya bupondo ubwa pwililika, mwi buku lyandi.

342 Ndesubila Canada tayakabikemo imisebo muli yena, ilyo lyonse ncili no mweo, ukutalushako balya abawelegele abena America ukufuma kulya. Cilya cishinka. Bwena bwangalo ubwa bupina nganshi nshatala monapo mu bumi bwandi.

343 Nomba, te bonse muli bena. Kwalibako bamo aba cine, abaume abene bene, lelo ni umo ukufuma mwikana, muli no kusanga.

344 Ukulasa icintu icili conse ico bengamona, musango uuli onse uo balefwailamo. Cilya cishinka. Bulya bupondo. Cilya cishinka. Ena takwata umutima uusuma. Kabili alilashile, ukufuma mu nshita iyene.

345 Cisuma, kulya ku Alaska kulya, nali kulya na umo uwa balya bakatungulula. Atile, “Nalibulile. . .kuti naya kunse kulya nomba, no kusanga umukuni onse uwa shena ishikalamba ishikulu ba elk atemwa. . .te elk, lelo moose ukuba kulya; ne mfuti iya fipolopolo ifya cipimo ca makumi yasano ukupita mu masengo yashiko, uko aba abena America bakensha wa ndeke kunse kulya, mu Alaska, ukushilasa ne mfuti isha fipolopo ifingi, ukufuma muli ilya ndeke, umukuni onse uwa moose.” Bulya bupondo ubwa pwililika.

346 Balishibe, ilyo lyonse bakepaya buffalo, bena kuti bakwata Nsamyā. Ena kuti afwa ne nsala. Ulya e mulandu wine kulya Cochise alicimbile; abakwe, bafilolo bakwe bonse, kabili bonse abashala muli bena, abana bakwe, kabili

abantu bakwe bonse, balefwa ne nsala. Bena baile kunse kulya ne ikulu, ikalamba ibumba ilikulu ilya bena, buffalobill na balya abaume abali fye, no kulasa shonse shilye mboo, amakumi yane, amakumi yasano, mu cungulo. Balishibe, ilyo bafumishe cilya, bena balifumishepo Nsamya. Owe, mwe! Itoni pa nembela, umusango bacushishemo balya ba Nsamya. Mwacimone co.

³⁴⁷ Lelo ibukisheni, Baibele itila, “Ora ileisa ilyo Lesa akabonaula abo abaonaula isonde.” Kabili isonde lyonse!

³⁴⁸ Lolekesheni kuli shilye nika. Nali minine kulya, ubushiku bumbi, ukulolekesha kulya mu nika ku Phoenix. Naile ku South Mountain, umukashi na ine twalikele kulya lubali, ukulolekesha kulya ku Phoenix. Kabili natile, “Bushe cilya te cibi?”

Atile, “Icibi? Cinshi ico ulepilibula?”

³⁴⁹ Natile, “Ulubembu. Kabili bucende bunga, no kunwa, no kutuka, ne Shina lyakwa Shikulu ukubomfiwa apafye, muli ilye nika mulya; umuli nalimo umwanda na—na makumi yane, abantu amakana amakumi yasano, atemwa nalimo abantu amakana imyanda ibili, muli ilya nika!”

³⁵⁰ Natile, “Imyaka yapitapo imyanda isano, atemwa ikana, takwaliko nangu cimo kano fye cactus, na mesquite, na ba koyote abakale ukubutuka uku no ku kumumana wa musensenga kulya, ne—ne fikululwa.” Kabili natile, “Ulya e musango Lesa ailengele yena.”

³⁵¹ Lelo, umuntu alishilemo. Ni cinshi ico acitile? Alisankenye umushili no busali. Imisebo yalisulamo indusha. Ifya kuyako ifiko, i . . . Kabili imimana yalikoweshiwa no—no busali. Bena tekuti . . . Cinshi, imwe tamulingile ukunwako yamo ya yalya amenshi; imwe kuti mwabula icintu icili conse. Mwamona? Lolekesheni pali cena. Te kuno fye kweka, lelo, isonde fye lyonse, icintu calikoweshiwa!

³⁵² Kabili isonde, ifyacyfyalilwa, (Lesa kwateni uluse!) isonde lyonse . . . kabili ukukalipa kwa pa kupapa. Isonde lileesha, yena ili “mukucululuka,” Esaya eflyo asosele. Bwafyanshi? Yena ili mu . . . ukweshu ukuleta isonde lipya, kuli Millennuim, uko bonse ba . . . ? . . . Ukweshu ukufyala isonde lipya, ku bantu abapya abo abashaka bembuke no kulikowesha. Cilya cishinka. Lyena lili mukucululuka. Ulya e mulandu wine i . . . i—Ifwe tuli mu kucululuka, Kristu, ukuleta Nabwinga. Ifintu fyonse filecululuka no kuteta. Mwamona? Kuliko icintu cimo icili mupepi no kucitika.

³⁵³ Kabili ici Cinkunka ica Mutanda cileleka yena ukuya. Munyina, icinkunkuma cikesuka, kabili intanda shikatenkanishiwa, imililo ikesafuma, kabili sonde likaiwamya iline. Imisolilo ipya ikesafuma ukufuma pakati ke sonde.

Kabili lyena likonaulwa, ukushinguluka lyonse kabili ukushinguluka no kushinguluka, ilyo lileshinguluka kulya mulya.

³⁵⁴ Kabili ndemweba, ulucelo lumo ilyo Yesu na Nabwinda Wakwe bakabwekela pe sonde, kukaba paradise wakwa Lesa kulya. Ukutila, owe, mwe, shilye mpuka isha kale ishabulwi, ukwenda ukupita mulya na ba cibusa wabo na batemwikwa. Inyimbo shikesula mulwelele, ishe bumba lya ba Malaika, “Owe, cena calicitilwe bwino, we mubomfi Wandu umusuma kabili uwacishinka. Ingila munsansa sha kwa Shikulu, isho shateyanishiwa iwe, nga filya wali no kukwata kunuma kulya ilyo Efa talatendeka ukukunkulusha umupila mulubembu.” Amen! Whew! Ee.

³⁵⁵ Icikakatikilo ica Mutanda cili no kucite cintu cimo. Ee, mukwai. Mucine isonde lyonse lileteta no kukalipwa, ku nshita ya Millennium!

³⁵⁶ Nomba, ili nomba lyalikoweshiwa nganshi no busali! Lilya nalishimikile kuno, te kale sana, ndecetekela ukushimikila pa tebernacle, *Isonde lileonaika*. Cilya ni filya fine. Lolekesheni ico cileonaika mwi sonde. Lolekesheni, ifintu fyonse fileonaika, ifya cena. Mucine, yena ili. Lyena lili—lyena lilingile ukonaika. Ee, mukwai.

³⁵⁷ Lolekesheni, umufula wa liko! Lekeneni mulangishe umulandu isonde lilingile ukucicita. Umufula wa ili sonde, icela, no butale, kabili ifintu ifya ili sonde, fyalifumishiwa muli lyena, umufula wa iko, ku nkondo ne fya kupanga panga, mpaka lyena lyaba fye nalimo ilyateyanishiwa . . . Cisuma, ifwe tatwatalile ukukwata icinkukuma mpaka ubushiku bumbi, ulubali lwa cino ciputulwa ca calo; ubushiku fye bumbi kuno, mulemona, St. Louis kabili ukuya ukupita mulya. Lyena lileya lilepwilako nganshi. Bena balifumyamo ifintu fyonse ukufuma muli lyena. Mwamona?

³⁵⁸ Amapolitiki yaiko yalikowela nganshi, tapaba nangu panono bucishinka mukati kabo, mwamona, cena mibombe. Imibele yaiko yaliba panshi nganshi, yena tayakwatako nangu imo. Epela fye. Mwamona? Mucine. Bukapepa bwalibola. Ee, mukwai.

³⁵⁹ Ni nshita ku Cikakatikilo ca Mutanda, ililine, ukwisulwa. Kabili ilyo lyena lilecita, owe, mwe, lyena lyapwa! Nabwinda ninshi aya, ena nacita . . . Namfumu naya mukusenda icifulo Cakwe; Ena naupwa nomba, ku Mfumu, ilyo ici cilecitika. Kabili abashalako bakwa Israele na bakakatikwa kabili abateyanishiwa ku kuya, elyo kabili icifyalilwa cilelekelako. Owe, ifyo ikaba inshita!

³⁶⁰ Moneni vesi iya kulekelesha iya Cikakatikilo ica Mutanda, ukwisulwa. Balya abo abasekele pa kushimikila kwa Cebo, pa cashininkishiwa Icebo icakwa Lesa uwa mweo; ilyo balya

bakasesema baiminine kulya no kubomba ifipeshamano, ukwisala akasuba, ne fintu fyonse ifyashala, kabili ukuya ukupita mu nshita. Mwamona, “Bena babilikishe ku fimabwe na kumpili ku kubafisa,” mwamona, ukubafisa ukufuma ku Cebo ico bena basekele, pantu bena balimwene Wene aleisa. “Tufiseni ukufuma ku cipyu ca Mwana wa mpaanga.” Ena Cebo. Mwamona? Bena balisekele Icebo. Kabili pano Icebo cali, mu mubili. Kabili bena balisenteke Cena; ukubaseka bena, ukusenteka bena. Kabili Icebo mu mubili caishile ika!

³⁶¹ Cinshi bena tabalapile? Bena tekuti. Cali ukutali nganshi, lyena. E ico, bena balishibe ukuti, ukukandwa. Bena balomfwa Cena. Bena balikele mukulongana nge fi no kwishiba palwa Cena. Kabili balishibe ukutala ifintu ifyo balya bakasesema, balandile kabela, fyamoneke kuli bena mu cinso fye cabo, icintu ico bena bakene. Bena balikene uluse nshita ya kulekelesha.

³⁶² Kabili ilyo mwakana uluse, takuli nangu cimo icishalako kano ubupingushi. Ilyo mwakana uluse; tontonkanyeni fye pali cena.

³⁶³ Kabili balya bali palya. Bena tabakwete incende iya kuyako, ukubutukilako. Kabili Baibele isoso ukutala apa, “Bena baitilwe ku i . . . Babilikishe ku fimabwe ne mpili, ku, “Tuwileni, no kutufisa ukufuma ku—ukufuma ku cinso ca u . . . kabili ubukali bwa Mwana wa mpaanga.” Bena balyeseshe ukulapila, lelo Umwana wa mpaanga alishile ku kupoka Abakwe Umwine, mwamona. Kabili babilikishe ku fimabwe na ku mpili. Balipepele, lelo amapepo yabo yali celelwe nganshi.

³⁶⁴ Munyinane, nkashi, ubusuma no luse lwakwa Lesa, ukutantalishiwa ku bantu. Ilyo, Israele apofushiwe pali ici, pali kuno, nalimo fye imyaka imyanda ibili, ukutupela ishuko ilya kulapila. Bushe na mukana lulyo luse? Na mucita? Bushe na mukana Cilya?

³⁶⁵ Nimwe bani, nangu cibe fyo? Ni kwisa uko mwafuma? Kabili ni kwisa uko muleya? Imwe tekuti mwipushe doctor, imwe tekuti mwipushe umuntu onse mwi sonde, kabili takwaba ibuku ilyo mwingabelenga, ilyo linga mweba ifyo mwaba, uko mwafuma, kabili no ko muleya, kano ili Buku.

³⁶⁶ Nomba, namwishiba, ukwabula imwe ukukwata Umulopa uwa Mwana wa mpaanga ukumubombela mu cifulo cenu, mulemona uko mulelola. E ico, nga—nga Lesa alicitile cilya kuli imwe, icintu cacepesha ico twingacita kusumina ifyo Ena acitile. Epela fye. Filya fye fyeka eflyo Ena aleipusha ifwe ukucita.

³⁶⁷ Kabili pa mulingo wa ici, nga ndetwalilila, ningile ukwisa muli cilye Cinkuka, conse fye cilya, mailo mukulongana kwa bushiku. Kabili nomba tekuti ncicite, teti nje pantanshi

nakabili. Ninkwata ukushilwa pano, ulupanda, “ukuleka pano.” Mwamona. E ico, kanshi, ine—ningile ukulolela mpaka mailo.

Nomba lekeni tukontamike imitwe yesu pakashita fye.

³⁶⁸ Nga taucitile, we munandi umusuma, taucitile—tausumine ukutemwa kwa uyu Lesa uo ndelandapo! Nga taucitile... Umfwikisha nganshi kuli ici nomba. Nga iwe tausumine ukutemwa Kwakwe no luse, iwe ukuesenamina mu ubupingushi Yakwe no bukali.

³⁶⁹ Nomba, iwe, muno bushiku, uli mucifulo cimo cine ico Adamu na Efa balimo mwi bala lya Edeni. Iwe naukwata insambu. Iwe uli cibumbwa cakuisalila we mwine. Iwe kuti waya ku Cimuti ca Mweo, atemwa iwe kuti wasenda ipange lya ubupingushi. Lelo, ilelo, ilyo ucili uletontokanya bwino, mu mitontokanishishe yobe isuma, kabili uli uwa bumi busuma ubwalinga uku—ukwiminina no kusumina cena, cinshi taulecicitila cilya nga iwe taulacicita cena.

³⁷⁰ Bushe kuliko abantu muno abo abashilati, na nomba, ukucita cilya? Nga cili fyo, bushe kuti mwaimya ukuboko kwenu, ukusosa, “Mpepelako, Munyina Branham. Ine nomba ndefwaya ukucicita. Nshilefwaya ici ukwisa.” Nomba ibukisheni, mwe banandi... Lesa amupale. Cilya cisuma. Ninkwata...

³⁷¹ Aya te mano yandi aya Ici. Ine-ine... Ici teco na cilatontokanya; ici conse cifumine kuli ine. E ico ngafwilisheni, Mupashi wa Mushilo naishiba cena. Kabili imwe loleleni, nga Shikulu asuminisha, mailo ubushiku, ndefwaya ukumulangisha inkama iyo yalecitika inshita yonse, muno mwine muli uku kulongana. Ndetwishika nganshi nga cakutula imwe mwalitala ukumonapo cena atemwa iyo, mwamona, ico cili—ico icicitike. Cena caba icintu cimo ico cabikwa kuno kwine fye ku ntanshi yenu. Kabili ni ncimona, cila bushiku, ici, kuli cena ukwima, ku muntu umo ukusosa, “Ni ncimona.” Mwamona?

³⁷² Mwalaluka kuli Cena, napapata, ndemulomba; nga imwe tamuli Benakristu, nga imwe—imwe tamuli pe samba lya Mulopa, nga imwe ta mulafyalwa cipya cipya, ukwisushiwa na Mupashi wa Mushilo.

³⁷³ Nga ta mwatala ukukwata ukulumbula ukwa pa cintu bwingi ukwa—ukwa kwa Yesu Kristu, pa kuba mukubatishiwa mwi Shina lyakwe, ukupela bukamboni imfwa Yakwe, ukushikwa no kubuka, ukutula imwe na musumina, amenshi yali ayateyanishiwa. Bena balelolola. Imingila naiteyanishiwa umu mukati, kabili ifintu fyonse nafiteyanishiwa.

³⁷⁴ Kristu naiminina uwaiteyanya, na maboko yakwe ayatambalikwa, ku kumupokelela. Muli ora imo ukufuma

nomba, lulyo luse limbi kuti lwatantalishiwa kuli imwe. Imwe kuti mwalukana pa nshita ya kulekelesha; lwena talwakatale ukukumya umutima wenu nakabili. Ilyo mwinga cita, ilyo mwinga cita, cinshi ico teti mucicitile? Nomba ilyo . . .

³⁷⁵ Ninjishiba ica lyonse, umusango uwa lutambi, caba ukuleta abantu ku cipailo. Tulacita cilya, kabili cilya caba icapwililika bwino nganshi. Pali iyi nshita, tuli abafulisha nganshi muno, ukushinguluka fye icipailo, mpaka tekuti ncite cilya.

³⁷⁶ Lelo kuti natemwa ukusose ci. Mu bushiku bwa butumwa, batila, “Bonse abengi abo bacetekele balibatishiwe.” Mwamona? Nga kuti mwacita fye, mucine, mukati ka mutima wenu! Ici conse ici cili apa. Cena tacili—cena tacili ifyakumfwa umfwa, nangula ifya kumfwa umfwa fila konka cena. Nga filya fine nasosele, ukupepa no kunwa tafyaba ulubembu; fyena mibele ya lubembu; cilangisha fye imwe tamwacetekela. Mwamona? Lelo ilyo imwe mwacetekela mu mutima wenu, kabili namwishiba ukutula pa mulingo wa, apo mwikele palya, mwasumina cena no mutima wenu onse, icintu cimo cili no kucitika apo pene. Cena cili no kucitika.

³⁷⁷ Lyena kuti mwaiminina nga kamboni kuli cena, ukutula icintu cimo nacitika. Lyena endeni ku menshi, “Ndefwaya ukulangisha ku lukuta, ndefwaya ukushininkisha, ndefwaya ukupela ubunte bwandi ukwiminina, ukutula ndi no kusenda incende yandi na Nabwanga. Ninjiminina pano nomba ku kubatishiwa.”

³⁷⁸ Ninjishiba ukutula kuliko abanakashi abengi mwi sonde muno bushiku, abanakashi abasuma, lelo ndi fye uwafulukisha ukumona umo. Kuliko umo uwa bena uyo uli umukashi wandi. Ulya aya kunga’nda pamo na ine. Ena tali umukashi wandi, icakubalilapo; lelo ifyo ena aishileba umukashi wandi, ena abulile ishina lyandi.

³⁷⁹ Ena aleisa. Kuliko abanakashi abengi, inkuta, mwi sonde, lelo Ena aleishila Umukashi Wakwe. Wene etwa kwi Shina Lyakwe. “Abo abali muli Kristu Lesa akaleta pamo Nankwe.” Musango nshi twingila muli Wene? “Ku Mupashi umo ifwe bonse tulabatishiwa mu Mubili umo.”

³⁸⁰ Nomba ilyo tulepepa, imwe mulepepa, na imwe. Mukati na kunse, kuliko amabumba ayakalamba aya bantu mufipinda, kunse, ukwiminina ukushinguluka, kunse mu misebo. Lelo nomba ilyo—ilyo imwe muli . . . Ifwe tekuti tumwite kuno kucipailo. Lelo, umutima wenu, ulengeni ukuba cipailo. Kabili mukati fye ka mutima wenu, soseni, “Shikulu Yesu, ni ncetekela Ici. Ninjiminina kunse kuno muli iyi mpepo iya mu bushiku. Ni ntitikishiwa, muli ici cipinda icinono. Ninjikala muno, mukati ka aba bantu. Ine—ine—ine—ine—nshilefwaya ukuba . . . Tekuti ndu fye; tekuti ncicite.”

³⁸¹ Ifintu fyonse, nge fyo namwebele mailo ubushiku, kabili, e ico ngafwilisheni, Shikulu naishiba ndelanda Icine. “Nshilebepa,” nge fyo Paulo asosele. Cilye cimonwa, atemwa conse fintu cali; naliminine kulya, ukulolekesha, nalikete balya bantu abo abatangilako, mu butuntulu fye nge fyo njiminine kuno kwine. Mwikacipanya, we munyina umubusu atemwa nkashi; wikesha ukucicita. Ninjishiba mwalyumfwa ukushimikila, mwalyumfwa *ici, cilya*, na malyashi, fyonse filya. Lelo lekeni... Umfweni fye. Kuli ine, ici cili... Ninjishiba cena Cine, mwamona. Imwe fye...Ine—tekuti ncilenge ukuba palwalala ukucilapa, mwamona. Mwikapanya cena. Cena conse cenu.

Nomba lekeni tupepe.

³⁸² Shikulu Yesu, kuno kuntanshi yandi kuli icibokoshi ca tutambala uto tuleimininako abantu abalwele. Ilyo ndepepela twena, ukubika indupi shandi pali twena, nge fyo Baibele yasosa, “Babulile ukufuma ku mubili wakwa Paulo, ututambala no tusalu, imipashi iyakowela yafumine mu bantu, ne fishibilo ifikalamba fyalicitilwe.”

³⁸³ Pantu, balimwene Paulo, ukutila balishibe Umupashi wa kwa Lesa wali muli wene. Balishibe ukutila ena ali—ena ali umuntu uwaibela, ukutila, ifintu ifyo Ena alandilepo, palwa Cebo. Ena ali no kusenda ishiwi lya ciHebere ilya kale ilya lukuta lwa baHebere, no kulileta ku mweo, no kulibika muli Kristu. Balishibe Lesa ali mu mwaume. Bena bali mwene Lesa ukubomba mukupapusha kabili imilimo iya pulamo kuli wene, ukulandila libela ifintu kabili fyena fyali no kucitika ulya wine musango, kabili balishibe ukutila ena ali mubomfi wakwa Lesa.

³⁸⁴ Shikulu, ndepepa ukutila Imwe mwalacindika aba bantu pa mucinshi wabo ku Cebo, kabili bondapeni pa mulandu wa kwa Yesu. Kunse kuno mwi bumba, Shikulu, kuli abantu abekele, nga filya fine cali kuli abo abaumfwile ku mutumwa Petro pa Bushiku bwa Pentecosti. Ifyo ena abwekele mu Cebo, no kusenda Icebo! Kabili atile, “Yoele atile, mu nshiku sha kulekelesha ifi fintu ifikacitika. Kabili Ici ni cilya.” Kabili amakana yatatu balicetekele Cena, kabili balibatishiwe.

³⁸⁵ Kabili, Tata, ilelo natwiminina muno ku nkumbu Shenu. Kabili cena tacilipa mulandu wakuti—pakutila bena bantu abacindama, lelo ni pa mulandu (nga filya cali mu bushiku bwa nkalamo, atemwa ingo'mbe ilume, atemwa umuntu) yena ni nshita yakwa kapumpe. Cena caba kusubwa kwa ora. Cena ni nshita iyo tuleikalamo. Cena kubomba kwa Mupashi wa Mushilo kuli ino ine nshita, ukushininkisha ukutila Yesu tafwa. Ifintu ifyo Ena asosele ukutila Ena akacita lintu fye ama Lubuuto ya cungulo bushiku yabalike, kabili pano tulamumona Wene ukucita cilya, ukuya fye mubulendo. Ifwe

twalimona Cena ukwisa mu musango wa kufwailisha kwa fya science kabili twalikwete icikope Cakwe ukukupwa; ikalamba Intumba ya Mulilo Iyo iyatungulwile abana ba Israele; Iyo yakumenye Paulo mu musebo.

³⁸⁶ Kabili twalishiba, iyi ine Intumba ya Mulilo iyo yatungulwile Mose kulya lubali mu matololo, kuli ilya ine Ntumba ya Mulilo alilembele ama Buku ayengi aya Baibebe, pantu ena alisubilwe ne Cebo.

³⁸⁷ Iyi ine Intumba ya Mulilo ukwisa pali Paulo, mu musebo uwa ku Damaseke, ena alembele ama Buku ayengi aya Baibebe, ayetwa Icebo cakwa Lesa.

³⁸⁸ Kabili nomba, Shikulu, ilya ine Ntumba ya Mulilo, ku cishininkisho icashininkishiwa kwa Cebo, ku kufwailisha kwa science, ifwe tulemona Yena pano ukusokolola Icebo cakwa Shikulu.

³⁸⁹ Lesa, lekeni abantu bwangu bwangu bashibuke, Shikulu, bwangu! Abo abakwata amashina yabo ukubikwa pe Buku Iya Mweo; ilyo Ici cabyasha mu nshila yabo, lekeni bamone. Nga ulya umunono, umwanakashi cilende pa cishima bulya bushiku, ena ailwike bwangu bwangu, kabili alishibe Cena cali Malembo.

³⁹⁰ Kabili nomba, Tata, ndepapa ukutila bonse abo abali no kupokelela Imwe pali iyi nshita, mu mitima yabo, bali no kucipwishisha umuyayaya, pali iyi ora, ukutila bena bapwisha no lubembu; ukutila bali no kwima no kuiteyanya nomba kukulumbula pa cintubwingi, ukubatishiwa mwi Shina lyakwa Yesu Kristu, ku kulekelelwa kwa membu shabo; ukulangisha ukutila bena na bacetekela ukutila Lesa nababelelo luse, kabili bena balesenda Ishina lyakwa Yesu Kristu.

³⁹¹ Kanshi, Tata, pongolweleni Umupashi wa Mushilo, uwa Mafuta, pali bena, ukutila bena benga bikwa mu mulimo uwa kwa Shikulu Lesa, ukutila bena bengaba ababomfi muli ubu bubwa kulekelesha, ubushiku bwa bubifi, pantu tulemona na tukwata fye inshita inono. Kabili Ulukuta kuti lwaya inshita ili yonse.

³⁹² Umwana wa mpaanga limbi, pa nshita ili yonse, asha umwashila ku mulu Kulya, atemwa Icipuna ca bufumu ce lambo, ukwisa ukufuma ku Cipuna ca bufumu cakwa Lesa uko ilambo lyabela, kabili lyena ni nshi capwa; takuli nakabili isubilo kwi sonde; lyena ni nshi lyapwishiwa. Kanshi lyena lileya mukumfwishiwa ububi, ku kututumya ukukalamba ukwa finkukuma, kabili—kabili ukutenshiwa ukukalamba nga filya cali pa kubuka. Kabili—kabili, i—i . . .

³⁹³ Nge fyo Kristu abukile ukufuma mu nshishi, ilyo aba mushilo babukile, icintu cimo cine cikacitika. Shikulu, kuti caba miniti ili yonse. Ifwe tulelelela kuli bulya bushiku bwa nsansa ukwisa.

394 Sendeni abana Benu, mu kuboko Kwenu, Tata, nomba. Palamikeneni abana ba mpaanga Benu abanono pa cifuba Cenu. Peleni ici. Kabili balisheni pa Cebo, mpaka bena bakwata amaka ku mulimo. Twabapela kuli Imwe nomba, Shikulu. Asukeni ili pepo.

395 Mwatile, Tata, mulya muli Marko, icipandwa ca 11, “Ilyo mwapepa, na mwiminina ukupepa, cetekeleni ukutila muli no kupokelela ico mwalomba, kabili muli nokucikwata.”

396 Kabili no mutima wandi onse kuli Wene uyo walesokolola ifi fintu ukufuma mu myaka, kabili ifi Fikakatikilo pano muli uyu mulungu wa kulekelesha; ndecetekela Imwe, Shikulu Lesa, ukutila ino ni ora, mupepi nomba, mupepi nganshi ukucila ifyo tuletontonkanya, iya kupalama Kwenu.

397 Napapata lekeni ipepo lyandi lyasukwe. Kabili lekeni onse uwitwa umwana wakwa Lesa, uyo uuli mupepi mukumfwa muno, atemwa limbi tepu ikafika, lekeni pali ilya nshita... ndebalomba bena ku Bufumu bwa kwa Lesa, pa mulingo wa kwishiba ici e Cebo ico icilesokololwa. Lekeni Ulubuuto ulwa cungulo bushiku lubalike, Tata. Nabapela kuli Imwe, mwi Shina lyakwa Yesu. Amen.

398 Nomba, bonse, mukati atemwa kunse, abo abacetekela, kabili tamwatala ukucita ukwenu—ukulumbula kwenu pa cintubwingi, ukutila imwe namupwa no lubembu; kabili imwe—imwe mulefwaya uluse lwakwa Lesa, kabili imwe na musumina muli shena muli Yesu Kristu. Icishiba... Bena balaba abaiteyanya ku kubatisha uli onse ulefwaya ukubatishiwa, lelo atemwa mailo, ino ine nshita atemwa ilili lyonse cingaba.

399 Bushe muleipakisha Icikakatikilo ca Mutanda? [Ulukuta lwatila, “Ameni.”—Ka.] Mulemona uko Cena ciswilwe nomba? [“Ameni.”] Bushe na mucetekele Cena? [“Ameni.”]

400 Yena yasosa, “Nani uyo wacetekela ilyashi lyesu? Kabili ni kuli bani ukuboko kwa kwa Shikulu kwasokolwelwa?” Mwamona? Ukucetekela ilyashi, elyo ukuboko kwa kwa Shikulu kulasokololwa. Ukuboko, Icebo cakwa Lesa, na cisokololwa.

401 Shikulu nga suminisha nomba, mailo ulucelo, nkesha mukwishibisha kwandi ukwasuka yalya mepusho. Ine nalimo nkekala inshita yonse iya bushiku, kabili, atemwa ingi iya yena, mu mapepo, pali yena. Ndekwata nalimo ukufuma imo atemwa ama ora yatatu mu bushiku. Nshaile mukulala mailo ubushiku mpaka ukufika 1, kabili pa 3 koloko nali mukusoma. Mwamona? Mwamona?

402 Ndi no kwisa asukilapo pali ici. Cilya cishinka. Ifwe natupalama nganshi, ku cintu icili conse, ku buwelewele ubuli bonse, atemwa ukwelenganya ukuli konse, atemwa

ukucetekela citika. Ningile ukumona kuli cena, intanshi. Kabili elyo, ilyo nacimona, cilingile ukuba mu Cebo, na cena. Kabili e ico kanshi, ku nkumbu shakwa Lesa, fyena fintu fyapwililika. Ine ni mfibula ukufuma kulya kunuma, namwishiba cilya, kabili cena cili—cena cili icasuntinkana capamo.

⁴⁰³ Cena cilingile ukuba EFYO ASOSA SHIKULU. Pantu, cena tacili fye nge fyo ukusosa Cena ukufuma kuli ine ukwishiba cena, ne mwine, lelo Cebo cakwa Shikulu cili EFYO ASOSA SHIKULU. Kabili ici apa Icebo, ukusenda ifyo Ena ampele, no kusuntinkanya Fyena capamo no kulangisha imwe. E ico namwishiba, mwe bene, cena ni EFYO ASOSA SHIKULU. Mwamona?

⁴⁰⁴ Ici apa Icebo, efyo cisosa. Elyo kabili ubusokololo ubo Ena ampela, ubo buli ubwapusana kufyo onse muli ifwe atala ukutontontanyapo; cinshi, ukupusana nefyo natontonkenye pantu nshatala ukuya muli Cena nga filya. Lelo nomba, tulesanga fyena filakumbinkana capamo. Kabili cena ni Cinshi? Cena ni EFYO ASOSA SHIKULU. Mwamona? Cena ni filya fine. Cena yaba ni ncende ukwisulwa, ukwikatilila kulya, kuli iyi ora, kabili elyo Shikulu ukwisa no kusunkila Cena mukati nga filya. E ico, mulemona, cilya Icili apa. Cena, cena cili—cena ni Shikulu. Owe, nali Mutemwa! Nali Mutemwa no mutima wandi onse.

⁴⁰⁵ Nomba, ibukisheni, imwe... Ifwe tekuti tuye ku cipailo. Abengi bacimya amaboko yabo. Nomba, mwamona, cena cintu ca muntu umo umo, na imwe. Cena cili pali conse ico mulefwaya ukucita. Mwamona?

⁴⁰⁶ Ora ili mupepi nganshi, imwe mulingile ukupatikisha na maka nganshi nge fyo mwinga cita, te kutintwa. Mwamona, ukupatikisha fye, ukweshwa ukwingilamo, “Shikulu, mwinsha panse. Mwinsha panse, Shikulu. Ifibi fileisalwa; nga kuti naingila fye mukati!” Mwamona?

⁴⁰⁷ Lesa ali no kwisala icibi ubushiku bumo. Ena alicitile mu bushiku bwakwa Noah, kabili baumine pa cibi. [Munyina Branham akonkonsha pa cintamba imiku iingi—Ka.] Bushe co cishinka? [Ulukuta, “Ameni.”—Ka.]

⁴⁰⁸ Nomba ibukisheni, Baibele itila, ukuti, “Mubulinde ubwa cinelubali.” Cilya cishinka? [Ulukuta lwatila, “Ameni.”—Ka.] Bamo balilele mubulinde ubwa ntanshi, ubwa cibili, ubwa citatu, ubwa cine, ubwa cisano, ubwa mutanda, ubwa cinelubali. Lelo, mubulinde ubwa cinelubali, kwaliko ukubilisha ukwaishile, ukubilikisha, “Shibwanga aisa! Kabiyei kakumanyeni Wene.”

⁴⁰⁹ Banacisungu abalala batile, “Ukusosa, kuti natemwa ukukwatako Amafuta yamo, nomba.”

410 Nabwinga atile, “Ninkwata ayalinga ne mwine; nkwete fye ayalinga. Nga mulefwaya Yena, kabiyeni muye pepela pali Yena.”

411 Bushe ta mulemona nacingu uwalala nomba? Lolekesheni kuli ba Episcopalian, Presbyterian, Lutheran, ne fintu fyonse, ukweshwa ukucita. Kabili ubwafya ubwa cena buli, mucifulo icakweshwa ukukwata Mupashi wa Mushilo, bena baleesha ukulandila mu ndimi.

412 Kabili abengi muli bena balalandila mu ndimi, kabili bali ne nsoni ukwisa kuli ulu lukuta ukubapepela; balefwaya ine ukuya ku nga’nda yabo no kubapepela. Muleita cilya Mupashi wa Mushilo? Kulya kulandila mu ndimi, lelo te Mupashi wa Mushilo. Mwamona?

413 Nomba, ndecetekela Mupashi wa Mushilo alalandila mu ndimi. Mwalishiba nalicetekela cilya, mwamona. Lelo kwaliba icakupashanya kuli Cena, naco. Ee, mukwai. I—ifisabo fya Mupashi, ifyo filashininkisha ifyo Cena cili. Ifisabo ifya cimuti fishininkisha umusango wa cimuti ifyo cili. Te cikwa; icisabo!

414 Nomba moneni, kanshi, ilyo ena akesa, ilya—ilya ora yakulekelesha. Kabili kulya, ilyo baishilemo, lyena baliile no kusosa, “Cisuma, ndecetekela ninkwata Wene nomba. Ndecetekela ninkwata Wene. Ee, ifwe tulepokelela Wene.”

415 Ine—ine—kuti natemwa ukukana sose ci, mwamona, pantu cena kuti calenga icimfulunganya. Ilyo nasosele ubushiku bumbi, Ukusendwa, ifyo Kwena kukesha, ine—ine. . . Nomba, nga imwe mulesosa imwe—imwe muli no kupokelela cena, cili fye bwino. [Ulukuta Iwatila, “Ameni.”—Ka.] Moneni. Moneni. Cisuma, cilya cili kuli imwe.

416 Ilyo nacingu uwalala, mwamona, uyo watontonkenye ali pepele, ukubwela, Nabwinga aliile. Aliile, kabili ena tacishibe; kwati mupupu mu nshita ya bushiku. Elyo bena batendeke ukuma pa fibi. Kabili cinshi icacitike? Cinshi icaishile citika? Bena baliposelwe mu nshita ya Bucushi. Baibele efyo yasosa, “Kulya kwali ukulila, no kuwelesha, no kusumanya ameno.” Bushe co cishinka?

417 Ni lilali ilyo cili no kuba, munyina, nkashi, nshishibe. Lelo, ine—ine, ine, cena kuti caba fye limbi nine kuno, nomba, mwamona. Ici, ici eco. . . Ici litontonkanyo lyandi. Mwamona? Ine—ine—ndecetekela cili mupepi nganshi, ine—ine ndi. . . Cila bushiku ine—ndefwaya. . . Ndeesha fye ukwenda umutalalilwa nge fyo ninga cita. Mwamona? Kabili nomba ilyo, namwishiba, ilyo i. . .

418 Icintu cimo cacitika ilelo, kabili na cimona icintu cimo ukwisa. Ine—naciba fye. . . Nacifilwa fye ukukwata ukupema nakabili, mwamona. Ulya Aciba palya, ukwiminina kulya, lulyo Lubuuto ulunono ukwiminina kulya kwine. Kabili Ici caciba apa. Ninjishiba cena Cishinka.

419 Nacitontonkanya, “Mwe Lesa, ine tekuti nsose cilya. Ine—ine tekuti nsose cilya. Ine teti ncite.” Nacenda fye ukufuma mu cipinda, ukuya panse, ukwenda uku no ku. Munyina, nacitontonkanya, “Mwe! Cinshi ico ninga cita? Owe!” Mwamona? Kabili ine—ningile ukuyaloba, atemwa icintu cimo, atemwa ine...Mune, iwe ukuti...Iwe...Ine tekuti nkwebe. Mwamona?

420 E ico, ifwe natukwata inshita isuma. Bushe tatukwete? Shikulu alumbanishiwe! Ameni! Mwamona? Ifwe tuli mu i—ifwe tuli mu nshita ya pulishamo, mwamona, pantu umutima wandi nawisushiwa ne nsansa no kusangalala.

421 Lelo ilyo natontonkanya pali ili sonde kabili pa makana abo naishiba abo abaluba, icinshingwa icafita, hum, lyena umutima obe ulakontoka. “Cinshi ico winga cita? Cinshi ico winga cita?” Iwe umfwafye Umupashi wa Mushilo ukubilikisha fye, mu mutima obe. Nga filya cali muli Shikulwifwe, ilyo Ena alolekeshe pali Yerusalemu, abantu Bakwe Umwine, mwamona, atile, “Yerusalemu, Yerusalemu, miku inga naesha ukukufukatila, nge fyo nankonko acita patwana twakwe, lelo walikene.” Iwe ulomfwa fye Mupashi wa Mushilo ukusosa, “Ifyo lyonse nafwaya ukukulonganya, mwamona, lelo iwe walikene.” Mwamona?

422 Ifwe tuli, ifwe tuli ino ine nshita tuli pa cintu cimo, mwe banandi. Fyonse ifyo cili, Lesa naishiba. Tapali nangu umo, tapali nangu umo uwishibe ilyo cena cikacitika. Cilya ni nkama. Tapali nangu umo uwishibe ilyo cena cikacitika.

423 Lelo Yesu alitwebele, “Ilyo mukamona ifi fintu, fyonse ifi fintu.” Nga filya naciya, ukupashanya ne Cikakatikilo ica Mutanda, ku fyo Ena asosele muli Mateo 24. Nomba ibukisheni ifyo Ena asosele, “Ilyo mukamona ifi fintu ukwisa, ukutendeka ukufikilishiwa, lyena inshita ili pa mwinshi.” Lolekesheni vesi ine iyakonkelepo, iya 30—iya 30 na ma vesi ya 31 no kuya panshi, 32, na vesi ya 33.

424 Atile, “Kabili Ena akatuma ba malaika Bakwe ku fifutu fine ifya myulu, ku myela ine, ukulonganya Abasalwa Bakwe.” Bushe co cishinka?

Atile, “Nomba sambilileni u . . .”

425 Nomba ibukisheni, Ena alekele palya pene. Ena tatalile ukuya pa ntanshi, panuma ya cilya Cikakatikilo ica Mutanda. Ena tatalile ukusosa icintu icili conse palwa ca Cinelubali. Ena asosele pa ca Kubalilapo, ica Cibili, ica Citatu, ica Cine, ica Cisano, ne ca Mutanda. Lelo Ena alekele palya, tatalile ukulumbulapo icintu icili conse palwa Cena.

426 Moneni icintu cimbi ico Ena asosele, “Nomba sambilileni umulumbe.” Mwamona? Elyo Ena aletendekela pa milumbe. Atile, “Ifi fintu fimbi fikaba.”

427 Ena aleasuka yalya amepusho yatatu. “Cikaba ni nshita nshi. . . ifi fishibilo? Kabili cinshi icikaba icishibilo ica Kwisa Kwenu? Cinshi icikaba icishibilo ica mpela ya calo?”

428 Kabili Ici ica Mutanda, kulya, cali ni mpela ye sonde. Kabili ukubilisha kwa kwa malaika uwa cinelubali. . . “Atumpwile amaboko yakwe pa mulu, no kulapila kuli Wene uyo waba no mweo wa muyayaya umuyayaya, ukutila takwakabe ukukokola nakabili.” Isonde lilefyala ilipya. Cena capwa.

429 Kabili ifwe tuli pano, pano pene pa mwinshi. Owe, ndetutuma. “Kabili cinshi ico ningile ukucita, Shikulu? Cinshi—cinshi cimbi ni nga cita?” Mwamona? Kabili, lyena, ukutontokanya fye ukumona ilye ncende na balya bantu basuma! Naliminine kulya, ukuilolekesha ne mwine. Kabili nalitontonkenye, “Mwe Lesa, cinshi, bena—bena tekuti bapanye ici. Ine—ine—ningile ukubasunka. Ningile ukuya fye mwibumba no kubasenda, no kusunka.” Iwe tekuti ucite cilya. Iwe. . .

430 “Kabili takuli umuntu uwingesa kano Tata amukula.” Lelo uku pano ukusansamushiwa uko tukwete pano, “Bonse abo Tata Ampela bakesa.”

431 Lelo abashala muli bena, natulya utubungwe, ukushintilila pali twena nga filya, mwamona. “Kabili ena abepele bonse abaikalapo abaikala pe sonde, abo amashina yabo tayalembelwe muli lilye Buku ilya Mwana wa mpaanga ilya Mweo, uwaipaiwe ukutula ilyo mufula we sonde twalengwa.” Owe, mwe! E ico, mulemona, cena cintu icabulanda.

432 Icintu fye ceka ico mwinga cita caba fye—fye—fye—ukwikala fye pamo ne Cebo. Moneni conse fye ifyo Ena alesosa ukucita, elyo kabili citeni cilya. Mwamona? Conse fye ena Alesosa ukucita; citeni cilya.

433 Kabili lolekesheni kunse kulya, no kusosa, “Owe, mwe! Bena balacita *ici*, elyo. . . Owe!” Cena cili fye. . .

434 Imwe tamwiluka ifyo kwaba ukutitikisha! Nomba ndefwaya ukusosa ici. Ndemona ama tepu nayasalwa. Abantu abengi balasosa, “Munyina Branham, na bukapyunga bwa bulya musango. . .” (Ningile ukulolesha, pantu abantu balasenda fye yalya amatepu no kwesha fye ukuyabika mutupimfya, namwishiba.) E ico ilyo bena batila, “Munyina Branham, tulekabila nga twalikwete bukapyunga,” iwe tawishiba ifyo ulesosa. Iwe, mucishinka, tawishibe ico cendela pamo na cena, munyina, nkashi. Owe, mwe! Kabili umulimo, ilyo ukwete abantu abashintilila pa fyo ulesosa? Ibukisheni, ngo lebeba ifintu ifya lubana, Lesa akafwaya umulopa wabo pa minwe yobe. Kanshi, ulatontokanya pali cilya. Cena cintu ica kutinya.

⁴³⁵ E ico, beni abacitemwiko. Te mweni Yesu no mutina wenu onse. Konkeni-. . . Beni abaicefya. Mwikatala ukweshu uku—ukwelenganya icintu icili conse. Beni fye abaicefya ku cinsu cakwa Lesa. Pantu, ubwingi ubo muleesha ukucelenganya, muletaluka nganshi ukufuma kuli Wene. Mwamona? Beni fye abakucetekela Wene.

Ukusosa, “Nomba, cisuma, nililali ilyo Ena akesa?”

⁴³⁶ Nga Ena aleisa ilelo, cili fye bwino. Nga Ena akesa imyaka amakumi yabili ukufuma nomba, cena nalyo line cili fye bwino. Ndi fye no kuya umusango ndeendelamo nomba, ukukonka Wene. “Shikulu, nga Imwe kuti mwamomfya ukuli konse, ndi pano, Shikulu.” Nga cena cili no kuba imyaka umwanda ukufuma ilelo, ngo mwi shikulu wandi umukalamba—umukambala—umukalamba—umukalamba acili no mweo ukucimona cena ukwisa, lekeni. . . “Shikulu, nshishibe ilyo cena cikaba lelo, lekeni fye nyende mukulungama ilelo, pamo fye na Imwe.” Mwamona? Ine—ndefwaya. . . Pantu, ine—nkesabuka pali bulya bushiku, umusango fye umo wine nge fyo nakwete ukutusha ukunono ku cifulo cimo.

⁴³⁷ Ukwisa ukwika kulya, ilye sano ilya bukata kulya, bulyo Bufumu bwakwa Lesa kulya, uko bonse abakote bakaba abaice, uko imingila iya buta ili iyateyanishiwa! Abaume na banakashi na bapilibulwa, mukuyemba, ukulenga kwine ukwa—ukwa umwaume umusuma kabili u—umwanakashi uwaemba! Ukwiminina kulya mu kuyemba konse kabili mu cipasho ica mwanakashi uwa caice no mwaume uwa caice, ukwiminina kulya! Kabili teti ube umukote, teti kube ifyalubembu, te kuti kube icintu ica kalumwa, atemwa ulupato, atemwa icintu icili conse! Owe, mwe!

⁴³⁸ Ndetontokanya amatepu nayashimishiwa nomba. Kabili inekwete fye nalimo yatatu ama miniti yane. Ndefwaya ukulanda kuli imwe. Bushe co cishinka? [Ulukuta lwatila, “Ameni.”—Ka.] Nomba, ici cakuli ine ne mwine, mwamona. Pantu, mailo, ine—ine. . . Cilya cikaba icapulishamo nganshi! Ndetontokanya ningile fye ukucisosa fye nomba, mwamona, ifyo ndi no kusosa. Ine. . . Ici cili fye kuli ifwe nomba. Naciba fye. . .

⁴³⁹ Kabili namwishiba, ine—nalikwata umukashi uo natemwa, kabili ulya Meda. Kabili ine—ine nga nshatalile ukumupa, pa mulandu wa citemwiko ca mukashi wandi uwa kubalilapo. Lelo nomba, mu bwingi nge fyo nasakamene wene, ine—ine nga shaupile ena nga tacali ni Lesa ukunjeba ukucita. Kabili mwalishiba ilyashi ilya cena; ifyo ena aile ku kupepa, kabili ifyo nacitile. Kabili elyo Ena alinjebele filya fine ifya kucita, kabili, “Kabiye, kamupe,” kabili inshita ilya ine iya kucicita. Ena mwanakashi umusuma. Kabili ena alempepelako muno bushiku. Kabili e ico nomba yena ni 8 koloko, ku nga’nda, ena nalimo alempepelako nomba.

440 Nomba moneni. Ubushiku bumo atile kuli ine, atile, “Bill,” atile, “Ndefwaya fye ukukwipusha ilipusho palwa ku Mulu.”

Natile, “Cisuma, Meda, cena ni cinshi?”

Atile, “Nawishiba nalikutemwa.”

441 Kabili natile, “Ee.” Cena cali panuma ilyo ici cacitile ku mulu uku.

Atile, “Nawishiba ukutila Hope alikutemenwe, nao.”

Natile, “Ee.”

442 Kabili atile, “Nomba,” atile, “Nshiletontokanya kuti naba uwabufuba,” atile, “lelo Hope ali.” Kabili atile, “Nomba, ilyo tukaya ku Mulu. . . Kabili iwe wasosele ukutila wali mumwene kulya.”

443 Natile, “Eko ali kulya. Nalimumwene. Nalimumwene imiku ibili, kulya.” Ena ali kulya. Ena alendolela ine ukwisa. E ico cena ni. . . Efyo na Sharon ali. Nalimumwene, mu musango umo wine ndelolekesha pali iwe. Nali mumwene kulya. Kabili natile. . .

444 Atile, “Cisuma, nomba, ilyo tukafika kulya,” atile, “ni nani ukaba umukashi obe?”

445 Natile, “Imwe bonse babili. Takwakabe nangu umo, mwamona, lelo imwe bonse babili mukaba.”

Atile, “Ine teti njiluke cena.”

446 Natile, “Nomba, mutemwikwa, ikala panshi, leka nondolole icintu cimo kuli iwe.” Natile, “Nomba, ninjishiba walintemwa, kabili walishiba ifyo nakutemwa, no mucinshi no kucindikwa. Nomba, tutile, nga cakutila nalifwele, naile mu musumba; kabili umo umunono cilende, uwaemba nganshi, kabili alishile na maboko yakwe ukunkumbata, no kusosa, ‘Owe, Munyina Branham, mucine nalikutemwa,’ ukutendeka ukubika amaboko yakwe pali ine no kunkumbata. Ni cinshi ico wingatontokanya.”

Atile, “Ndetontokanya tekuti ntemwe cilya nangu panono.”

447 Kabili natile, “Ndefwaya ukukwipusha icintu cimo. Bushe iwe. . . Nani uo watemwishapo, nga cilya cali no kuba icilangisho, ine atemwa Shikulu Yesu?” Nomba, lulya fye lupwa, ukulanda.

448 Kabili atile, “Shikulu Yesu.” Atile, “Ee, Bill, mu bwingi fye nge fyo nakutemwa, lelo, ilyo nshilamulekelako Wene, kuti nakulekelako iwe.”

449 Atile, “Natotela, mutemwikwa. Ndi wansasa ukumfwa iwe ukusosa ico nomba.” Natile, “Nomba, inga cakutila ulya wine umwanakashi umunono kuti aisa kuli Yesu no kubika amaboko yakwe ukukumbata Wene, ukusosa, ‘Yesu, nalikutemwa Iwe,’ ni cinshi ico wingatontokanya pali cilya?”

Atile, “Kuti natemwa cilya.”

⁴⁵⁰ Mwamona, cena cilepilibuka ukufuma kuli fileo ukwisa kuli agapao. Mwamona, cena Kutemwa ukwapulamo. Mwamona? Kabili takwaba icintu ica musango ifi ngo mukashi no mulume, nge fyo. . . kabili ukufyala abana. Kwena konse nakufumapo. I—Ifilundwa fya caume no bwanakashi. Ifilundwa fyonse fili. . . Fyena fyonse fili fimo fine, kulya. Mwamona? Takuli cimo ica cena, nakabili. Mwamona, takuli ifilundwa ifya kukumaninako kulya, awe nakalya. Mwamona? Imwe muli fye i. . . Ee, mukwai. Tontonkanyeni fye mwe bene ukwabula icilundwa ca kukumaninako. Umulandu fyabikilwe muli ifwe ku sandilako isonde, mulemona. Lelo, Kulya, takwakabeko icili conse Kulya. Takwakabeko nangula icilundwa ca bwaume atemwa ica bwanakashi. Awe.

⁴⁵¹ Lelo icipasho ca bu bumbo bwakwa Lesa cikaba kulya. Cilya ni filya fine fye. Lelo ifwe tukaba abatuntulu mucine cine. Iyo—takuli fileo, nakalya; fyonse agapao. Mwamona? E ico kanshi, umukashi akaba fye mukukana cila umo umutemwikwa icintu cimo ico cili—ico cili icenu, kabili ena. . . Imwe mwaba kuli umo no mubiye. Takuli icintu ica musango filya nga i. . . Iyo, iyo, takuli nangu. . . Mwamona, iciputulwa ca fileo taciliko kulya nakalya. Mwamona? Kulya takuli icintu icapala ubufuba; takuli icakubelapo ubufuba. Takuli icintu ca musango filya kulya. Imwe tamwakeshibe icintu nga cilya. Mwamona? Kabili ukuba fye umwaume uwa caice umusuma no mwanakashi uwa caice, ukwikala.

Elyo kabili, panuma, atile, “Nimona cena, Bill.”

Natile, “Ee.”

⁴⁵² Ndefwaya ukumweba icintu cimo icacitike. Ici cali ciloto. Nali mutulo. Kabili nshatala ukucilanda ici pa cintubwingi. Nalicilanda ku bantu bamo, lelo nshatala pa cintu bwingi, ukulingana nge fyo naishiba.

⁴⁵³ Ine—nalilotele, nalimo umweshi panuma ya cilya, ukutila naliminine, ubushiku bumo, kabili nalelokelesha icintu icikalamba icali. . . Te bupingushi, nomba. Nshacetekela Ulukuta lukatala ukwisako, (Ndepilibula, Nabwinga), ukuya mubupingushi. Lelo, nali kulya ilyo ifilongwe fyalepelwa, mwamona. Kabili icikalamba—icikalamba icikulu Icipuna ca bufumu calibikilwe *uku*. Kabili Yesu na ba Malaika abalemba, na bonse, baliminine kulya. Kabili kulya kwali amatabo ayengi, ayapala ukwika *ulu* lubali, aya mulombe wa nsoku uwa buta; ukwika, mucishilwa, capangile icikope nge *fi*, no kuya kunse, icakutila lyonse ili bumba ilikalamba ilya iminine kunse kulya kuti bamona ico calecitika.

⁴⁵⁴ Kabili kuti naiminina kunuma kulya, kunuma nganshi kulubali lumo. Kabili naliminine fye kulya, nshakwete ilyano nalingile ukwenda pali yalya amatabo. Naliminine kulya. Ine kuti namona. . .

⁴⁵⁵ Malaika ulemba kuti aita ishina limo; kabili kuti naishiba, ukwishiba lilye shina. Nalilolekeshe, kabili kunuma kulya lubali, kuno kwalishile munyina, ukwenda pamo na nkashi, baishile kuli iwe, nga filya. Malaika ulemba aiminine kulya kulubali lwa kwa Kristu, (iciloto fye nomba), kabili alelekesha. Kabili ishina lyabo lyali kulya, lyalisangilwe mwi Buku Iya Mweo; Ena kuti alelekesha kuli bena, no kusosa, “Cena cali—cena cali citilwe bwino, we Munandi musuma kabili umubomfi wa cishinka. Nomba ingilamo.”

⁴⁵⁶ Nalilolekeshe kunuma, uko baleya kulya. Kulya kwali icalo cipya, kabili ukusangalala. Kabili atile, “Ingila munsansa shakwa Shikulu, isho shali—isho shabikilwe iwe ukutula ilyo mufula we sonde taulabapo.” Mwamona? Kabili, owe, natontonkenye... Bena kuti baya ukupita mulya, kabili ukukumana umo no mubiye, kabili ukusangalala fye, kabili ukuya mulya mumpili na mu ncende ishikalamba ishikulu.

⁴⁵⁷ Lelo natontonkenye, “Owe, bushe cilya tacawama! Ubukata! Aleluya!” Ukulatoloka toloka fye!

⁴⁵⁸ Elyo kuti naumfwa ishina limbi ukwitwa. Natontonkenye, “Owe, nalimwishiba. Nalimwishiba. Ine... Kulya, ulya eleya, palya.” Ukumumona Wene nga filya.

“Ingila mu nsansa shakwa Shikulu. Mwe ubusuma kabili...”

“Owe,” ine kuti nasosa, “Les a alumbanishiwe! Les a alumbanishiwe!”

Ukusosa fye, tutile, nge fyo basosa, “Orman Neville,” mwamona.

⁴⁵⁹ Elyo kabili kuti nasosa, “Ulya ni Munyina Neville umukote. Ulya ali palya.” Mwamona? Kabili uyu aisa, ukufuma mwi bumba, ukuya pa mulu.

⁴⁶⁰ Nomba Atile, “Ingila mu nsansa shakwa Shikulu, isho shateyanishiwe iwe ukutula ilyo mufula we sonde taulabako. Ingilamo.” Kabili Munyina Neville umukote ukupilibulwa fye, kabili ukutendeka fye, kunuma fye kulya, ukulapunda no kubilikisha.

⁴⁶¹ Mune, ine ukubilikisha fye no kusosa, “Ubukata kuli Les a!” Ukwiminina kuno lubali nemwine, ukukwata inshita isuma, ukulolekesha ba munyina ukwingilamo.

⁴⁶² Kabili Malaika ulemba aiminine kulya, kabili atile, “William Branham.”

⁴⁶³ Nshatala ntontonkanyapo kuti natala ukwenda mulya. E ico naishilekwata umwenso. Natontonkenye, “Owe, mwe! Bushe nkatala ukucita cilya?” E ico nalile ukwenda ukuya kulya. Kabili uuli onse ukulampampansa pa—pa [Munyina Branham alelondolola ukuimpampansa umwine imiku ingi—Ka.] “Shani, Munyina Branham! Les a akupale, Munyina

Branham!” Ukumpampansha ilyo ndepita, ukupita mwibumba ilikalamba ilikulu ilya bantu. Kabili bonse muli bena ukupalama no kumpampansha nga filya. [Munyina Branham alelondolola ukuipampansha umwine imiku ingi.—Ka.] “Lesakupale, munyina! Lesakupale, munyina!”

⁴⁶⁴ Naleyā. Natile, “Natotela. Natotela. Natotela.” Kwati ukwisa ukufuma mukulongana, atemwa icintu cimo, namwishiba.

⁴⁶⁵ Kabili nali no kuya ukwenda pali aya matabo aya kalamba ayakulu aya mulombe wansofu. Nalitendeleke ukwenda ukupita mulya. Kabili lilya line fye napangile ulutampulo lwandi ulwakubalilapo, naliminine. Kabili natontonkenye. . . Nalilolekeshe pa cinso Cakwe. Natontonkenye, “Ndefwaya ukukwata ukulolekesha ukusuma pali Wene muli uyu musango.” Kabili nalilekele.

⁴⁶⁶ Nabikile amaboko yandi nge *fi*. Naumfwile icintu cimo ukwisa mu minwe yandi *umu*. Cena cali kuboko kwa muntu umo. Nalilokeleshe ukushinguluka, kabili palya paliminine Hope; yalya amenso yakulu ayafita, kabili ilya imishishi yafita ukulebelela mwi samba kunuma yakwe, nafwala no mwingila uwabuta; kundolekesha nga filya. Natile, “Hope!”

⁴⁶⁷ Naumfwile icintu cimo ukwikata *uku* ukuboko. Nalilolekeshe mumbali, kabili kulya kwali Meda; yalya amenso ayafita ukulolekesha pa mulu, kabili ilya imishishi iyafita ukulebela panshi, nafwala umwingila uwa buta. Kabili natile, “Meda!”

⁴⁶⁸ Kabili bena balolekeshenye umo no mubiye, namwishiba, nga filya. Bena bali. . . Nalibekete mu maboko yandi, kabili apa twalile, ukwenda ukuya ku Nga’nda.

⁴⁶⁹ Nalishibwike. Owe, naishile buka. Kabili ine—naishilebuka no kwikala panshi mu cipuna, no kulila, namwishiba. Natontonkenye, “Mwe Lesa, ndesubila cilya cikesa filya fine.” Bonse babili bali pamo na ine mu bumi, no kuleta abana, ne fintu nga filya; kabili ifwe tuli pano, ukwenda mu calo cipya, owe, mwe, ukwaba ukupwililika ne fintu fyonse. Iyo, nangu cimo. . .

⁴⁷⁰ Owe, cena cikaba icintu icawama! Mwikacipanya cena. Mwikacipanya cena. Ku nkumbu shakwa Lesa, citeni conse ico mwinga cita, kabili cilya cili no kuba kuli Lesa ukusakamana ifyashala ifya cena lyena.

Nali Mutemwa, nali Mutemwa
Pantu ali Ntemwenwe
No kushite pusukilo lyandi
Pa Kalbale. . .

⁴⁷¹ Lekenī tulwimbe nakabili, ne mitima yesu yonse. Nomba inwineni amenso yenu kuli Lesa.

Nali Mutemwa

472 [Munyina Branham afuma kucintamba no kupepela umwanakashi, ilyo ulukuta luleimba *Nali Mutemwa* umuku naumbi—Ka.]

...nali Mutemwa
Pantu ali Ntemenwe
No kushite pusukilo lyandi
Pa Kalbale.

473 Cisuma, nomba. Ena tacisubilwa ukuba no mweo mukulongana konse. Cilya cishinka. Ulya ali palya, na maboko yonse mu mulu, ukulumbanya Lesa. Ulya e mulandu wine nacilolela inshita itali pano; ukukana mweba ifyakucita. Nacilalanda fye palwa kwa Meda na bena. Kabili ukutula nacilalolekeshu, ukumona cinshi...Nacitwalilila ukumona lulyo Lubuuto ukulashinguluka uku no ku, kabili ukuya no kulebela pali wene. Nacitontokanya, “Cilya eco.” Owe, bushe cena tacawama? [Ulukuta lwasangalala—Ka.]

Nali Mutemwa, nali Mutemwa
Pantu intanshi ali Ntemenwe
No kushite pusukilo lyandi
Pa Kalbale.

474 Nomba, ne mitima yesu, [Munyina Branham atendeka ukungwi'ngwita *Nali Mutemwa*—Ka.] Tontontokanyeni fye pa busuma Bwakwe no luse.

...Nali Mutemwa (Ameni!)
...Abalilepo ukutemwa...


475 Nomba moneni ifyo cena cawama? Ameni! Cilya e co. Nomba...?....Kabiye no kuba umutuntulu. Ameni! Inkumbu shakwa Lesa nashimonekela kuli iwe, ukukulenga ukuba umutuntulu. Ameni.

...pa Kalbale.

Owe, ubukata kuli Lesa!

Nali Mutemwa,...

Cisuma, kacema wenu.

476 [Umo muntu atila, “Munyina Branham, mailo tukatampa pa naini sate?”—Ka.] Naini ukushita naini sate. Naini koloko, imo muli ilya. [“Panuma ya cakulya ca lucelo? Naini koloko?”] Mukatampe pa naini. Ine nkatendeka pa naine sate. 

Ukusokolola Ukwa Fikakatikilo Cinelubali
(*The Revelation Of The Seven Seals*)

Ishi Mbila na Munyina William Marrion Branham intanshi shapelwe mu Icingeleshi pa Marchi 17 ukushinta Marchi 24, 1963, pa Branham Tabernacle mu Jeffersonville, Indiana, U.S.A., kabili *Icikatikilo Ica Cinelubali* calitwalilile pa Marchi 25 pa Sherwood Motel. Pa kukwata ama tepu ayomfwika bwino nganshi kabili aya ntendekelo ayapwishiwa, ishi Mbila nashicitwa cipya cipya ukulingana ne milembele icitilwe nomba. Amano yonse yalibikilweko ukufumya bwino bwino Imbila mu ma shiwi ukufuma muli magnetic tepu uwaambulwa ukuletwa pe bula ililembelwe, kabili nashilembwa muno ukwabula ukulundamo nelyo cimo. Shalembelwe mu Cibemba mu 2003 na ba Voice of God Recordings.

Insambu shonse muli ili buku shalicingililwa. Ili buku tekuti lishitishiwe, ukulembwa nakabili, ukwilulwa mu ndimi shimbi, atemwa ukubomfiwa ukusangwilako indalama ukwabula ukulangisha nsambu ishalembwa kuli ba William Branham Evangelistic Association. Lyaishile lembwa nakabili mu 2003.

©2003 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org